

册府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦 較釋

帝王部 一百六十一

命使

周官小行人之職達六節辨五物以周知天下之故
其往也賦皇華以遣之其還也歌四牡以勞之蓋所
以重宣命之寄慰于役之勤斯古道也得非王者居
九重之深御四海之廣慮下情之未達懼一物之失

所繇是慎擇其人俾專厥任若乃察謠俗采方言賧
卹孤窮興舉孝秀辨庶士之淑慝平羣盜之傲擾至
有乾文謫見天灾流行或推賜租之恩或舉申究之
典斯皆因時立制以裨政治者也

周平王四十九年使凡伯聘魯

桓王六年使南季聘魯

十二年使宰渠伯糾聘魯宰官渠氏伯糾名也王官
之宰當以才授而伯糾攝

父之職出聘列
國故書名譏之

十三年使仍叔之子來聘魯

漢武帝元狩元年詔曰朕嘉孝悌力田哀夫老耗孤

寡鰥獨或匱於衣食甚憐愍焉其遣謁者巡行天下

存問致賜曰皇帝使謁者賜縣三老孝者帛人五疋

鄉三老弟者力田帛人三疋年九十以上及鰥寡孤

獨帛人二疋絮三斤八十以上米人三石有寃失職

使者以聞縣鄉卽賜毋贅聚贅會也令勿
擅徵召會聚

六年六月詔曰日者有司以幣輕多姦幣錢也輕者
若一馬直二

十萬幣輕而物重也農傷而物衆又禁并兼之徒故改幣以約

之更去半兩錢行五銖
錢及幣以簡約姦邪稽諸往古制宜於今廢期有

月而山澤之民未論夫仁行而從善義立則俗易意

奉憲者所以導之未明與將百姓所安殊路而橋虔

吏因乘勢以侵蒸庶邪

橋與矯同其字從手矯託也
虔固也妄託上命而堅固為

邪惡者也何紛然其擾也今遣博士大等六人分循行天

下存問鰥寡廢疾無以自振業者貸與之諭三老孝

悌以為民師舉獨行之君子徵詣行在所朕嘉賢者

樂知其入廣宣厥道士有特詔使者之任也士有殊才異行

當特詔者任之
使者分別之詳問隱處亡位及寃失職姦猾為害

野荒治苛者舉奏郡國有所以為便者上丞相御史

以聞

元鼎二年九月詔曰仁不異遠義不辭難今京師雖

未為豐年山林池澤之饒與民共之今水潦移於江

南迫隆冬至朕懼其饑寒不活江南之地火耕水耨

方下巴蜀之粟致之江陵遣博士中中博士名也等分循

行諭告所抵無令重困吏民有振救饑民免其戾者

具舉以聞

天漢二年秋泰山瑯琊羣盜徐勃等阻山攻城阻山者依

山之險以自固也道路不通遣直指使者暴勝之等衣繡衣

持斧分部逐捕刺史郡守以下皆伏誅

昭帝始元元年九月遣故廷尉王平等五人前為此官今不

居者皆謂之故也持節行郡國舉賢良問民所疾苦寃失職

者

宣德本始元年正月遣使者持節詔郡國二千石謹
牧養民而風德化

元康四年正月遣大中大夫彊等十二人循行天下
存問鰥寡覽觀風俗察吏治得失舉茂林異倫之士
五鳳四年四月辛丑晦日有蝕之詔曰皇天見異以
戒朕之不逮吏之不稱也以前使使者問民所疾苦
復遣丞相御史掾一十四人循行天下舉寃獄察擅
為苛禁深克不改者

元帝元初元年四月詔曰朕承先帝之聖緒復舉宗
廟戰戰兢兢間者地數動而未靜懼於天地之戒不

知所繇

繇與由同

方田作時朕憂蒸庶之失業臨遣光祿

大夫褒等十二人

上自臨勅乃遣之

循行天下存問耆老鰥

寡孤獨困乏失職之民延登賢俊招顯側陋因覽風
俗之化相守二千石誠能正躬勞力宣明教化以親
萬姓則六合之內和親庶幾庶無憂矣書不云乎股
肱良哉庶事康哉布告天下使明知朕意

建昭四年夏四月詔曰朕承先帝之休烈風夜慄慄
懼不克任間者陰陽不調五行失序百姓饑饉惟蒸
庶之失業臨遣諫議博士賞等二十一人循行天下
存問耆老鰥寡孤獨乏困失職之人舉茂材特立之

士相將九卿其率意毋怠使朕獲觀教化之流焉
 成帝建始二年九月詔曰廼者郡國被水灾流殺人
 民多至千數京師無故訛言大水至吏民驚恐奔走
 乘城殆苛暴深刻之吏未息元元寃失職者衆遣諫
 議大夫林等循行天下

河平四年三月遣光祿大夫博士嘉等十一人行舉
 瀕河之郡水所毀傷困乏不能自存者

陽朔二年秋關東大水流民欲入函谷天井壺口五
 院關者勿苛留遣諫大夫博士分行視

鴻嘉元年春二月詔曰朕承天地獲保宗廟明有所
 蔽德不能綏刑罰不中衆寃失職趨闕告訴者不絕

是以陰陽錯謬寒暑失序日月不光百姓蒙辜朕甚
 憫焉書不云乎卽我御事罔克耆壽咎在朕躬

此尚書文
 侯之命篇中辭也古我周家用事者無能有耆老賢
 者使國危亡罪咎在其用事者也又曰咎在朕躬平
 王自謂故引方春生長時臨遣諫大夫理等

天子自臨教而
 遣舉三輔三河弘農寃獄公卿大夫部刺史明申救
 守相稱朕意焉

永始三年春正月己卯晦日有蝕之詔曰天灾乃重
 朕甚懼焉惟民之失職臨遣太中大夫嘉等循行天

下存問耆老民所疾苦其與部刺史舉惇樸遜讓有

刑府共命使
行義者各一人

平帝元始元年正月遣諫議大夫行三輔舉籍吏民
以元壽二年倉卒時橫賦歛者償其直

二年九月使詣者大司馬掾四十四人持節行邊遣
執金吾候陳茂假以鉦鼓

以假鉦鼓者
欲重其威也

將帥乃有鉦鼓今茂官輕
兵小又但往論曉之耳所

四年遣大僕王暉等八人置副假節分行天下覽觀
風俗

後漢光武建武二年使太史大夫伏隆持節安輯青
徐二州招張步降之

二十九年二月遣使者舉寃獄出繫囚

安帝延光三年遣侍御史分行青冀二州灾害督錄
盜賊

順帝漢安元年八月遣侍中杜喬光祿大夫周舉守
光祿大夫郭遵馮羨樂巴張綱周栩劉班等八人分
行州郡班宣風化舉實臧否

建康元年正月詔曰隴西漢陽張掖北地武威武都
自去年九月已來地百八十震山谷拆裂壞敗城寺
殺害民庶夷狄叛逆賦役重數內外怨曠惟咎歎息
其遣光祿大夫案行宣暢恩澤惠此下民勿為煩擾

靈帝熹平五年四月使侍御史行詔獄亭部理寃枉原輕繫休囚徒

獻帝初平三年四月誅董卓遣使者張种撫慰山東八月遣太尉馬日碑及太僕趙岐持節慰撫天下魏文帝初嗣魏王遣使者循行郡國有違理括克暴虐者舉其罪

黃初六年遣使者循行許昌以東盡沛郡問民所疾苦貧者賑貸之

高貴鄉公正元元年十月遣侍中持節分適四方觀風俗學士民寃寃枉六職者

晉武帝泰始二年春正月遣兼侍中侯史光等持節四方循省風俗除穰祝之不在祀典者

四年詔刺史二千石長吏曰古之上者以歲時巡狩方岳其次則二伯術職不然則行人順省故雖幽遐側微心無壅隔下情上通上指遠論至於鰥寡罔不得所用垂風遺烈休聲猶存朕在位累載如臨深谷夙興夕惕明發不寢坐而待旦思四方水旱灾青爲之惕然勤躬約已欲令事事當宜嘗恐衆吏用情誠心未著萬機兼猥慮有不周政刑失謬而弗獲備覽百姓有過在予一人惟歲之不易未遑卜征巡省之

事下之未又其何以恤之今使使持節侍中副給事
黃門侍郎銜命四出周行天下親見刺史二千石長
吏申諭朕心訪求得失損益諸宜觀省政教問人關
思苦周典有之曰有萬姓之利害爲一書其禮俗政
事刑禁之逆順爲一書其暴亂作惡犯令爲一書其
禮喪凶荒厄貧爲一書其康樂和親安平爲一書每
國辨異之以返命於王舊章前訓令率繇之還其條
奏俾朕昭然鑒於幽遠若親行焉大夫君子其各悉
乃心敬乃事嘉言令圖苦言至戒與使者盡之無所
隱諱方將虛心以俟其勉哉勗之稱朕意焉其無忽
是年及遣使者侯史光循行天下

太元七年十二月遣侍御史巡遭水諸郡

後魏道武天興元年八月遣使循行郡國舉奏守宰
不法者親覽察黜陟之

三年正月分命諸官循行州郡觀民風俗察覺不法
四年二月分命使者循行州郡聽察詞訟糾劾不法
天賜元年四月詔尚書郎中公孫表使於江南以觀
桓玄之釁也值玄敗而還

明元卽位詔鄭兵將軍山陽侯奚斤巡行諸州問民
疾苦撫恤窮乏

永興三年春詔北新侯安同等持節巡行并定一州及諸山居雜胡丁零問其疾苦察舉守宰不法其寃寃失職弱強相凌孤寒不能自存者各以事聞

泰嘗二年春詔九州之民隔遠京邑時有壅滯守宰至不以聞今東作方興或有貧乏失農務者其遣使者巡行天下省諸州觀民風俗問民疾苦守宰治行諸有不能自申皆因以聞

七年九月分遣使者循行天下州郡觀察風俗

太武太平真君元年正月分遣侍臣循行州郡觀察風俗問人疾苦

文成大安元年六月詔曰夫爲治者因宜以設官舉賢以任職故上下和平民無怨謗若官非其人姦邪在位則政教凌遲至於彫薄思明黜陟以隆治道今遣尚書穆伏真等三十人巡行州郡觀察風俗入其境農不墾殖田畝多荒則徭役不時廢於力也耆老飯蔬食少壯無衣褐則聚歛煩數置於財也閭里空虛民多流散則緩導無方踈於恩也盜賊公行劫奪不息則威禁不設失於刑也衆謗並興大小嗟怨善人隱伏佞邪當途則爲法混淆昏於政也諸如此比黜而戮之善於政者褒而賞之其有阿枉不能自申

聽詣使告狀使者簡治若忠信清能衆所稱美謹告以求直反其罪使者受贓斷察不平聽詣公車上訴其不孝父母不順尊長爲吏姦暴及爲盜賊各具以名上其容隱者以所匿之罪罪之

孝文延興二年十一月分遣使者巡省風俗問民疾苦

三年十一月詔以河南牧守多不奉法致新邦之民莫能上達遣使者觀風察獄黜陟幽明

四年十一月分遣侍臣循河南七州觀察風俗撫慰初附

太和二年八月分遣使者考察守宰問民疾苦

六年八月分遣大使巡行天下遭水之處丐民租賦資儉不自存者賜以粟帛

八年正月詔隴西公元琛尚書六廩爲東西二道大使褒善罰惡

十四年二月詔遣侍臣循行州郡問民疾苦

十八年冬十月分遣侍臣巡民間所疾苦

二十一年正月己亥遣蕪侍中張彝崔光蕪散騎常

侍劉藻巡方省察問民疾苦黜陟守宰宣揚風化

宣武以太和二十三年四月卽位六月分遣侍臣巡

行郡國問民疾苦考察守令黜陟幽明文武應求道
著丘園者皆加褒禮 又云宣武時遣使巡行四方以
直閣將軍薛曇寶為持節兼散
騎常侍龍驤將軍南道大使

景明二年正月帝始親政詔曰朕幼承寶曆艱憂在
疚庶事不親風化未洽今始覽政務義協惟新思使
四方風化從率善可分遣大使黜陟幽明 是年以源
懷為車騎
大將軍詔為使持節加侍中行臺巡行冀燕幽三州
賑給貧乏策採風俗考論殿最事之得失皆先決後
聞

正始二年六月詔尚書李崇大府卿于忠散騎常侍
游肇諫議大夫鄧羨崇忠使持節并兼侍中羨兼黃

門俱為大使糾斷外州畿內其守令之徒咎失彰露
者即使施決州鎮重職聽為表聞

七月詔曰朕纂馭寶曆於今七載德澤未敷覽燭不
遠知人之寃瘼所在猶滋而糾察之獄未暢於下賢
愚靡分皂白均貫非可以革民耳目使善惡勵心今
分遣大使省方巡簡隨其愆負與風響相符者即加
糾黜以明雷霆之威以申旌軒之舉因以觀風辨俗
採訪功過褒賞貞孝糾罰淫慝理窟恤弊以稱朕心
三年四月詔遣使者巡慰北邊酋庶

孝明熙平二年正月詔遣大使巡行四方問疾苦恤

孤寡黜陟幽明又詔選曹舉用必在得才廣求樞道
共康治道州鎮城隍各令嚴固齋會聚集糾執妖誼
囹圄皆令造屋桎梏務在輕小工巧浮迸不得隱蔽
絹布繒綵長短合式偷竊軍階亦悉泐汰籍貫不實
普使糾案聽自歸首逋違加罪

正光元年冬十月遣侍中持節分適四方觀風俗勞
士民察冤枉失職者

四月詔尚書長孫稚巡撫北藩觀察風俗

孝昌元年徐州刺史元法僧以城叛入梁梁遣蕭綽
來據彭城時遣大都督安豐王延明督臨淮王或討

之盤桓不進乃詔尚書三公卽兼州司別駕前將軍
辛雄副太宰少卿元誨爲使給齊庫力持節乘驛催
軍有違卽令斬決肅宗謂雄曰誨朕家諸子標以親
懿定策機計伏卿取勝耳到軍勒令並進徐州綜送
降款

孝昌末魏蘭根爲光祿大夫河北流人南度以蘭根
兼尚書使齊濟青兗四州安撫置縣郡

孝莊建義元年五月以尚書右僕射元羅爲東大使
征東將軍光祿勳元欣副之巡方黜陟先行後聞

後周閔帝元年正月卽天王位詔曰上天有命革魏

於周致予一人受時大廟予惟古先聖王罔弗先於
省視風俗以求民瘼然後克治矧予耿耿又當草昧
若弗尚於達四聰明四目之訓者其有聞之哉有司
宜分命方別之使所在巡撫五教何者不宣時政有
何不使得無修身潔已才堪佐世之人而不爲上所
知冤枉受罰幽辱於下之徒而不爲上所理孝義真
節不爲有司所申鰥寡孤獨不爲有司所恤暨庶黎
衣食豐約賦役繁省灾癘所興水旱之處並宜具聞
若有八十已上所在就加禮餼

明帝元年六月遣使分行州郡理囚徒察風俗

掩敬埋

武成二年二月以車騎大將軍儀同三司冀携爲大
使巡歷州郡察風俗理冤滯還拜小御

武帝保定元年二月遣大使巡察天下

五年七月遣大使巡察天下

天和五年四月遣大使巡察天下

建德五年正月詔曰朕克已思治而風化未敷弘末
言前古載懷夕惕可分遣大使周省四方察訟聽謫
問民恤隱其獄犴無章侵漁黎庶隨事究驗條錄以
聞若政績有施治綱克舉及行宣圭筆道著丘園並
須簡審依名騰奏其鰥寡孤獨實可哀矜亦宜賑給

冊府元龜 命使
卷之二十一
務使周瞻

六年平齊詔曰東夏旣平王道初被齊民弊政餘風未殄朕劬勞萬幾念存康濟恐清淨之治未形四海下民疾苦不能上達寢興軫慮用切于懷宜分遣使人循方慰撫觀風省俗宣揚治道有司明立條科務在孔益

宣帝卽位遣大使巡察諸州

隋高祖開皇元年卽位遣八使巡察風俗

三年十一月遣使巡察風俗詔曰朕君臨區宇深思治術欲使生人從化以德代刑求草萊之善旌閭里

之行民間情僞咸欲備聞已詔使人所在賑恤揚德分路將遍四海必令爲朕耳目如有文武才用未爲時知宜以禮發遣朕將銓擢其志節高妙越等超倫亦使人就加旌異令一行一善獎勸於人遠近官司遐邇風俗巨細必記還日奏聞庶使不出戶庭坐知萬里

四年八月甲午遣十使巡省天下

六年正月遣民部尚書蘇威巡省天下

十年八月遣柱國襄陽郡公韋洸上開府東萊郡公

王景竝持節巡撫嶺南百越皆服

十五年七月遣邳國公蘇威巡省江南

十七年三月遣治書侍御史柳彧皇甫誕巡省河南河北

仁壽元年遣十六使巡省風俗

煬帝大業元年正月發八使巡省風俗下詔曰昔者哲王之治天下也其在愛民乎既富而教家給人足故能風淳俗厚遠至邇安治定功成率繇斯道朕嗣膺寶曆撫育黎獻夙夜戰兢若臨川谷雖則聿遵先緒弗敢失墜永言政術多有缺然况以四海之遠兆民之衆未獲親臨問其疾苦每慮幽枉莫舉冤屈不申一物失所用傷和氣萬方有罪責在朕躬所以鑿寤增歎而夕惕載懷者也今既布政惟始宜存寬大可分遣使人巡省風俗宣揚風化薦板淹滯申達幽枉孝悌力田給以優復鰥寡孤獨不能自存者量加賑恤義夫節婦旌表門閭高年之老加其板授並依別條賜以粟帛篤疾之徒給侍丁者雖有侍養之名曾無矜贍之實明加簡較使得養存若有名行顯著操履脩潔及學業才能一藝可取咸宜訪採將身入朝所在州縣以禮發遣其有蠹政害民不便於時者使還之日具錄奏聞

二年遣十使併省州縣

唐高祖武德元年六月遣太僕卿宇文明達招慰山東之地

七年遣黃臺公瑗安撫山南之地

十月詔曰隋德下衰政荒民散九州輻裂四海瓜分元元無辜用豺狼之吻慄慄黔首惟兵革之灾朕祗膺寶圖救其危墜一物失所情深納隍今趙魏之人俱承大化海岱之境思享朝章然而尚迫寇戎受拘凶暴經途遐阻未繇自達宣風布教必佇循良柔服招携事資明恕右弼衛大將軍上柱國淮安王神通

地惟近屬功參運始杖節建旃允當重寄可山東道安撫大使其山東諸軍事並受節度

二年閏二月詔曰隋末道消運爲陽九盜賊蜂起饑饉薦臻四海之民墜於塗炭是以上天降鑿爰命朕躬綏靜黎元克定凶醜府庫倉廩所在開發流冗之民隨加鎮撫言念亭育監寐匪忘然年穀不登民多困乏一物失所有甚納隍宜加存問救其疾苦可令皇太子建成巡京城側近諸縣秦王巡京城以東右僕射裴寂巡京城以西詣彼閭閻見其耆老觀省風俗廉察吏民乏絕之徒量加賑給如有寃滯並爲申

理高年疾病就致束帛是月遣馬邑都城李靖前鹿城縣令元無竭慰撫嶺南

四月遣大理卿郎楚之安撫山東夏侯端安撫淮左奏九韶樂設宴而遣之

五月遣黃門侍郎楊恭仁安撫河西之地

三年二月詔曰朕承天明命撫育萬方康俗濟民無忘監寐西蜀僻遠控接巴夷厥土沃饒山川遐曠往者隋末喪亂盜寇交侵流寓之民遂相雜撓游手墮業其類實煩頽頽矯虔因此而作王業伊始務從草創牧宰庶寮隨事遷易州縣分折權宜廢置然而王

道未洽民瘼猶存靜言思之夙興軫念澄源正本義在更張可令秦州總管鄴國公軌御史大夫滑國公無逸爲益州道安撫大使宣揚朝典進擢廉平貶黜苛暴申理寃滯孝悌貞節表其門閭鰥寡孤獨量加贈恤事有便宜竝委處分

四年六月旣征王世充遣驍衛將軍盛彥師安撫河南之地

九年七月遣諫議大夫魏徵宣慰山東

太宗貞觀三年五月旱六月令中書舍人杜正倫催敦禮守給事中尹文憲張玄素等往關內諸州分道

撫慰問人疾苦見禁囚徒量事斷決人有冤枉不能自申者隨狀理之事有不便於人及官人貪殘爲患者並具狀還日以聞困窮之徒比雖賑贍仍有乏絕者亦量加支給在京見禁囚徒亦令所司量事斷決務從寬簡稱朕意焉

六年三月幸九成宮發使有問高年無寡

七年七月遣大理少卿李弘節太子中允張玄素都水使者長孫師巡撫嶺南

八年正月詔曰昔者明王之御天下也內列公卿外整庶庶外建侯伯司牧黎元唯懼淳化未敷名教或

替故有巡狩之典黜陟幽明行人之官存省方俗用能遐邇遂性情僞無遺時雍之宜率繇茲道朕祗膺寶命臨御帝圖稟過庭之義方荷上玄之嘉祉四荒八表無思不服而夙興夕惕勤躬約已日慎一日雖休勿休欲萬國歡心兆民有賴推誠待物近取諸身實謂羣官受拜咸能自勵乃聞連帥刺舉或乖共理之寄縣司主吏甚多黷貨之罪有一於此責在朕躬是用終夜撫然旻景輟食宜遣大使分行四方申諭朕心延問疾苦觀風俗之得失察政刑之苛弊耆年舊齒孝悌力田義夫節婦之家疾廢憫嫠之室須有

旌賞賑贍總以倉庫物賜之若有鴻材異學留滯未
班哲人奇士隱倫屠釣宜精加搜訪進以殊禮務盡
使乎之旨俾若朕親覲焉於是分遣蕭瑀李靖楊恭
仁王珪竇靜李大亮劉德威皇甫無逸韋挺李襲譽
張亮杜正倫趙弘智等巡省天下

十八年十一月庚辰遣使齎璽書詣鄭汝懷澤四州
巡問高年宴賜各有差

二十年正月丁丑遣大理卿孫伏伽黃門侍郎褚遂
良尚書左丞楊纂太子詹事張行成太僕少卿蕭德
光祿少卿馮忸司農卿達奚懷義雍州司馬李督

給事中張叡冊御史中丞唐臨中書舍人崔仁師柳
夔太子中允宇文節太子中舍人賀拔玄壹萬年縣
令宋行質長安縣令李乾祐戶部郎中劉翁勃刑部
侍郎劉燕客王昕尚藥奉御長孫知人大理正郭文
宗李鏡玄等以六條巡察四方各以澄清為務多所
貶黜舉奏及使者還詰闕稱寃者前後相屬因令褚
遂良以其類具狀以聞帝親自臨決牧宰已下以能
官進擢者二十人以罪死者七人其流罪以下及免
黜者數百十人八月幸靈州所經州縣竝遣使存問
老疾并加賑恤九月遣霍王府長史段寶玄滄州別

駕張開諒同州別駕張文會等三道使巡察嶺南諸州

二十二年六月令陝州刺史孫伏伽於河南太子詹事張行成於河北渭州親見父老存撫百姓從軍之家州縣為之營農

三十三年八月以晉州地震令尚書郎中一人充使存問舍宅損壞者給復一年

高宗永徽四年十月甲辰遣使存問鰥寡惸獨不能自存者

五年正月詔工部侍郎王儼往河北簡行遭水諸州乏絕者賑貸之仍慮囚徒

顯慶元年正月令宗正卿隴西郡王博文刑部尚書長孫祥大理卿段寶玄於畿內諸州巡撫百姓給貸乏絕

二年十月幸許州遣少府少監鄭欽泰等分往許汝州及所經縣省錄囚徒并搜訪孝義及經學之士

龍朔元年十二月戊寅詔諸州霜旱蟲澇之處分遣使存問賑給并慮囚徒

三年八月詔分遣大使巡察問人疾苦黜陟官吏乾封二年十月遣守大司憲樂彥璋司平少宰伯皇

甫公議太子左中護楊思敬兼西臺舍人李虔澤等
分往長安萬年城外諸縣巡問百姓親簡較田苗賑
給乏絕

總章二年四月令左肅機兼簡較沛王府長史皇甫
公議往慮岐州諸縣囚徒量事原免之

二年二月遣使存問諸州逐糧百姓漸令復業仍令
州縣簡較優恤之其未情願歸者聽之

十年十月幸許汝等州分遣通事舍人員外郎御史
存問所經州縣老疾及鰥寡惸獨仍復見禁囚徒等
儀鳳二年十二月詔黃門侍郎同中書門下三品來

聿為河南道大使中書侍郎同中書門下三品薛元
超為河北道大使尚書左丞崔知悌國子司業鄭祖
玄為河南道大使分道巡撫申理冤屈賑貸乏絕

冊府元龜

冊府元龜

巡按福建監察御史臣李嗣京訂正

知長樂縣事臣夏允彛參閱

知建陽縣事臣黃國琦較釋

帝王部 一百六十二

命使第二

唐中宗神龍二年二月遣十使巡察風俗下制曰古之御天下者以大寶為公器以崇高為外物仰則乾行順性命之理俛思坤載成博厚之德將以財成至道保邦靜人用清三微臣欽若等曰三微者天地人三正之始萬物皆微故王者

法以齊七政能臻夫此者豈一人之力哉實賴羣方
共康庶績自李葉淪替酒棄公道官匪其人教無所
習懷才修潔者則依違以自容通方宏偉者則放蕩
以求利繇是淳化日消澆風歲長典章訛弊吐俗凋
殘逶迤陵頽莫能振理朕以薄德丕承寶命夙夜惟
寅憂勞無怠昧旦端冕心被寰瀛日晏罷朝念周黎
庶頃者勵精推擇傍求牧宰冀聞善政惠康乃又慮
已勵勤美化猶怠貪官傲吏屢黷於爰書失職流亾
幾淪於板籍豈刑賞之柄不協其中將仁恩之誠未
孚於下永言國本良深軫悼古者天子巡狩省方觀
俗而錫鑾備駕或以爲煩故分命輶軒博採謠訟將
以彰善癉惡激濁揚清散皇明以燭幽揚仁風以被
物實資令德允屬通才惟懷永圖式鑒成憲宜於左
右臺及內外五品以上官識理通明立性堅白無所
詘撓志在澄清者二十人分爲十道巡察使二周年
一替以廉案州部俾其董政郡吏觀撫兆人議獄緩
刑扶危拯滯若能抗詞直筆不憚權豪仁恕爲懷黜
陟咸當別加獎擢優以名器如脂韋苟全蘧蔭戚施
高下在心顧望依附者將遷削平棄蕭以憲章咸竭
殫心以副朕意遂命易州刺史姜師度攝右御史以

元命使二

卷之三十三

充此使

景龍三年八月遣十使巡察天下
睿宗唐隆元年六月庚子平韋庶人壬寅降十道使
齋璽書宣撫

景雲元年八月制出十道使持節巡撫天下

二年二月降十道使按察

七月分遣都督刺史十道按察

十一月出十道使巡撫

太極元年二月出十道使巡撫

玄宗先天元年太上皇詔曰朕恭已無爲留神玄

俯順曆數僉謀公卿式命元子祗膺寶位今庶政
新光華肇啟但恐天下至廣未達朕心故臨遣使臣
宣揚朝典宜以膳部郎中蕭瑗爲河南道宣勞使諫
議大夫楊虛受爲河北道宣勞使贊善大夫薛植爲
淮南道宣勞使殿中丞薛麟爲隴右道宣勞使宗正
卿姜晦爲河東道宣勞使司門郎中李誠爲關內道
宣勞使工部郎中高紹爲劔南道宣勞使太子右諭
德蕭憲爲山南道宣勞使宋王府司馬裴綱爲江南
道宣勞使諫議大夫甯悌原爲嶺南道宣勞使
二年七月壬申命益州長史畢構宣撫劔南及山南

道少府監齊景眉宣撫關內及河東道太子右庶子
陸餘慶宣撫河北道宗正少卿韋瑒宣撫江南及淮
南道光祿少卿杜元逞宣撫隴右道廣州都督周利
貞宣撫嶺南道制曰昔者明王之御天下也內有公
卿允釐庶績外有方伯司牧羣黎猶懼至道未孚淳
風或替故有巡狩之典黜幽陟明行人之官省方察
俗用能遐邇咸乂情偽無遺於變時雍率其道也朕
祇膺嗣德恭守帝圖上稟過度之謨下憑衆庶之立
竭精思理兩載于茲冀逮小康漸躋至化而區宇遐
曠風教未同負展長懷責深在已近者姦回構孽竊
起蕭牆宗社降靈應時殲殄今又恭承聖訓總統大
猷率彼百官齊茲七政恐倉廩不實禮節未興吏靡
息於貪殘人或滯於幽枉未言於此明發疚懷今卜
征未習時邁仍遠宜分命輶軒慰撫黎庶畢構等並
操履公清識見明允茂績彰於歷試嘉譽沛於周行
宜膺行李載光原隰所至之處申諭朕心並令屏絕
浮華敦崇仁厚務修孝悌勤事農桑耆老鰥惻征人
家口不自存者咸加恤問德舉言揚唯賢是急若有
良材異行藏器下僚哲人奇士隱淪屠釣審知才行
灼然者各以名聞凡百牧宰洎乎吏人咸悉朕心各

敬迺事勤則不匱仁遠乎哉勉矣勗之以副朕心
開元二年四月己巳勅曰淮海唯揚是稱豁險山川
重復水陸殷湊去歲田收稍乖豐稔今茲人庶頗致
饑乏朕爲之父母深用惕然近聞雨澤應節秬稻有
望目前之困餬口猶切思從蠲省用救荒弊宜令
事中楊虛受往江東道安撫存問觀察疾苦詳理
滯百姓間有偉才異行藏鱗戢羽隱淪屠博栖遲
閭官人內有貪冒苟得背公徇私或修己自守養
克位者還日各以名聞所至之州具令宣布求
隱稱朕意焉

五年二月詔曰伊昔明王奉若天道所寶惟穀所伏
惟賢故能務穡勸農興利除害朕以薄德纂承洪緒
政期克已誠不動天頃歲河南河北諸州皇虫爲患
雖當道遣使除瘞恐今又生育天戒若此朕甚懼焉
罪實在予殃豈移歲且牧宰之任朝廷所委苟得良
才式敷惠訓古有壽張飛逝中牟不入者斯其効也
刺史縣令等當各竭乃心用攘厥患方考休咎大明
黜陟惟爾凡百可不勉哉宜令戶部郎中蔡容往河
北道侍御史崔喬往河南道觀察風俗問利害便與
州縣籌度隨事處置還日奏聞

六年八月辛巳詔曰朕自臨御天下介于人上萬邦在念百姓爲心慎日以兢因時載揚春茲茂育寧忘監寐今歲河南諸州頗多水潦稼穡不稔閭閻阻饑方屬西巡更深東顧不加存問孰副憂軫宜令工部尚書劉知柔馳驛充使往河南道巡歷簡問應免租庸及賑恤竝量事便處分兼察人民冤苦官吏善惡還日奏聞宋毫陳許之間遭滂尤甚其應緣賑恤宜倍優賞

八年五月置十道按察使八月以御史大夫王峻充關內道按察使楊州長史王怡充淮南道按察使右庶子齊澣充河南道按察使少府監楊孚充劔南道按察使秦州都督張守潔充隴右道按察使荊州長史盧逸充山南道按察使鴻臚少卿蕭嵩充河南道案察使襄州刺史裴觀爲梁州都督山南道按察使潤州刺史趙升卿充江南東道按察使宣州刺史霍廷王克淮南西道按察使仍下制曰苛慝不作民斯無怨寬猛相濟政是以和故周禮以官刑糾邦理以官敘正羣吏允迪前列式惟舊章且夫寰宇至大不可以周覽黎甿至殷不可以獨化熙我庶政實惟舊察苟非其才罔以親理朕惟是夙夜不遑安寧闕元

之初分遣案部糾擿姦犯頗聞懲息以其辜久則煩
尋亦從其停廢縣以歲月寢成寬弛今聞在外官寮
多違憲法牧守則寄任茲重令長則祿秩且優亟聞
侵竊屢有章奏雖賜金爲惠未愧張武之心還珠表
德罕見孟嘗之政豈敦諭之意未孚於就列將貞高
之節有謝於前修永懷於此良用沉歎且政寬而優
法弊則通弛而張之其可致理御史大夫王駿等並
識通政要位以才達茂其聲實弘此憲章宜分遣巡
案以時糾察巡內有長吏貪擾獄訟寃滯暗懦尸祿
苛虐在官卽宜隨事案舉所犯狀並推勘准格斷覆
訖奏聞仍便覆囚夫牧宰之職教導是先錄曹之任
紀綱斯在其有政理殊尤清直獨立者咸以名爲餘
官有清白者稱及諸色不善各別爲科目同狀奏聞
其尋嘗平狀並不須通俾夫善取其尤罰無所濫踈
而不漏察而不苛必將正其源流弘彼綱目不可總
此煩碎擾其吏人應是州縣嘗務事非損益者使人
更不必干預其百姓有不支濟應須處置事狀不便
於釐革者與州縣商量處分訖奏聞以副虛佇之心
以光澄清之舉

九年八月詔曰朕身居九重心在萬姓恐情未達下

政或乖方頃者故命近臣分道巡撫爲屬農月且停使車今秋稼方收時亦將際命中書舍人何鸞等宜所到之處宣慰百姓令悉朕懷其有水旱之州或須貸給不可遠更奏聞宜便量事處置征鎮之家各令州縣簡較優賞其中無兼丁存濟者仍加賑恤

十一年五月命左拾遺徐楚璧大理丞王琇大理評事宋詞班景倩河南府法曹參軍元將茂大原府司錄參軍張珣大原府兵曹參軍宋希王長安縣主簿韋利涉長安縣尉王永雒陽王簿劉日正長安縣尉裴寬萬年縣尉崔希逸三原縣尉喬夢松告成縣尉

徐鏐汜水縣尉薛侃同州司法參軍邊冲寂分州錄事參軍韋洽榆次縣尉郭庭等攝監察御史分巡諸道詔曰國之三典令于四方歲終則巡聽其獄訟頃因水旱貨食不足或徭稅徵逸多不折衷或租調蠲除事涉欺隱皆吏之不稱政之不修是用命茲使臣委其詳覆徐楚璧等竝清白自立茂有政聲必使事合權宜刑無冤濫不損於物有益於公往敷厥休剛茲推擇竝可攝監察御史勾當租庸地稅兼覆囚十三年正月制天下見禁囚徒死罪降至流流已下悉原之都城內委中書門下當日疏決處分京城委

劉守制到日處分仍令中丞蔣欽緒往河南大理少卿明時往關內刑部郎中張搏往河東兵部郎中崔珣往山南東道右庶子高仲舒往江西道職方郎鄭續之往劔南道秘書丞張履冰往淮南道殿中侍御史孫濟往隴右道贊善大夫張景幽往河西道右諭德李林甫往山南西道主客郎中張烈往江南東道竝郎馳驛發遣所至之處疏決囚徒宣慰百姓其有窮乏者不自存濟及侍老征人之家有疾苦者各令州縣量加醫療及賑恤其嶺南五府磧西四鎮非流配效力等見禁囚徒各委節度使及本管都督府處分布告遐邇知朕意焉

十四年七月詔曰朕撫有天下寅畏上玄思保太和用康庶類頃秋夏之際水潦不時懷鄭許滑衛等州皆遭泛溢苗稼潦漬屋宇傾摧有切納隍之憂良深在予之責宜令右監門衛將軍知內侍省事黎敬仁速往宣慰如有遭損之處應須營助賑給竝委使與州縣相知量事處置及所在堤堰不穩便者簡行其利害奏聞

九月詔曰頃秋夏之間水潦方降閭閻損壞稼穡漂淪嘗恐一物之違况乃數州之弊故發中使循于外

臺章奏屢聞州鄉稍輯朕視之如子若納諸隍于再于三情猶馭朽審求人瘼更遣信臣中丞兼戶部侍中宇文融忠文竭誠夙夜匪懈當安人之任有利簡之能眷被使乎宜膺其選可往河南河北道遭水諸州宣撫仍審察有不支濟者宜更量加賑貸若屋宇損壞牛畜俱盡及征人家不能自存立者量事助其脩葺其有官吏縱捨賑給不均亦須糾正回日奏聞

十五年三月制曰河北遭水處城旁及諸蕃殺降人先令安置及編州縣被差征行人家口等去年水澇漂損田苗頗遣使人所在巡撫兼令州縣倍加矜恤不知竝得安存否以今舊穀旣沒新麥未登丁壯旣差遠行老少慮不支濟朕居黃屋念在蒼生每思優養無忘鑒寐今故遣中使左監門衛將軍李善才重此宣慰宜令州縣卽時簡責有乏絕者准例給糧俾令安堵以副朕心

七月詔曰同州鄜州近屬霖雨稍多水潦爲害念彼黎人載懷憂惕宜令侍御史劉彥回乘傳宣慰其有百姓屋宇田苗被漂損者量事賑恤

八月制曰河北州縣水災尤甚言念蒸人何以自給

朕當寧興想有勞旰昃在予之責用軫于懷宜令所司量支東都租米二十萬石賑給乃令魏州刺史宇文融克宣撫使便巡撫水損應須憂恤及令折免并存問舍一事已上與州縣相知逐穩便處置務從簡易勿致勞擾

十六年九月詔曰河南道宋毫許仙徐鄆濮兗州奏旱損田宜令右監門衛大將軍黎敬仁往彼巡問如有不支濟戶應須賑恤與州縣長官相知量事處置訖回日具狀奏聞

二十一年二月以簡較尚書右丞相皇甫翼充河南淮南道宣慰使簡較尚書吏部侍郎劉彤充江東江西道宣慰使尚書兵部侍郎李鎮充山南道宣慰使制曰去年江南淮南有微遭旱處河南數州亦有水損百姓等皇甫翼等咸謂能賢式將朕命其間乏絕應須賑貸便量事處置回日奏聞

四月以久旱命太子少保陸象先戶部尚書杜暹等七人往諸道宣慰賑給仍令黜陟官吏踈決囚徒二十三年二月壬寅詔曰秦州地震謫見后土朕每克念何以臻茲仲尼有云丘禱久矣而精意以告或通神明徐國公蕭嵩地在輔弼朝之端右欲重將命

暫爲此行宜往秦州致祭山川凡緣所損百姓聞事皆委嵩隨事處置日以聞

辛亥初置十道採訪處置使命御史中丞盧絢爲都畿採訪使御史中丞裴曠爲京畿採訪使國子祭酒汴州刺史嗣魯王道堅爲河南道採訪使華州刺史李尚隱爲關內道採訪使太原尹崔隱甫爲河東道採訪使禮部侍郎兼魏州刺史宋瑤爲河北道採訪使太宰卿廣州事嶺南經畧使李朝隱爲嶺南道採訪使揚州長史韋虛心爲淮南採訪使太僕卿兼判涼州都督持節河西節度等副大使牛仙客爲河西道採訪使益州長史持節劍南節度副大使王昱爲劍南道採訪使荊州長史韓朝宗爲山南道採訪使潤州刺史劉日正爲江南道採訪使秦州刺史裴敦復爲隴右道採訪使梁州刺史宋詢爲山南西道採訪使宣州刺史班景倩爲江南道採訪使詔曰言念蒼生心必徧於天下自古良牧福猶潤於京師所以歷選列城聿求連率等徒刺察將委輯寧朝散大夫簡較御史中丞關內宣諭賑給使上柱國盧絢等任寄已深聲實兼茂咸貫通於理道益純固於公心或華髮不衰或白珪無玷可以執儀郡國康濟黎元聞

歲已來數州失稔頗致流冗能勿軫懷而吏或不畏
不仁或不安不便誠須矯過必任仗賢而前此使輦
下無殷鑒事皆制時務欲總權小有舉於毫髮大莫
振於綱領本命條舉却用煩苛未言所期豈云自弊
今既各膺重寄允於通才以蠲疾苦之源當協大中
之義若今行一道利及萬人朕所設官以俟能者朝
之優秩上歸令譽言可復也宜副朕懷

十一月詔令給事中韋嘗巡關內道中書舍人李彭
年巡河南道竝與本道採訪使及所繇長官商量回
日奏聞

二十九年五月命大理卿崔翹尚書右丞席豫工部
侍郎郭虛已御史中丞張倚中書舍人孫逖給事中
趙安貞太常卿韋嘗班景倩分行天下詔曰三載考
績以鑒吏能八使觀風因求民瘼茲事體大致理之
繇朕受命昊穹臨御寰夏慮乎一物有所不安偏於
萬方無忘軫念而宇宙之內官吏至多倘有政失其
宜卽萬人受弊崔翹等或文學有稱或貞白流譽通
於理道勵是公心俾爾澄清或當委寄至於陟黜之
道國之所務苟有不當將何勸人頃年使例皆過狀
其盡善者多有請求爲選調之資不善者以凡碎見

經貴奏課之數若此銜命豈副虛懷卿等所到之州
宜具宣朕意其百姓間事或有源釐革者宜與所繇
長官商量處置即日奏聞其官吏中有貪冒贓私其
犯名教或衰老疾病無政理者刺史已下宜停務奏
聞其守職公清爲政尤異事堪激勸遠近知者具以
名聞其諸道有遭損下人應須賑給先類有處分備
慮艱弊豈忘矜恤亦宜審與州縣商量務令周濟又
聞河堤穿決致有漂流諒繇州縣寬疎不時修塞亦
便簡行處置勿使更然其天下道學固已有置者并
鄉學等此竝切於生人比來興置蓋爲教導各宜
勸使有成益其征鎮之間或有單貧老弱不自存濟
者宜令所繇倍加優賞其浮寄逃戶等亦類處分頃
來招携未有長策又江淮之間有深居山洞多不屬
州縣自謂莫徭何得因循致使如此竝與州縣商量
處置一時錄奏卿等旣當巡按受委非輕是宜勉爾
良圖以副朝選無或致有迴避不竭公忠朕之責成
深宜自効

天寶五年正月命禮部尚書席豫御史中丞王鉉前
隱之諫議大夫韋見素李麟尚書左丞崔翹鴻臚少
卿源光譽分道巡按天下風俗及黜陟官吏詔曰

幽陟明所以察風俗求瘼恤隱所以慰黎庶不有其人孰可將命禮部尚書席豫等亮直清節其經通大才多識前言往行時政或久應任使嘗參八政之列或夙蘊忠公必副四方之委未懷兆庶用寄澄清豫巡河北道銑巡京畿關內及河東道隱之巡東畿及河南道見素巡山南東道江南西道黔中嶺南等道麟巡河西隴西磧西等道翹巡劔南及山南西道光譽巡淮南及江南東道其百姓之間及官吏之輩如事或未該須有釐革者仍委量事處置回日奏聞其嶺南黔中磧西途路遙遠若使臣一一自到慮有稽遲任各精擇判官准舊例分往

十四年三月給事中裴士淹禮部侍郎楊浚太常少卿姚子彥往河南河北江淮宣慰

肅宗至德二年十二月大赦令中書門下簡使卽分道宣慰所至郡縣審問百姓間有利害有瀕釐革處置者一一奏聞

代宗廣德二年三月庚戌詔曰歲之不易征賦繁興河南蕭然江外尤劇供上都之國用給諸道之軍須庶務徵求未遑小息火耕水耨夏葛冬裘充饋運而屢空支戎衣而不足農人少而轉困編戶流而罕歸

自北之化未淳大東之詞方切君爲心也朕甚痛然
今區宇漸寧凋殘已甚惕然恭已姑務息人懼悖
之無告思省方以親問時邁未可日晏增勞載懷
鴈之詩用解吾人之恤必資循行悉以周爰皇皇
華申諭朕志宜令太子賓客兼御史大夫劉晏往
道宣慰應百姓有徵科煩重人戶逃亡及水旱所損
不能支濟者竝與本道節度使計會蠲削安存遂便
處置訖具狀聞奏官吏之政在邦必聞知無不爲公
道斯在其租庸使及刺史縣令錄事參軍有精於政
理及賦役均平州縣之間稱爲良吏者具名聞奏別
有甄異如或殘忍慢法貪污敗官有害於人不應特
務者亦具狀以聞仍與本道觀察節度使會計舉核
四海至廣九重至深思使下情上通冀令上旨下達
務以審慎稱朕意焉

大曆二年八月以潭衡水灾命給事中賀若察使於
湖南宣慰

九月命比部員外郎莫藏用使於嶺南宣慰
十二年八月以京畿水旱分命御史巡苗
德宗卽位初湖南山洞中王國良者聚衆爲盜都官
員外郎關播往宣慰之臨行召對於別殿播奏曰臣

自今奉詔撫國良如不受命臣請便宜恩命詰鄰州
速出兵翦除帝曰卿言深合朕意

建中元年二月發黜陟使分往天下以右司郎中兼
侍御史庾何巡京畿職方郎中劉灣往關內刑部員
外郎裴伯言往河東澤潞磁邢等道司勳郎中韋禎
往山南西道劔南東西川禮部郎中趙贊往山東荆
南黔中湖南等道諫議大夫吳經綸往魏博成德幽
州等道給事中盧翰往河南淄青東都畿等道吏部
郎中李承往淮西淮南等道諫議大夫柳載往浙江
東西道刑部郎中鄭叔則往江南江西福建等道禮

部員外衛晏往嶺南五管詔曰朕聞唐虞聖人之理
三載考績黜陟幽明兩漢施教之君亦命八使澄清
天下朕纂承大業思服訓謩雖王公卿士內勤夙夜
藩岳守將外盡公忠而兵革未寧戎狄未盡紀綱未
振法令未敷封圻郡縣賦稅不一師旅上下勞逸不
均所以終宵積憂寤寐增惕爰命羣士往代予言行
乎四方以聽于理舉其百事以歸于正朕之深願可
不勤副也

興元元年正月帝在奉天詔曰古者天子有巡狩之
義以考國典以觀人風在時多虞良或未暇乃命卿

士使于四方問人疾苦廉吏善惡苟副所任則如親臨在理平之時尚資勤恤况流散之後得無省憂朕以不敏不明肆于人上撫育失道誠信未孚寇盜繁興阻兵拒命哀我臣庶陷于匪人顧茲田疇鞠爲茂草不念柔服遂命徂征徵發甲兵暴露營壘冒于鋒刃繼以死傷農工廢棄其生業商賈咨嗟於道路軍戎日益閭巷日空凋瘵愈窮費用愈衆以財力之有限供求取之無涯怨氣上騰咎徵斯應疫厲薦至水旱相乘人罹于灾誰任其責朕自嗣位殆今六年連兵不解已逾四稔雖本非獲已義在濟人而事有重勞良深罪已皆以朕之寡昧居安忘危致寇之繇實在於此予則不德人亦何辜媿恨積哀痛心疾首昨者改元施令悔往布新將使反側獲安干戈自息猶懼思慮不周於庶務誠感未達於遐方一理失中一夫不獲則何以謝天譴致人和俾代予言其在良弼宜令門下侍郎平章事蕭復充山南東西荆湖淮南江西鄂岳浙江東西福建嶺南等道宣慰安撫使嗚呼往率乃職敬敷朕命慰勉征戍勞來困窮訪其所安察其所弊滯淹必達冤濫必申無憚幽遠而不傳無畧細微而不恤其諸道將士准前制嚴備疆界勿使侵

擾仍各令本御史具名銜聞奏悉與甄敘殊功勁節
別條狀迹當特優獎百姓兩稅外徵率一切並停諸
道事緣急切交須處分即與長史商度務合便宜其
餘利害並還日條奏朕當詳察以擇厥中宣布遠近
咸令知悉

是月給事中杜黃裳兼御史中丞江淮宣慰使

十月辛丑詔工部尚書賈耽往河陽魏博道宣慰兵
部侍郎李紆往河東宣慰

十一月丁丑以秘書監崔漢衡為兵部尚書東都河
陽魏博宋毫淄青賑給宣慰使工部侍郎劉太真為

河東澤潞鎮冀易定賑給宣慰使

貞元元年二月遣工部尚書賈耽工部侍郎劉太直

宣慰於東都河南

是時東都米每斗值一千錢飢饉塞道前年蝗虫大起自山而東竟

于海浮天被野草木無遺河北諸州米斗直錢九百錢死者壓道路

八年八月詔曰朕以薄德託於人上勵精庶政思致
雍熙而誠不動天政或多闕陰氣作沴暴雨薦臻自
江淮而及於荆襄歷陳宋而施於河朔其間郡邑連
有水灾城郭多傷公私為害損壞廬舍浸敗田苗或
親戚漂淪或資產沉溺為之父母所不忍聞與言疾
疾良深惻憫夙夜祗畏悼于厥心是用寢不獲安食

而忘味時且賑恤庶洽幽明宜令中書舍人奚陟往江陵襄郢隨鄂申光蔡等州左庶子姚齊梧往陳許宋毫徐泗等州秘書少監雷咸往鎮冀德棣深趙等州京兆少尹韋武往揚楚廬壽徐潤蘇崑湖等州宣撫應諸州百姓因水不能自存者委宣撫使賑給死者各加賜物所在官爲歛收埋瘞其田苗所損委宣撫使與所在長吏具奏於戲一夫不獲一物失所刑法不中賦歛不均皆可以失陰陽之和致水旱之沴其繫囚及獄訟久未決者委所在長吏卽與踈辨務從寬簡俾伸冤滯貪官暴吏倚法害公特加懲肅用明典憲災傷之後切在撫綏咨爾方鎮之臣洎于守宰咸宜悉乃心力以恤凶災宣布朕懷使各知悉是秋河南河北山南江淮凡四十餘州大水漂溺死者二萬餘人帝召見奚陟等於延英殿臨遣

憲宗以未貞元年八月卽位詔曰理天下者先脩其國國命之重寄在方鎮方鎮共理實惟列城列城爲政繫乎屬縣然則匹夫之耕匹婦之織積微成著以供國計未念蒸庶厥惟艱哉頃年以江淮租賦爰及權稅委在藩服使其平均太上皇君臨之初務從省便遂令使府歸在中朝或恐巡院旣多職因交替新

制未立舊綱已紊况河汴而東瀕海之右各都與壤疆理接連如或征賦不均徵輸難濟物輕貨重法弊人勞又聞江淮數道比愆時雨深憂黎庶之不足軍國之闕供政有所不宣事有所未便牧宰有課績官吏有否臧爰遣使臣申我休命宜令度支及諸道鹽鐵轉運副使戶部侍郎兼御史大夫潘孟陽專往宣諭慰安疲甿詢訪便宜蠲除疾苦安人利國稱朕意焉

元和四年正月以灾旱命左司郎中鄭敬使淮南宣歙吏部郎中崔芾使浙西浙東司封郎中孟簡使山

南東道荆南京兆少尹裴武使江西鄂岳等道宣撫帝召對告之曰卿等賑恤灾旱當勤於奉職勿如潘孟陽所到務飲酒游山寺而已仍許卿等以便宜從事

穆宗長慶元年八月丁亥以殿中侍御史温造爲起居舍人充鎮州四面諸軍宣慰使造前以京兆府司錄宣慰兩河衆推其材故有是命遷起居舍人無何范陽以其將朱克融爲師鎮州殺節度使田弘正奏呈又以造爲鎮州四面河東魏博澤潞橫海深冀易定等軍宣慰使

文宗太和三年正月癸丑諫議大夫柏耆以奉使召

對於延英

九月命監察御史孟瑄往淮南浙右巡察米價

五年七月甲申詔曰盖天人之際相應如響祥祲之

來各惟厥事乃者兵革始罷黎庶甫寧而蜀土載懼

震驚方務綏輯今又水潦為沴沉溺實多載省奏章

益深惕慮諒以朕澤不逮下誠無感通五事致咎此

方何罪夙夜兢兢憫歎良深宜令戶部郎中李踐方

充兩川安撫使

開成元年二月庚寅中書門下奏准赦文諸道黜陟

便以給事中盧均司農卿李玘吏部郎中薛廷光太

嘗少卿盧貞刑部郎中房直温分命之

二年八月丁酉詔曰大河而南幅圓千里楚澤之北

連亘數州近以水潦暴至隄防潰溢既壞盧舍復損

田苗言念黎元惟此灾沴或生業蕩盡或農收索然

困餒凋殘豈能自濟是用勤約疚于中懷今故臨遣

使臣詳問病害紓其墊溺之苦申以勞來之方勉諭

師徒安存孤老將我惠澤冀蘇疲人宜令給事中盧

弘宣往許鄭滑鄆曹濮等道宣慰刑部郎中崔璿往

山南等道鄂岳等道宣慰於戲朕自君臨勵求理道

嘗恐一物失所每以萬姓為心誠無感通時有灾害

夙夜媿悼不知所然宣示藩方喻茲詔命使寬其徭役禁其侵漁多方輯綏俾速完復布告阡庶知朕意焉

昭宗天復二年三月詔遣諫議大夫張顛示喻太原

汴州使息兵通和

太原後唐太祖也汴州梁太祖也

後唐明宗天福六年冬十月丁亥朔遣鴻臚少卿魏

玘將作少監霍廷讓左領軍衛將軍安滲右驍衛將

軍田峻于滑濮鄆澶四州簡河水害稼處并安撫百

姓

周世宗顯德元年八月以諸州編戶皆以雨水害稼

上訴遣兵部郎中麻麟等二十三人分按之

冊府元龜 命使二

冊府元龜

冊府元龜

巡按福建監察御史臣李嗣京 訂正

知閩縣事 臣曹鼎臣參閱

知建陽縣事 臣黃國琦較釋

帝王部 一百六十三

招懷

傳曰招攜以禮懷遠以德賈誼所謂降者親酌而手
食之以懷其心乃五餌之一也蓋王者創業垂統握
契御辯征不諛討不庭推亡固存式遏亂畧必使威
加于外信著于內桀鷙華心英俊又用輔成大業光

冊府元龜 帝王部

昭帝圖如斯而已矣故其始也或喻之以文告或結之以要誓推心置腹曠然不疑分茅胙土待之不次以至賜田宅以安之錫滅獲以寵之其旨也

漢高祖五年十二月既平項籍齊王田橫懼誅與其

徒屬五百餘人入海居嶋中

海中山曰嶋

帝聞之以橫兄

弟本定齊齊人賢者多附焉今在海中不收後恐有

亂廼使使赦橫罪而召之橫謝曰臣烹陛下之使歸

食其今聞其弟商為漢將而賢臣恐懼不敢奉詔請

為庶人守海嶋中使還報帝廼詔衛尉鄒商曰齊王

橫即至人馬從者敢動搖者致族夷

言平除其族

廼復使

使持節具告以詔意曰橫來大者王少者乃侯耳

大者

謂橫身少者其徒屬

不來且發兵加誅橫廼與其客二人乘傳

詣雒陽

十年九月代相國陳豨反帝東至邯鄲令周昌選趙

壯士可令將者白見四人

白於天子而召見也

帝嫚罵曰

嫚者深汗

也豎子能為將乎四人慙皆伏地帝封各千戶以為

將左右諫曰從入蜀漢伐楚賞未徧行今封此何功

帝曰非汝所知陳豨反趙代地皆豨有吾以羽檄徵

天下兵未有至者

檄者以木簡為書長尺二寸用徵召也其有急事則加以鳥羽插之

示速疾也魏武奏事云

今計唯獨邯鄲中兵耳吾何

丹元錄

帝王部

愛四千戶不以慰趙子弟皆曰善

十一年五月詔曰粵人之俗好相攻擊前時秦徙中

縣之民南方三郡使與百粵雜處會天下誅秦南海

尉隨居南方長治之甚有文理中縣人以故不耗滅

粵人相攻擊之俗益止俱賴其力今立他為粵王使

陸賈即授璽綬隨稽首稱臣

文帝元年以南粵王隨親屬在真定迺為置守邑親

父母也 歲時奉祀召其從昆弟尊官厚賜寵之詔丞相

陳平舉可使粵者平言陸賈先帝時使粵帝召賈為

大中大夫謁者一人為副使賜隨書曰皇帝謹聞南

粵王甚苦心勞意朕高皇帝側室之子言非正嫡棄

外奉比藩于代道里遼遠壅蔽樸愚未嘗致書言未

使於高皇帝棄羣臣孝惠皇帝即世高后自臨事不

幸有疾日進不衰言疾病益甚也以故詩暴乎治詩垂諸呂

為變故亂法不能獨制迺取他姓子為孝惠皇帝嗣

賴宗廟之靈功臣之力誅之已畢朕以王侯吏不釋

之故辭讓帝位不見置也不得不立今即位乃者聞王遺將軍

陸慮侯書求親昆弟請罷長沙兩將軍隨之昆弟在

之而兩將軍將兵繫城者請罷之以賓朕以王書罷

附於漢也言親昆弟者謂有服屬者也

將軍博陽侯親昆弟在真定者已遣人存問修治先

人冢前日聞王發兵於邊為寇灾不止當其時長沙苦之南郡尤甚雖王之國庸獨利乎言越兵寇邊長沙南郡皆厭苦

之而漢軍亦當相拒方有戰鬪於越亦非利也必多殺士卒傷良將吏寡人之妻孤人之子獨人父母得一亡十朕不忍為也朕

欲定地犬牙相入者以問吏吏曰高皇帝所以介長沙土也介隔也朕不得擅變焉吏曰得王之土地不足以

為大得王之財不足以為富服嶺以南王自治之山嶺

名也長沙南界也雖然王之號為帝兩帝竝立亡一乘之使

以通其道是爭而不讓仁者不為也願與王分棄前

患彼此共棄故云分終今以來通使如故從今通使至於終久故云今以來也

故使賈馳諭告王朕意王亦受之毋為寇灾矣上褚

五十衣中褚三十衣下褚二十衣遺王以絲裝衣曰褚上中下者

絲之多少薄厚之差也願王聽樂娛憂存問鄰國謂東越及陸

賈至南粵王恐乃頓首謝願奉明詔長為藩臣奉貢

職因使者獻白璧一雙翠鳥千犀角十紫具五百桂

蠹一器桂樹中蠅虫也漢書茸以獻陵廟載以赤轂小車此虫食桂故味辛而漬之以密食之也

生翠四十雙孔雀二雙

平帝元始二年募汝南南陽勇敢吏士三百人論說

江湖賊成重等二百餘人皆自出送家在所收事言

既自出又各送其家人重徙雲陽重成重也作賊賜請本屬縣邑從賊役耳

丹斤元龜帝王部

公田宅

九月元龜招懷一

卷之一百六十三

後漢光武建元元年九月辛卯朱鮪舉城降初帝即位拜岑彭廷尉行大將軍事與大司馬吳漢大司空王梁建義大將軍朱祐右將軍侯進偏將軍馮異祭遵王_鳳等圍雒陽數月朱鮪等堅守不肯下帝以彭嘗為鮪較尉令往說之鮪在城上彭在城下相勞苦歡語如平生彭因曰彭往者得執鞭侍從蒙薦舉拔擢嘗思有以報恩今赤眉已得長安更始為王王所反皇帝受命平定燕趙盡有幽冀之地百姓歸心賢俊雲集親率大兵來攻雒陽天下之事逝其去矣公

雖嬰城固守將何待乎鮪曰大司徒被害時鮪與其

謀與音預又諫更始無遣蕭王北伐誠自知罪深彭還

具言於帝帝曰夫建大事者不忌小怨鮪今若降官

爵可保况誅罰乎河水在此吾不食言指河以為信言其明白也

彭復往告鮪從城上下索曰必信可乘此上彭趣索

上鮪見其誠即許降後五日鮪將輕騎詣彭顧敕諸

部將曰堅守待我我若不還諸君徑將大兵上轅轅

歸鄧王乃面縛與彭俱詣河陽帝即解其縛召見之

復令彭夜送鮪歸城明日悉其眾出降拜鮪為平狄

將軍封扶溝侯

二年正月更始復漢將軍鄧畢輔漢將軍于康降皆復爵位

三年西州大將軍隗囂奉奏帝素聞其風聲報以殊禮言稱字用敵國之儀所以慰藉之良厚慰安也藉薦也言安

慰而薦藉之良甚也初囂據涼州鄧禹承制遣使持節命囂為

西州大將軍得專制涼州朔方事及赤眉去長安欲

西上隗囂遣將軍楊廣迎擊破之又追敗之於烏氏

涇陽間躡既有功於漢又受鄧禹爵署其腹心議者

多勸通使京師囂乃上書詰闕時陳倉人呂鮪擁衆

數萬與公孫述通寇三輔囂復遣兵佐征西大將軍

馮異擊之走鮪遣使上狀帝報以手書曰慕樂德義

思相結納昔文王三分循服事殷但駑馬鈇刀不可

強扶數蒙伯樂一顧之價而蒼蠅之飛不過數步即

託驥尾得以絕羣隔於盜賊聲聞不數將軍操報款

誠扶傾救危南拒公孫之兵北御羌胡之亂是以馮

異西征得以數千百人躡躅三輔微將軍之助則咸

陽已為他人禽矣今關東寇賊往往屯聚志務廣遠

多所不暇未能觀兵成都與子陽角力臣欽若等曰子陽公孫述

也如令子陽到漢中三輔願因將軍兵馬鼓旗相當

儻肯如言蒙天之福即智士計功割地之秋也管仲

曰生我者父母成我者鮑子自今以後手書相聞勿用傍人解構之言自是恩禮愈篤其後公孫述數出兵漢中遣使以大司空扶安王印綬授躡躡自以與述敵國耻為所臣乃斬其使出兵擊之連破述軍以故蜀兵不復北出是年劉永將慶吾斬永首降封吾為列侯帝又徵馮魴為虞令魴當王莽末四方潰畔聚賓客招豪傑作營塹以待所歸待真主也時天下未定而四方之士擁兵矯稱者甚衆唯魴自守兼有方略帝聞而嘉之徵詣行在所見於雲臺拜官

五年四月河西大將軍竇融始遣使貢獻帝賜融璽

書黃金二百斤授涼州牧後融與五郡大守共砥厲

兵馬上疏請師期以討隗躡帝深嘉美之賜融外屬

圖及大史公五宗外戚世家

景帝子十三人為王而册五人同母者為一宗

故曰五宗言景帝以竇氏所生而致子孫衆多也

魏其侯列傳詔報曰每追

念外屬孝景皇帝出自竇氏定王景帝之子朕之所

祖昔魏其一言繼統以正長君少君遵奉師傅脩成

淑德施及子孫

施延也音羊歧切

此皇太后神靈上天祐漢

也從天水來者寫將軍所讓隗躡書痛入骨髓叛臣

見之當股慄慙愧忠臣則酸鼻流涕義士則曠若發

矇非忠孝慤誠孰能如此豈其德薄者所能尅堪

自知失河西之助族禍將及欲設問離之說亂惑其
 心轉相解構以成其姦又京師百僚不曉國家及將
 軍本意多能採取虛偽誇誕妄談令忠孝失望傳言
 乖實毀譽之來皆不徒然不可不思今關東盜賊已
 定大兵今當悉西將軍其抗厲威武以應期會融被
 詔卽與諸郡守將兵入金城後融歸朝拜冀州牧尋
 遷大司空

十月好時候耿弇等擊破張步軍於臨淄步走還劇
 帝勞軍至臨淄謂弇曰田橫烹酈生及田橫降高帝
 詔衛尉不聽為仇張步前亦殺伏隆三年帝遣隆若

步來歸命吾當詔大司徒釋其怨人司徒洪步乃肉

袒負斧鑕於軍門封安兵侯

十二月西州大將軍隗囂遣長子恂入侍帝以為胡

騎較尉封鐫羗侯鐫謂鐫鑿

六年帝與公孫述書曰圖讖言公孫卽宣帝也代漢

者當途高君豈高之身邪一云光武與述書曰承赤

乃復以掌文為瑞時述妄引讖記乃刻王莽何足効

乎君非吾賊臣亂于倉卒時人皆欲為君事耳何足

數也君日月已逝妻子少當早為定計可以無憂天

下神器不可力爭宜留三思署曰公孫皇帝述不答

是年隗囂使周游詣關先到馮異營游為仇家所殺
帝遣衛尉姚期持珠寶繒帛賜囂期至鄭被盜鄭今華州

縣是亡失財物帝稱囂長者務欲招之聞而歎曰吾與

隗囂事欲不諧使來見殺得賜道亡帝復使來歙至

汧陽隗囂書曰昔柴將軍與韓信書云柴將軍柴武也韓信韓王

也信入匈奴武與韓書也陛下寬仁諸侯雖有亡叛而後歸輒復

位號不誅也以囂文吏曉義理故復賜書深言則似

不遜略言則事不決今若束手復遣恂弟歸闕庭者

則爵祿獲全有浩大之福矣浩亦大也吾年垂四十在兵

中十歲厭浮語虛辭即不欲勿報

七年以隗囂所署明威將軍王遵為大中大夫遵字

子春霸陵人雖與囂舉兵而嘗有歸漢意囂既稱臣

於公孫述帝因令來歙以書詔遵乃與家屬東詣京

師拜為大中大夫封尚義侯一云遵降封乙誰侯是冬盧芳臣欽

若等曰芳王莽末起兵為西平匈奴單于立為漢帝所置朔方太守田颯雲中

太守喬扈各舉郡降帝令領職如故

八年隗囂大將十三人眾十餘萬降囂奔西城帝復

詔告隗囂曰若束手自詣父子相見保無他也高皇

帝云橫來大者王小者侯若遂欲為黔布者亦自任

也

十二年公孫述弟恢及子壻史興並為大司馬吳漢
 輔威將軍臧宮所破戰死自是將帥恐懼日夜離叛
 述雖誅滅其家猶不能禁帝必欲降之乃下詔諭述
 曰往年詔書比下開示恩信勿以來歛岑彭受害自
 疑今以時自請則家族完全若或不論委肉虎口痛
 哉奈何將師疲倦吏士思歸不樂久相屯守詔書手
 記不可數得朕不食言述終無降意

是歲盧芳將隨昱欲脅芳降芳知心脅內潰遂亡入
 匈奴其衆盡歸昱乃隨使者程恂詣闕叙昱為五原
 太守封鐫胡侯昱弟慮武侯

十六年盧芳入居高柳縣名故城在定襄縣與閔堪兄林使使

請降乃封芳代王堪為代相林為代太傅賜繒二萬
 疋因使知和集匈奴

魏太祖為漢大將軍建安四年四月圍射於長楊故
 長史薛洪河內太守繆尚率衆降封為列侯

十一月張繡率衆降封為列侯

十二月袁術所署盧江太守劉勲率衆降封為列侯
 八年十月袁尚將呂曠呂詳叛尚屯陽平率其衆降

封為列侯是年吳以太史慈為建昌都尉沿海昏太
 祖具名遺慈書以篋封之發省無所道而

但貯
 當歸

十年正月袁熙大將焦觸張南等叛攻熙熙奔弟尚奔三郡烏丸觸等舉其縣降封為列侯

四月黑山賊張燕率其衆十餘萬降封為列侯

十三年七月太祖征劉表八月表卒其子琮嗣屯襄

陽大將蒯越從事中郎韓嵩東曹掾傅巽等說琮歸

太祖後太祖軍到襄陽琮舉州降太祖以琮為青州

刺史封列侯蒯越等侯者十五人越為光祿勳韓嵩

大鴻臚鄧義侍中劉先尚書令其餘多至大官又以

表大將文聘為江夏太守使統本兵

十六年十月北征楊秋圍安定秋降復其爵位使留

撫其民人

二十年七月破漢中賊帥程銀侯選詣太祖降皆復

官爵銀選及李堪皆河東人興平之亂各有衆千餘

家並與馬超合超破走堪臨陣死銀選南入漢中至

是來降

十一月張魯自巴中將其餘衆降封魯及五子皆為

列侯

文帝初為魏王延康元年五月馮翊山賊鄭甘王

率衆降皆封列侯

魏書曰初鄭甘王昭及盧水胡率其屬來降王得降書以示朝曰前

欲有令吾討鮮卑者吾不從而降又有欲使吾及今秋討盧水胡者吾不聽今又降昔魏武侯一謀而官

冊子元部

有自得之色見譏李悝吾今說此非自是也徒以為坐而降之其功大於動兵革也

七月蜀將孟達率眾降帝自筆手令曰吾前遣使宣國威靈而達即來吾惟春秋褒儀父即封并遣使還領新城太守近復有扶老携幼首向王化者吾聞風沙之民自縛其君以歸神農豳國之眾襁負其子而入鄴鎬斯豈區略迫脅之所致哉乃風化動其情而仁義感其衷歡心內發使之然也以此而推西南將萬里無外權備將與誰守死乎臣欽若等曰權備謂吳蜀主也黃初三年八月蜀大將黃權及嶺南郡太守史邰等三百一十八人詣荊州刺史奉上所假印綬染戟幢麾牙門鼓車權等詣行在所在帝置酒設樂引見於承光殿權邰等人人前自陳帝為論說軍旅成敗去就之分諸將無不喜悅賜權金帛車馬衣裘帷帳妻妾下及偏裨皆有差拜權為侍中鎮南將軍封列侯即日詔使驂乘及封史邰等四十二人皆為列侯為將軍郎將者百餘人

明帝大和二年蜀將諸葛亮寇邊帝幸長安露布天下并班告益州曰劉備背恩自竄巴蜀諸葛亮棄父母之國阿殘賊之黨神人被毒惡積身滅亮外慕立孤之名而內貪專擅之實劉升之兄弟空城而已亮

又悔易益土虐用其民是以利狠宕渠高定清羌莫不瓦解爲亮仇敵而亮反裘負薪裏盡毛殫刑趾適屢刻肌傷骨反更稱說自以爲能行兵於井底游步於牛蹄自朕卽位三邊無事猶哀憐天下數遣兵革且欲養四方之耆老長後生之孤幼先移風於禮樂次講武於農隙置亮度外未以爲虞而亮懷季熊愚勇之智不思荆邯度德之戒驅畧吏民盜利祁山王師方振膽破氣奪馬謖高祥望旗奔敗虎臣逐北蹈尸涉血亮也小子震驚朕師猛銳踴躍咸思長驅朕惟率土莫非王臣師之所處荆棘生焉不欲使十室之邑忠信貞良與夫淫昏之黨同受塗炭故先開示以昭國誠勉思變化無滯亂邦巴蜀將吏士民諸爲亮所劫迫公卿已下皆聽束手

是年魏興太守申儀來朝拜樓船將軍在禮請中初儀兄耽漢末在西平上庸間聚數千家後與張魯通又遣使詣太祖加其號爲將軍因使領上庸都尉至建安末爲蜀所攻以其郡西屬黃初中儀復來還詔卽以兄散號加儀因拜魏興太守封侯後與新城太守孟達不和數上言達有二心於蜀及達反儀絕蜀道使救不到達死後儀詣宛見司馬宣王勸使來朝

故有是命 一云儀久在魏興專威疆場承制刻印多所假綬孟達既誅自有疑心時諸郡守以司馬宣王新克捷奉禮求賀皆聽之宣王使人諷儀儀至問承制狀執之歸于京師

青龍元年遼東太守公孫淵通於孫權國家知淵兩

端而恐遼東吏民為淵所誤故公文下遼東因赫之

日告遼東玄菟將較吏民逆賊孫權遭遇亂階因其

先人劫掠州郡遂成羣凶自擅江表含垢藏疾與其

可化故割地王權使南面稱孤位以上將禮以九命

權親又手北面稽顙假人臣之寵受人臣之榮未有

如權者也狼子野心告令難移卒歸反覆背恩叛主

滔天逆神乃敢僭號恃江湖之險阻王誅未加比年

已來復遠遣樓船越渡大海多持貨物誑誘邊民邊

民無知與之交關長吏以下莫肯禁止至使周賀洋

舟百艘沈滯津岸貿遷有無既不疑拒齋以名馬又

使宿舒隨賀通好十室之邑猶有忠信陷君於惡春

秋所書也今遼東玄菟奉事國朝紆青拖紫千百為

數戴纒垂纓咸佩印綬曾無規正納善之言龜玉毀

於匱虎兕出於匣是誰之過歟國朝為千大夫羞之

昔狐突有言父教子貳何以事君策名委質貳乃辟

也今乃阿順邪謀脅從姦惑豈獨父兄之教不詳子

弟之舉習非而已哉若苗穢害田隨風烈火芝艾俱

焚安能自別乎且又此事固然易見不及鑒古成敗
書傳所載也江南海北有萬里之限遼東君臣無休
惕之患利則義所不利貴則義所不貴此爲厭安樂
之居求危亡之禍賤忠貞之節重背叛之名變節之
長猶知愛禮以此事人亦難爲顏且又宿舒無罪擠
使入吳奉不義之使始與家訣涕泣而行及至賀死
之日覆衆成山舒雖脫死魂魄離身何所逼迫乃至
於此今忠臣烈將咸忿遼東反覆攜貳皆欲乘桴浮
海期於肆志朕爲天下父母加念天下新定旣不欲
勞動干戈遠涉大川費役如彼又悼邊陲遺餘黎民
迷誤如此故遣郎中衛慎邵瑁等且先奉詔示意若
股肱忠良能效節立信以輔時君反邪就正以建大
功福莫大焉儻恐自嫌已爲惡逆所見染汚不敢倡
言求懷伊戚其諸與賊使交通皆赦除之與之更始
是歲公孫淵斬送孫權所遣使張滂許晏首帝於是
拜淵大司馬封樂浪公持節領郡如故

高貴鄉公甘露二年六月乙巳詔吳使持節都督夏
口將軍事鎮軍將軍沙羨侯孫壹賊之枝屬位爲上
將畏天知命深鑒禍福翻然與衆遠歸大國雖微子
去殷樂毅遁燕無以加之其以壹爲侍中車騎將軍

假節交州牧吳侯開府辟召儀同三司依古侯伯八命之禮衮冕赤舄事從豐厚

陳留王咸熙元年九月辛未詔曰吳賊政刑暴虐賦歛無極孫休遣使鄧句勅交趾太守鎖送其民發以爲兵吳將呂興因民心憤怒又承王師平定巴蜀卽糾合豪傑誅除句等驅逐太守長史撫和吏民以待國命九真日南郡聞興去逆卽順亦齊心響應興與協同興移書日南州郡開示大計兵臨合浦告以禍福遣都尉唐譜等詣進乘縣因南中都督護軍霍弋上表自陳又交趾將吏各上表言興創造事業大小承命郡有山寇入連諸郡懼其計異各有構貳權特之宜以興爲督交趾諸軍事上大將軍定安縣侯乞賜褒獎以慰邊荒乃心欵誠形於辭旨昔儀父朝魯春秋所美竇融歸漢待以殊禮今國威遠震撫懷六合方包舉殊裔混一四表興首向王化舉衆稽服萬里馳義請吏帥職宜加寵遇崇其爵位旣使興等懷忠感悅遠人聞之必皆兢勸其以興爲使持節都督交州諸軍事南中大將軍封定安縣侯得以便宜從事先行後上策命未至興爲下人所殺

十月丁亥詔曰昔聖帝明主靜亂濟世保大定功文

武殊塗勳烈同歸是故或舞干戚以訓不庭或陳師旅以威暴慢至於愛民全國康惠庶類必先脩文教示之軌儀不得已然後用兵此盛德之所同也往者季漢分離九土顛覆劉備孫權乘間作禍三祖綏寧中夏日不暇給遂使遺寇僭逆歷世幸賴宗廟威靈宰輔忠武爰發四方拓定庸蜀役不浹時一征而克自頃江表衰弊刑政荒闇巴漢平定孤危無援交荆揚越靡然向風今交阯僞將呂興已帥三郡萬里歸命武陵邑侯相嚴等糾合五縣請爲臣妾豫章廬陵山民舉衆叛吳以助北將軍爲號又孫休病死主帥改易國內乖違人各有心僞將施績賊之名臣懷疑自猜深見忌惡衆叛親離莫有固志自古及今未有亡徵若此之甚若六軍震曜南臨江漢吳會之域必扶老携幼以迎王師必然之理也然興動大衆猶有勞費宜告諭威德開示仁信使知順附和同之利相國叅軍事徐紹水曹掾孫彧昔在壽春並見虜獲紹本僞南陵督才質開壯彧孫權支屬忠良見事其遺紹南還以彧爲副宜揚國命告諭吳人諸所示語皆以事實若其覺悟不損征伐之計蓋廟勝長筭自古之道也其以紹兼散騎嘗侍加奉車都尉封都亭侯

或兼給事黃門侍郎賜爵關內侯紹等所賜妾及男女家人在此者悉聽自隨以明國恩不必使還以開廣大信

晉武帝泰始八年吳西陵督步闡來降拜衛將軍開府儀同三司封宜都公

咸寧二年六月吳京下督孫階帥眾來降以為車騎將軍封丹陽侯

成帝時涼州牧張駿遣護羌叅軍陳寓從事徐虓等馭等至京師征西大將軍庾亮上疏曰陳寓等冒險

遠至宜蒙銓叙詔除寓西平相虓等為縣令

孝武帝時涼州牧張天錫既降符堅後堅寇淮南大敗于淮肥時天錫為符融征南司馬於陣歸國詔曰昔孟明不替終顯厥功豈以一情而廢才用其以天錫為散騎嘗侍左員外

後魏道武皇始二年二月幸陽城大破慕容寶眾寶

所署尚書閔亮秘書監崔逞太嘗孫沂殿中侍御史孟輔等並降降者相屬賜拜職爵各有差初其將張

驥李况慕容文等先來降尋皆亡還是日復獲之皆赦而不問

三月慕容寶走和龍寶燕郡太守高湖率戶三千歸

國帝賜爵東阿侯加右將軍總代東諸部
五月以中山城內爲慕容普隣所脅而大軍迫之欲
降無路乃密招諭之是歲寶鉅鹿太守高聳率郡降
賜爵經縣侯加龍驤將軍仍守鉅鹿以寶唐郡內史
遼東公子文括弟一客是時代人薛連顯自姚萇率
部落歸國帝嘉其忠欵賜爵聊城侯散員大夫待以
上客之禮達顯閑雅恭慎帝深器之
明元太嘗二年八月宋滅姚泓渤海刁雍等歸國上
表陳誠於南境自效帝許之假雍建義將軍
十二月詔河東河內有姚泓子弟播越民間能有送
致京師者賞之

七年山陽公奚斤南討軍至潁川宋陳留太守嚴稜
率文武五百人詣斤降驛送稜朝帝於冀州嘉其誠
欵拜平遠將軍賜爵郟陽侯假荊州刺史隨駕南征
還爲上客是時赫連昌寧東將軍費峻率衆來降拜
龍驤將軍賜爵犍爲公

大武神麴四年二月冠軍將軍安頡等平滑臺擒宋
將朱修之帝善其固守授以內職以宗室女妻之
延和元年七月代和龍馮跋石城太守李崇率十餘
郡歸降帝甚禮之呼曰李公以崇爲平西將軍北幽

是年河西王秃髮儁子保周棄沮渠蒙遜來奔以

保周為張掖公

太延五年九月西征涼士乞伏西秦大夏鎮將嘗但

子爽與兄仕國歸欵軍門帝嘉之賜仕國爵五品顯

美男爽為六品拜宣威將軍

太平真君元年八月沮渠無諱降尋拜為征西大將

軍涼州牧酒泉王

三年四月涼武昭王孫李寶據燉煌遣使內附十二

月遣使授寶使持節侍中都督西垂諸軍事鎮西大

將軍開府儀同三司領護四戎較尉沙州牧燉煌公

仍鎮燉煌四品以下聽承制假授寶隴西狄道人伯

父歆為沮渠蒙遜所滅寶徙於姑臧歲餘隨舅唐契

北奔伊吾臣於蠕蠕其遺民歸附者稍至二千寶傾

身禮接甚得其心衆皆樂為用每希報雪屬帝遣將

討沮渠無諱於燉煌無諱捐城遁走寶自伊吾南歸

燉煌遂修繕城府規復先業遣弟懷達奉表歸城帝

嘉其忠欵故有是拜仍以懷達為散騎掌侍燉煌太

守

十一年十一月南伐至鄒山太山鉅平人羊祉與魯

郡太守崔耶利及其屬縣徐遜愛猛之等俱降賜社
爵鉅平子拜鴈門太守是時合鄉令張忠歸降賜爵
新昌男拜新興太守高育為馮文通建德令值太武
東封率其所部五百餘家歸命軍門帝授以建德將
軍齊郡建德二郡太守賜爵服如子

獻文即位初遼東高崇歸國賜爵陽關男居遼東詔
以沮渠牧犍女賜潛為妻封武威公主拜駙馬都尉
天安元年九月宋徐州刺史薛安都以彭城內屬宋
將張允沈攸之繫安都詔北部尚書尉元為鎮戍大
將軍都督諸軍事孔伯恭為副出東道救彭城時宋

明帝自立羣情不協共立前廢帝弟晉安王子劼安
都與沈文秀崔道固嘗珍奇等舉兵應之明帝遣將
張永等討安都安都遣使來降請兵救援帝召羣臣
議之羣官咸曰昔世祖嘗有弁儀隆之心

臣欽若等曰世祖大

祖謚儀隆故親御六軍遠臨江浦今江南阻亂內外
宋文帝名 離心安都今者求降千載一會機事難遇時不可逢
取亂侮亡於是乎在帝納之安都又遣第四子道次
為質弁與李敷等書絡繹相繼乃遣尉元等率騎一
萬赴之拜安都使持節散騎常侍都督徐南北兗州

青冀五州豫州之梁郡諸軍事鎮南大將軍徐州刺

史賜爵江東公勅安都之子散騎常侍駙馬都尉拔
詣彭城勞迎除拔冠軍將軍南豫州刺史

十一月宋兗州刺史畢衆敬遣使內屬

皇興元年閏正月宋青州刺史沈文秀冀州刺史崔

道固竝遣使請舉州內屬詔平都將軍長孫陵南平

將軍侯寤竒赴援之

二年二月鎮東大將軍尉元討徐州羣盜平之宋冠

軍將軍東徐州刺史張讜順於元元亦表授冠軍東

徐州刺史遣中書侍郎高闕與讜對為刺史

是年薛安都與畢衆敬朝于京師見大禮重子姪

從竝處上客皆封侯至于門生無不收敘焉又為起

第宅館宇崇麗資給甚厚安都從祖弟真度初與安

都南奔及安都為徐州真度為長史頗有勇幹為其

爪牙從安都來降為上客衆敬弟衆愛隨兄歸國以

勲為第一客賜鉅平侯衆敬子元賓爵須昌侯加平

遠將軍是時清河司馬房法壽與弟從并州刺史崇

吉及冀州刺史崔道固兗州刺史劉休賓俱至京師

以法壽為上客崇吉為次客崔劉為下客法壽供給

亞於薛安都等以功賜爵莊武侯加平遠將軍給以

田宅奴婢

孝文泰和十七年齊尚書左僕射王奐子肅以其父及兄弟俱為齊武所殺乃自建業來奔帝虛襟待之除輔國將軍長史賜爵關陽伯肅固辭伯爵許之十八年十月詔曰比聞綠邊之蠻多有竊掠致有父子乖離室家分絕既虧和氣有傷仁厚朕渾一區宇子育萬姓若苟如此南人豈知朝德哉可詔荆郢東三州勒勅蠻民勿有侵暴

十九年二月車駕至鍾離軍士擒齊卒三千帝曰君為君其民何罪於是免歸是年拜光城蠻酋田員外散騎嘗侍都督光城弋陽汝南新蔡宋安五諸軍事冠軍將軍南司州刺史光城縣開國伯食邑一千戶以益宗十七年自齊歸款故也

二十二年南討既克宛外城命舍人公孫延景宣於南陽太守房伯玉曰天無二日土無兩主是以躬總六師蕩一四海宛城小戎豈足以慰抗王威深可三思封侯胙土事在俯仰伯玉對曰外臣最荷國恩忝任疆境為臣之道未敢聽命伏惟遊蠻遠涉願不損神又遣謂曰朕親率麾旆遠涉清江此之小戎豈足徘徊王師但戎路所經纖介須殄宜量力三思自求多福且蒙蕭願殊嘗之眷曾不懷恩報以塵露蕭

鸞妄言入繼道成願子了無子遺卿不能建忠烈於君親返立節於逆豎卿之罪一又頃年傷我偏師卿之罪二今鑿旆親戎清一南服不先面縛待罪麾下卿之罪三卿之此戍多則一年中則百日少則二旬尅殄豈遠宜善思之後悔無及伯玉對曰昔蒙武帝愷悌之恩忝侍左右此之厚遇無忘夙夜但繼主失德民望有歸主上龍鳳踐極光紹太宗非直副億兆之深望實兼武皇之遺勅是以懃懃懇懇不敢失墜往者北師深入寇擾邊民輒厲將士以救蒼生此乃邊戎嘗事陛下不得垂責及克宛伯玉面縛而降帝引見伯玉弁其參佐二百人特宥之時伯玉從祖弟三益南陽內附孝文與語善之曰三益三益殊不惡拜員外散騎侍郎

冊府元龜

招懷一

卷之一百六十三

冊府元龜

冊府元龜

巡按福建監察御史臣李嗣京 訂正

知甌寧縣事 臣孫以敬參閱

知建陽縣事 臣黃國琦較釋

帝王部 一百六十四

招懷第二

後魏宣武景明元年正月齊豫州刺史裴叔業遣子芬之及兄女夫韋伯昕奉表以壽春內附驃騎大將軍彭城王勰車騎將軍王肅率部騎十萬赴之詔曰叔業明敏秀發英穎早悟馳表送誠忠高振古宜加

冊府元龜 帝王部

褒授以彰先覺可使持節散騎嘗侍都督豫州雍亮
 徐司五州諸軍事征南將軍豫州刺史封蘭陵郡開
 國公食邑三千戶又賜叔業璽書曰前後使反有勅
 想卿具一二寶卷昏枉日月滋甚虐徧宰輔暴加威
 屬淫刑既逞朝無孑遺國有瓦解之形家無自安之
 計卿兼茲智勇深嘉乃勲前卽勅豫州緣邊諸鎮兵
 馬行往赴援揚大眼奚康王鐵騎五千里言卽路彭
 城王勰尚令肅精卒十萬駱驛繼發將以長驅淮海
 電擊衡巫卿其并心戮力同斯大舉殊勲茂績職爾
 之由崇名厚秩非卿孰賞并有勅與州佐使及彼土
 人士其有微功片効必加褒異軍未渡淮叔業病卒
 芬之以父勲授通直散騎嘗侍上蔡縣開國伯食邑
 七百戶叔業爪牙心膂所寄者裴智并授中郎將封
 浚儀縣王昊左軍將軍封汝陰縣趙革左中郎將封
 西宋縣叔業姻婭柳玄達輔國將軍封南頓縣女夫
 韋伯昕封雲陵縣竝開國男食邑二百戶玄達頗淡
經史初仕
齊歷諸王參軍叔業之鎮壽春委以管記及叔業之
被猜疑將謀獻欵玄達贊成其計前後表啓皆玄達
之辭伯昕叔業以其有大
志故遣送子芬之爲質李道真右軍將軍陽縣開
 國子食邑五百戶故文盛右軍將軍封剛陵縣魏承
 祖右軍將軍封平春縣竝開國子各食邑三百戶以

叔業司馬帶汝陰太守李元護爲輔國將軍齊州刺史廣饒縣伯食邑一千戶便道赴職初叔業歸順元護贊同其謀及叔業疾病外內阻貳元護督率上下以俟援軍壽春尅定元護頗有力焉又以陳郡太守尹挺爲輔國將軍南司州刺史譙郡太守楊令空爲輔國將軍南兗州刺史皆以叅叔業歸誠之謀也三年三月南齊鄱陽王蕭寶寅以梁高祖旣克建業殺其兄弟將害寶寅來奔壽春四月以寶寅爲鎮東將軍東陽州刺史封齊王閏四月詔曰寶寅深識機運歸誠有道冒險履屯投命降闕微子陳韓亦曷以過也可遣羽林監領主書劉桃符詣彼迎接其資生所須之物及衣冠車馬在京邸館付尚書悉令豫備及至京師帝禮之甚重

正始元年詔中山王英所執梁冠軍將軍監司州事蔡靈恩等隨才擢敘

永平元年八月冀州京兆王愉反詔赦冀州民雜工役爲元愉所誑誤者其能斬護逆黨別加優賞孝明孝昌元年齊東昏侯寶卷子贊來奔先是梁武滅寶卷寶卷宮人吳氏始孕匿而不言梁武納之生贊以爲己子封豫章王及長其母告之以實贊嘗有

來奔之意後為南兗徐二州刺史會帝遣臨淮王或
討之贊密告誠欵夜投或軍至是屈于雒陽陛見之
後就館舉哀追服三載贊叔父寶寅時在關西遣使
觀察聞其形貌歛眉悲感朝廷賞賜豐渥禮遇隆厚
授司空封高平郡開國公丹陽王食邑七千戶是年
比鎮降民二千餘萬詔給事黃門侍郎楊昱為使分
散於冀定瀛三州就食

三年邢杲反於青光之間杲光祿大夫蘭根之甥詔
蘭根銜命慰勞

孝莊永安中宋廬江太守劉宗之子藻與姊夫李
俱來歸賜爵易陽子

後廢帝中興二年韓樓反於幽州樓將王懷知其無
成陰結所親叛樓歸國拜征虜將軍第一領民酋長
武周縣侯是時樓將薛孤延與懷等密計討樓為樓
別帥乙弗醜所覺力戰破醜遂相率歸行臺劉貴表
為都督加征虜將軍賜爵永固縣侯

出帝末熙三年二月梁假節豫州刺史南香三毛香
舉城內附授以持節安南將軍信州刺史義昌王
西魏恭帝三年梁將王琳遣使來附以琳為大將軍
後周太祖為西魏丞相敗齊神武于沙苑東魏河北

郡守裴杲率其宗黨歸闕帝嘉之賜田宅奴婢牛馬什物等

叱列伏龜仕東魏爲大都督沙苑之敗隨例來降太祖以其豪門解縛禮之仍以邵惠公女妻之史寧仕東魏爲涼并瓜三州諸軍事遣使請太祖請事太祖卽以所服冠履衣被及弓箭甲冑等賜寧謂其使人曰爲我謝涼州孤解衣以衣公推心以委公公其善始令終立功名也

賀若統初爲東魏潁州長史大統二年執刺史田迅以州降至長安大祖謂統曰卿以潁州從我何日能忘卽拜右衛將軍散騎常侍兗州刺史

高賓初仕東魏爲立義都督同列有忌其能者譖之於齊神武賓懼及於難大統六年乃棄家屬間行歸闕太祖嘉之授安東將軍

楊乾運仕梁爲車騎將軍鎮潼州令其兄子略將二千人鎮劔閣又遣其壻樂廣鎮安州仍誠略等曰吾欲歸附關中但未有繇耳若有使來卽宜盡禮迎接會大祖令乾運孫法維及使人牛伯友等至略卽夜送之乾運遂令使人李若等入關送款太祖乃密賜乾運鐵券授持節驃騎大將軍開府儀同三司侍中

梁州刺史安康郡公

扶猛上甲黃土人初仕梁爲南維北司二州刺史封宕渠縣男及侯景作亂猛乃擁衆自守未有所從大統十七年大將軍王雄定魏興猛率其衆據險爲堡壁特遣使微通饋餉而已魏廢帝元年魏興叛雄復率師進討猛勒兵拒戰雄擊破之猛遂以衆降太祖以其世據本鄉乃厚加撫納授車騎大將軍儀同三司加散騎嘗侍復爵宕渠縣男割二郡爲羅州以猛爲刺史

任果南安人梁沙州刺史褒之子世爲方隅豪族果性勇決志在立功魏廢帝元年率諸部來附太祖嘉其遠至待以優禮果因面陳取蜀之策太祖深納之乃授使持節車騎大將軍儀同三司大都督散騎嘗侍沙州刺史後爲始州刺史在任未久果請入謁大祖許之以其方隅首望早立忠節乃進爵樂安郡公席固襄陽人初仕梁爲興州刺史以地來附時太祖方欲南取江陵西定蜀漢固之至甚禮遇之乃遣使就拜使持節驃騎大將軍儀同三司大都督侍中豐州刺史封新豐縣公邑二千戶後轉湘州刺史固以未經朝謁遂蒙榮授心不自安啓求入覲太祖許

之及固至太祖與歡燕賞賜甚厚進爵靜安郡公增邑并前三千三百戶

蕭圓肅梁武陵王紀之子紀建號圓肅守蜀太祖師至遂降封戟城郡公又以圓肅有歸欵之勲別賜食思君縣五百戶收其租稅

明帝武成初南齊北豫州刺史司馬蕭雄舉州來附帝遣柱國高陽公達奚武與大軍楊忠率眾迎之

武帝保定三年詔曰梁汝南王蕭大封晉熙王蕭大圓等梁國子孫宜加優禮式分茅土實允舊章大封可封晉陵縣公大圓可封始寧縣公邑一千戶又加

大圓車騎大將軍儀同三司并賜田宅奴婢牛馬粟

帛等 大封大圓梁簡文子以魏恭帝三年歸太祖至是封焉

建德五年十二月帝伐齊丁巳次并州齊主高緯留

從兄延宗等守并州輕騎走鄴是日詔齊王公以下

曰夫樹之以君司牧黔首蓋以除其苛慝恤其患害

朕君臨萬國志清四海思濟一世之人寘之仁壽之

域嗟彼齊趙獨為匪民乃睠東顧載深長想偽主涼

德早聞醜聲夙著酒色是耽盤游是悅閣豎居阿衡

之任胡人寄唇舌之重棟梁骨鯁翦為仇讎狐趙餘

緒降為阜隸民不見德唯虐是聞朕懷茲漏網置之

度外正欲各靜封疆共紓民厲故也爾之主相曾不
是思欲構厲階反貽其梗我之率土咸未剗刃帷幄
獻兼弱之謀瓜牙奮干戈之勇麤糧坐甲若赴私讎
是以一鼓而定晉川再舉而摧逋醜僞丞相高阿那
瓌驅逼餘燼竊據高壁僞定南王韓建業作守介休
規相抗擬聊示兵威應時奔潰那瓌則單馬霄遁建
業則面縛軍和爾之逃卒所知見也若其懷遠以德
則爾難以德綏處隣以義則爾難以義服且天與不
取道家所忌攻昧侮亡兵之上術朕今親馭羣雄長
驅宇內六軍舒旆萬隊啓行勢與雷電爭威氣逐風
雲齊舉王師所次已達近郊望歲之民室家相慶來
蘇之后思副厥成僞主若妙盡人謀深達天命牽牛
道左銜璧轅門當惠以焚櫬之恩待以列侯之禮僞
將相王公已下衣冠士民之族如有深知事宜建功
立効官榮爵賞各有加隆若下愚不移守迷莫改則
委之執憲以正刑書嗟爾庶士胡寧自棄或我之將
卒逃彼逆胡無問貴賤皆從蕩滌善求多福無貽後
悔璽書所至咸使知聞自是齊之將帥降者相繼封
其特進開府賀拔伏思爲郡國公其餘官爵各有差
又詔高緯及王公以下若釋然歸順咸許自新諸士

入僞朝亦從寬宥官榮次序依例無失其齊制僞令
卽宜削除鄒魯縉紳幽并騎士一介可稱並宜銓錄
百年去殺雖或難希替月有成庶幾可勉

六年正月齊平

陸玄齊大司空騰之子仕齊爲奉朝請歷成平縣令
齊平武帝見玄特加勞勉卽拜地官府都上士

隋高祖初爲周相後梁蕭歸令鴻臚卿柳莊奉書入
關時三方構難高祖懼歸有異志及莊還謂莊曰
昔以開府從役江陵深蒙梁王殊眷今主幼時艱
蒙顧託中夜自省實懷慙懼梁主奕葉重光委誠朝
廷而今已後方見松筠之節君還本國幸申孤此意
于梁主也遂執莊手而別時梁之將軍咸潛請與師
與尉廻等爲連衡之勢進可以盡節於周氏退可以
席卷山南唯歸疑爲不可會莊至自長安具申高祖
結託之意歸深以爲然衆議遂止

唐高祖初爲唐公舉義兵於太原五原太守張長遷
遣使歸附帝甚嘉之授光祿大夫封安化郡公及至
河東縣賊帥孫華謁帝於汾陽具舟楫以待義師拜
華爲光祿大夫前軍總管旣入關鄭縣令段確以縣
來降拜御史大夫渭北賊帥李仲文遣使歸附拜上
柱國襲父真爵爲普寧鄉公弘農賊帥張士貴以所

統精兵及戶口簿帳遣使送款拜右光祿大夫
義寧元年十二月河北郡守蕭瑀與梁泉令豆盧寬
率郡內文武官歸國授瑀光祿大夫上柱國封宋國
公食邑三千戶加寬銀青光祿大夫仍遣河池撫慰
二年四月賊帥王君廓以衆歸國拜上柱國假河內
太守封崑山郡公食邑二千戶尋轉遼州刺史封上
谷郡王

六月隋安陽令呂珉以相州來降拜相州刺史
七月榆林賊帥郭子和遣使來降拜爲靈州總管
八月涼州賊帥李軌遣使來請降以軌爲涼州總管
封涼王

十月李密爲王世充所敗率衆二萬來降高祖禮之
嘗呼爲弟拜爲光祿卿上柱國封邢國公
十一月隋東郡丞王軌以滑州來降拜滑州總管
十二月隋襄平太守鄧暠以柳城北平二郡來降以
暠爲營州總管

武德二年閏二月辛丑可達寒賊朱粲遣使請降命
前御史大夫段確使於粲

王世充將李公逸來降拜上柱國杞州總管陽夏郡
公邑二千戶公逸黃人也隋末喪亂與其族弟善行

客居雍丘以義勇為人所附初歸王世充知其必敗遂間遣使請降遂有是命因以雍丘置杞州

七月海岱賊帥徐圓郎以數州之地遣使請降即授兗州總管是月王世充遣其將羅士信侵穀州士信率其眾千餘人來降世充遣步騎五千躡之不及帝素聞其勇及是大悅遣使迎勞賜物五千段廩食

上音

稟下音嗣其所部焉

九月王世充將張鎮州侵南陽帝遣使者諭之仍拜鎮州為右武侯大將軍是月以和州賊杜伏威為淮南道安撫大使和州總管伏威大業末越王侗以為

東道大總管封楚王太宗之圍王世充遣使詔之伏威請降故有是拜

三年正月黎州總管李世勣於寶建德中自拔來歸帝大喜遣使迎勞之詔授黎州總管上柱國萊國公尋加右武侯大將軍改封曹國公勣本姓徐賜姓李氏賜良田五十頃甲第一區

三月以石州賊帥劉季真為石州總管賜姓李氏封彭山郡王

四月戊午太宗討劉武周于栢壁其將尉遲敬德與宋金剛來拒王師敬德屯介休帝擊金剛大破之追

奔至於介休乃遣宇文士及任城王道宗等往諭敬德遂舉城來降太宗大悅賜以曲宴授秦府統軍六月以和州總管淮南道安撫大使杜伏威爲總管江淮以南州諸軍事揚州刺史東南道行臺上書令上柱國封吳王食邑五百戶賜姓李氏附屬籍七月王世充右建威將軍田世開來降帝嘉之待遇甚厚

九月甲午王世充將張鎮州來降拜左衛將軍封黃國公食邑三千戶

戊申高開道遣使來降乃下詔曰褒德敘功有國義訓任賢賞善列代通規僞燕王高開道家本海隅志懷慷慨有隋之末州域彫殘招集徒旅自保邊塞繕脩斥候捍禦寇戎民吏肅清倉庫完實旣而審達機變遠慕朝風闔境獻誠歸款內屬清中經略輯寧燕代厥功以茂宜從褒寵禮命之善用超羣級可使持節蔚州諸軍事蔚州總管加授上柱國賜姓李氏上籍宗正封北平郡王食邑五千戶是月王世充豫州豪右楊仲達以三州之地來降拜仲達爲上柱國賜食邑三千戶其子行規爲豫州總管行模爲息州刺史

史

四年正月竇建德行臺尚書令胡大恩以大安鎮來降詔曰疇庸旌善哲王彞訓任賢使能有國通典胡大恩往因隋季夷狄交侵繕甲聚徒輯寧邊境既而阻隔戎寇自保方隅遠慕朝風因機立效摧破凶黨亭徽無虞抗疏闕庭以申誠節忠義克舉宜隆寵命因其所統即加榮秩可使持節代州諸軍事代州總管加授上柱國封定襄郡王食邑五千戶賜姓李氏上屬籍宗正

五月周法明以蕲春等四郡之地歸國拜黃州刺史

封譙郡公

初法明依李密密敗歸是來降

是月竇建德所署右僕射裴矩將建德之妻及傅國

大墜來降封矩安邑縣公

六月海州賊臧君相以五州來降拜海州總管

八月詔曰三楚之地江山遐阻五嶺之表經塗遼曼

自有隋失馭盜賊交侵聲教莫通方隅隔絕朕受圖

膺運君臨區宇率土之濱情均撫字方今函夏寧乂

文軌大同尉侯無虞要荒率職然而江蠡之派咸阻

寇戎閩寓之鄉未聞正朔左武侯將軍黃國公張鎮

州大將軍合浦縣公張知略二方首族早從歷任思

展誠效輯寧州里鎮州可淮南道行軍總管智略可

嶺南道行軍總管以安撫之

九月甲子僞吳王汪華以黔歙五州之地來降華隋大盜汪寶權之族子也大業末爲山賊有兵一萬至是拜歙州總管封越國公丁卯文登賊帥淳于難率衆來降以其地爲登州拜難爲登州刺史上柱國封萊國公食邑三百戶

十二月遣安撫大使李靖徇嶺南諸州皆下之詔襄州道行臺兵部尚書劉瞻緩集嶺南

五年二月江南賊帥張善安以虔吉等五州之地來降拜洪州總管邳國公

四月隋鴻臚卿寧長真以寧越鬱林之地來降以長真爲總管長真世爲渠帥其父猛力陳末爲太守陳亡猛力自云與叔寶同日生當爲天子不肯入朝隋師討之阻瘴不能尅猛力卒以長真爲刺史隋師之討林邑也長真攻畢役諸部落得數千人從征遼左煬帝嘉之拜鴻臚卿大業十年遣還嶺表爲安撫大使遇隋亡以其地歸於蕭銑帥五越之衆攻丘和於交趾至是來降交愛之道自此始通也

五月隋日南太守李駿遣使請降以駿爲南德州總

管

是年七月丁酉隋漢陽太守馮盎以越南之衆來降高祖以其地爲高羅等八州仍授盎高州總管累封國公拜其子智載春州刺史智或東合州刺史尋徙封盎耿國公盎比燕人也初馮弘投高麗也遣其子業以三百人浮海歸宋遇弘爲魏所滅業留居番禺之新會其孫融梁祒仕羅州刺史其子寶娶越女沈氏爲妻因爲南越首領自融至盎代爲牧守隋末高涼通守沈寶輒反盎擊破之因比吞廣州西并蒼梧南牧朱崖之地自稱總管至是來降嶺表悉定矣郭孝恪隋末率鄉曲數百人附於李密因與李勣守

黎陽密敗勣令孝恪入朝送款高祖授上柱國封陽翟郡公宋州刺史令與李勣經營武牢巴東新德州將委以選補

丘和隋大業末爲交趾太守隋滅遂以州從蕭銑及銑平和以海南之地歸國詔使李道裕卽授上柱國譚國公安州總管和遣司馬高士廉奉表請入朝詔許之

楊恭仁大業末爲宇文化及所署吏部尚書隨至河北爲化及守魏縣時元寶藏據有魏郡會行人魏徵說下寶藏執恭仁送于京師高祖甚禮遇之拜黃門

侍郎封觀國公

李襲志隋末封始安郡公守本郡經二年而無援卒
爲蕭銑所陷銑署爲工部尚書簡較桂州總管武德
初高祖遣其子玄嗣齎書召之襲志乃密說嶺南首
領隨永平郡守李光度與之歸國高祖又命間使齎
書諭襲志曰卿昔迹久在桂州仍屬隋室運終四方
圯絕率衆保境未知所統朕撫臨天下志在綏育春
彼幽遐思沾聲教况卿朕之宗姓情異於常一家弟
姪竝立誠效公又分遣首領申諭諸州情深奉國甚
副所望卿之子弟竝據州縣俱展誠績每所嘉歎不
能已已今竝入屬籍著于宗正

張長遜仕隋爲五原太守天下大亂遂附於突厥與
莫賀咄設結爲兄弟以自固突厥號長遜爲割利特
勤及義兵起遣使歸附高祖甚嘉之授左光祿大夫
封安化郡公

李藝隋末爲幽州總管聞高祖踐祚藝謂官屬曰建
德開道皆劇賊耳宇文化及殺逆無道吾皆不能從
之唐公起兵事符衆望入據關右自古必成吾率衆
歸之意已決矣會唐使張何傳檄至劉藝奉表歸國
於是璽書封王賜姓李氏

席辯字令言隋末寓居東郡及王世充僭號署辯爲左龍驤將軍辯私謂僞將楊虔安李君義等曰充雖據有雒陽無人君之量大唐已定關中卽眞主也乃共虔安君義等遣使入京密申忠款高祖欲發兵攻雒陽潛令以書召辯辯奉書卽帥部兵入京李育德趙郡人也祖諤隋通州刺史寓居武陟隋末亂乃繕脩器械嬰古城以自保遠近多附之王德仁等攻之皆不能克后聞隋滅與河內郡椽柳燮河陽都尉獨孤武都同降李密以育德爲總管及密爲世充所破育德以城歸國拜陟刺史

盧祖尚少以俠氣聞爲州里所歸屬字文化及之亂遂舉兵據郡國自稱刺史尋附京都越王侗署爲光州總管沈國公后遇世充篡位遂與之絕遣使歸國因復其本任封弋陽郡公

田留安初爲王世充征南將軍大被恩遇然陰謂所親曰吾嘗聞李氏當王天下今長安威德日隆天人所尚吾知歸矣遂率所部二千人來降高祖大悅拜上柱國雲麾將軍封懷化郡公賜物七百段太宗在藩引爲右四統軍從擊宋金剛徐圓郎皆有戰功太宗貞觀元年五月乙丑嘗安賊帥范君璋以衆來

降拜隰州都督君璋初爲劉武周腹心武周又歸突利可汗后見頡利政亂灾異屢起知其必敗乃率所部來降頡利遣兵追躡逆擊走之至太州遣子孝政先人朝以是拜爲都督封國公邑三千戶賜帛四十疋

十月以嶺南首領馮盎談殿等尚阻兵更相侵掠時議者多請發兵擊之帝不許因遣員外散騎侍郎李公掩持節宣諭之使者所至之處溪洞首領皆來聽命南方悉定盎遣子智載奉表入朝帝嘉其誠欵賞賜累至拜衛尉少卿

九年十二月吐谷渾王慕容順爲其下所殺國中大亂乃下詔曰近以吐谷渾恃其遐阻屢擾疆場肆行凶虐種類乖離爰命將士申茲弔伐有征無戰所向摧殄渠魁竄迹自貽滅亡朝威遠暢邊庭靜謐朕君臨寰宇志在含弘不欲因彼危亂絕其宗祀乃立僞主之子大寧王慕容順撫招余燼守其舊業而順曾不感恩遽懷二志種落之內人畜怨憤遂創大義即加勦絕雖復權立其子所部又致擾亂競動干戈各行所欲朕憂勞兆庶無隔夷夏迺瞻西顧良用矜惕若不星言拯救便恐塗炭未已兵部尚書潞國公侯

君集等咸才兼文武寄深內外嘉謀著於廟堂茂績書於王府必能宣風闡外克定遐方可量其事機綏撫經略分遣使人明加曉諭如有不遵明旨敢與異志卽合精銳隨便翦撲盡威懷之道稱朕意焉

十六年正月乙丑遣使往西州撫慰其舊首望有景行淳直者量擬騎都尉以下官奏聞百姓疾患賜醫藥老病憫獨糧食乏絕者咸加賑給

十九年六月伐遼東命諸將攻白崑城臨其西北城主孫佺音請降遂受降帝以白崑城爲崑州以孫佺音爲中大夫守崑州刺史上輕車都尉賜帛一百疋

馬一匹衣襲金帶一同謀而降者並賜戎秩及諸物焉

肅宗至德元年七月甲子卽位於靈武赦書應逆賊李林甫王鉷楊國忠近親合累者不在免限百姓官吏能率親屬去逆歸順有官加其優獎斬得逆賊父子不問首從當錫茅土別有褒崇

二年十二月安祿山僞范陽節度使史思明遣使以兵八萬上表來降嘉之授御史大夫兼范陽節度使令便統所部以討殘寇

三年正月庚子滄州刺史烏知洽延王傳樊澄並背

逆歸順知洽為雒州刺史澄為涼王傳二月癸卯偽
淄青節度大嘗卿兼御史大夫能元皓及子偽太子
家令昱皆逆歸順有詔加其忠義以元皓為銀青光
祿大夫鴻臚卿攝御史大夫充河北招討使子昱朝
散大夫守太僕少卿

乾元元年三月丁巳逆賊軍將幽州節度副使特進
獻誠王阿史那承慶特進左威衛大將軍安守忠左
羽林大將軍順化王阿史那從禮蔡希德李庭訓符
敬等使人齎表狀歸順詔曰承慶可大保封定襄王
守忠可左羽林大將軍封歸德郡王從禮可太保封

歸義郡王希德可德州刺史庭訓可邢州刺史敬可
雒州刺史

十月甲辰帝御宣政殿册成王為皇太子詔大赦天
下令餘寇未殄有脅在賊中未歸順者一切不以為
罪其受賊節制能以兵降者酬其封爵

二年五月丁卯河北破賊生擒賊八人來獻帝並釋
之各賜乾元錢十千文及器仗一副馬一匹絹一束
並放歸賊中勅之曰任汝所適八人皆刺臂為盟約
誓梟賊首以報聖恩

九月史思明寇陷雒陽叔冀守汴州戰不勝與董秦

降思明十一月甲子以開府儀同三司兼殿中監董秦封隴西郡開國公食邑三千戶仍賜姓李氏改名忠臣爲秦陷賊歸順故寵之也

十月賊將高庭暉投降自五臺府果毅拜特進兼右武衛大將軍李日越投降授特進兼右金吾衛大將軍員外置同正

上元二年正月詔曰比緣寇盜之內干戈脅從白刃臨頸胡寧忍決所以陷於兇黨苟免者多前後詔書頗已該及其史思明將士及僞署官屬等有東身歸順并率衆來降官爵如初一無所問以城邑降者仍別加封爵餘兇黨之流亦同此例天寶臨炤朕無食言

五月甲午逆賊史朝義下僞滑州刺史兼鄭汴等節度使令狐彰斬逆賊大將軍二人并破杏園渡口賊二千餘衆以滑州歸順帝嘉之拜滑州刺史攝御史中丞充滑邢德貝相魏六州節度使仍加銀青光祿大夫

九月壬寅赦書其史朝義若能翻然改圖背逆歸順罪無所問加以勳封

元年建丑月賊中官游少連蘇茂珍等歸降以少連

為驃騎大將軍兼少府監員外置同正員仍封臨維
縣公茂珍為左金吾大將軍員外置同正員仍封扶
風縣王

代宗寶應元年八月劔南狂賊徐知道麾下將李忠
勇殺知道以降劔南州縣盡平帝以忠勇為蜀州刺
史封臨晉郡王賞功也

十月東都平史朝義逃奔汴州賊將張獻誠不納舉
所統兵歸國詔拜汴州刺史充汴宋節度

十一月元帥雍王上言偽鎮州節度使張忠至以趙
定深鎮易五州歸順拜忠志簡較禮部尚書兼寧州
刺史充武德軍節度使賜姓李名寶臣

廣德二年二月南郊大赦天下所有諸色結聚及差
渾黨項等能悔過自陳各歸生業一切並釋其罪其
中有能率先來者仍特加官賞

六月癸未詔曰佐命大臣自天所授納于將相委以
腹心休戚實同始終無易大保兼中書令靈州大都
督府長史單于鎮北副大都護充朔方節度關內支
度營田鹽池押諸蕃部落副大使知節度事六城水
運使兼河中副元帥上柱國大寧郡王懷恩朕之元
輔上帝賚予道備五才能包三傑長策制敵精誠威

神風奉先朝志平多難援旗朔野扈蹕岐山前驅啟
行所指皆克收關河之襟帶復都邑之衣冠以義降
息毀家徇國躬擐甲冑驅馳十年遇戰則酣逢堅必
脆總統戎旅通和夷狄夬策東向殲厥渠魁掃清妖
氛芟薶逋梗海隅萬里一舉蕩平遂欲息馬投戈坐
而論道當朝大政竝以咨之聽賡載之歌爲千古之
式移軍汾上方欲凱旋疑隙之端構於羣小浮言初
起且以强大自憊邪說又生或謂功高不賞以滋流
恤因而沉猜撫之若驚諭之未解朕以白日旌信明
神鑒心若有負功臣是大欺天下爲人君者豈有此
乎尋聞聚族而謀知欲垂橐入覲其子猶懷反側更
有遷延少年輕佻操履非正私庭跋扈違背君親朔
方義師心如父子怒其懷貳遂共梟懸凶子旣誅大
軍方擾倉皇奔竄遠在邊州察其深衷本無他志蓋
緣憂懼遂至於斯眷念之下無忘鑒寐况勲書盟府
像列雲臺錄功念勞豈以小而累大君臣之義情實
如初厚祿榮班固宜仍舊但以河北諸將自竭忠誠
朔方三軍已有管屬不可更置統領復爲節制其先
任靈州都督府長史單于鎮北副大都護及河北副
元帥朔方節度等使宜竝停其太保兼中書令上柱

國大寧郡王竝如故但當請闕更復何疑再三言提
庶早牽復欲令方寸懸示萬邦爾無我虞朕言不再
久勞于外終必無成收之桑榆殊未為晚其言之誘
王者不為危而悔之將何及矣切令宣示遠副朕懷
大曆七年五月制巴南諸洲仍歲水旱迫於凍餒或
至流離因有剽竊苟全性命懼刑網之所及姑嘯聚
以相依抑有繇焉蓋非獲已末言其弊用軫于懷如
能相率來歸各安生業竝無所問咸許自新宣示中
外咸使知悉

十一月詔如聞巴南道州自頃年以來其有結聚或
攻陷城邑者申明朝旨曉諭令歸各許自新一切不
問庶亦隨材敘用俾效誠勤各復其居勉從所務展
歲時伏臘之祀洽宗黨鄰里之懽人之尊情當所思
慕必在長吏敦率設法安存勸其農耕恤其疾苦如
刺史縣令有能政字人民使流亡日還戶口歲益宜
委觀察使錄狀奏聞當別加超獎宣示士庶令知朕
意

十一年九月以汴宋節度兵馬使攝節度副使開府
儀同三司鴻臚卿兼御史中丞上柱國蕭國公李備
惠為宋州刺史充本州團練守捉使仍封合州郡王

食邑三千戶以大中大夫簡較尚書兵部員外郎兼侍御史賜紫金魚袋高憑為曹州刺史充本州團練守捉使以開府儀同三司攝鄆州刺史石隱金為鄆州刺史充本州鎮遏使仍封雒交郡王食邑三千戶李靈耀之叛也僧惠為之謀主至是相率歸順故有是命

冊府元龜卷之一百六十四終

冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

帝王部 一百六十五

招懷第三

唐德宗建中初原州別駕劉文嘉閉城拒守帝命朱泚等攻之城中將士當受春服賜予如故

二年十月徐州刺史李洧并淄青李納以其州來降加御史大夫食實封二百戶仍充招討使

十二月以淄青李納之降將攝密州刺史馬萬通為密州刺史兼御史中丞

三年正月魏博田悅將任履虛偽以衛州降便授衛州刺史兼御史中丞河陽節度行軍司馬

二月以田悅降將為博州刺史兼御史中丞李再春簡較右掌侍兼本官賜實封一百戶魏博招討副使

初再春子瑤為田悅裨將悅敗於洹水瑤自魏州出降馬燧再春因以其州降遷瑤銀青光祿大夫試太

掌卿兼侍御史
三月田悅將攝維州刺史田昂以州降授簡較右掌

侍兼維州刺史御史中丞實封一百戶
四月李納將攝德州刺史李士真攝潁州刺史李長

卿皆以州降因授士真兼御史中丞德州刺史長卿簡較秘書監兼為潁州刺史各實封一百戶

是月宣武軍節度使劉洽攻李納之濮陽降其守將高彥昭平恩郡王賜實封五百戶

七月以盧龍軍節度掌書記簡較詞部員外郎鄭雲達為諫議大夫雲達以朱滔反因出軍乃逃歸京師

帝嘉其來超拜之而留於客省
興元元年二月鎮州王武俊集三軍削偽號詔國子

祭酒兼御史大夫董晉中使王進傑自行在往鎮州
宣命授武俊簡較兵部尚書成德軍節度使三月加
司空同平章事兼幽州盧龍兩道節度使時朱滔連
結迴紇奚契丹阻絕王命武俊既首唱歸順帝嘉之
故擢拜宰相并授幽州武俊遂悉師攻滔竟殲讎焉
五月庚寅詔贈故平盧軍淄青節度使司空平章事
饒陽郡王李正己為太尉自正己卒其子納即阻兵
構逆故追贈不及焉至是歸順故有斯命

七月庚辰詔曰李懷光往因職任頗著幹能朕嗣位
之初首加拔擢託為心膂授以旌旄頃歲河朔不寧
令往征討任兼將相恩極寵榮及朱泚猖狂誘姦作
亂擾動京邑逼迫奉天懷光率領全軍奔赴國難克
逆逃遁宗社再寧保安朕躬實有所賴委元帥河中
府之權兼太尉中書令之秩廣增其食賞及宗親人
臣之盛莫與為比豈朕於懷光不盡豈朕報懷光不
崇京邑未收嫌疊已構被朱泚潛使姦人說誘又受
張音詔音等惑亂之辭曾不覺知自生疑阻遂與元惡
通和往來朕志在推誠事皆掩覆禮遇轉厚委任轉
深都不悛心凶惡日甚勅書慰問將士懷光竝不令
宣三軍咸欲收城懷光竝不令出自云已共朱泚定

約不能更事國家兼朱泚所遣來人令見宣慰勅使
公言迫脅無復君臣朕以耿身獲承鴻業務全大計
遷幸山南蒼黃之間備歷危險賴朔方等軍將士保
守忠義耻陷惡名不謀同辭誓守臣節懷光知將士
之意不可改移徑往河中偷安朝夕據有罪迹情實
難原然以奉天解圍嘗署勲烈昨又遣男璵音等謝
罪懇請束身歸朝朕憫其改過之誠念其赴難之功
以功贖罪務在優容令給事中兼御史大夫孔巢父
齎先授懷光太子太保勅牒河中宣慰訖三日內便
與懷光同赴上都所在保護不得邀截驚動違者按
以軍令仍許懷光將百人已下隨身防援如欲使令
家口同行亦聽懷光若致闕庭必保全終始厚恩寵
命待之如初仍賜實封五百戶子孫承襲代代無絕
信如皦日朕不食言朔方軍素推忠義國家每有危
難未嘗不立大功子儀兩收京城皆是此軍之力昨
又遠從河北來赴奉天逆賊畏威望風奔遁眷言殊
績朕豈暫忘其事將士各竭忠志叶心戮力橫遭逆
脅無路自申每一念之痛心自咎比者君臣阻隔只
爲懷光一人今懷光自請入朝猶捨其罪况諸將士
竝是功臣各宜坦然更勿憂慮所有官爵實封並賜

名定難功臣一切如故仍准元勅超五資與改轉
九月詔曰朱滔受任蒞門累著誠績委遇既重祿秩
亦崇臣節中虧自貽伊阻泊賊泚構逆僭竊上京弟
兄之親在法無赦朕以罪不相及情有可原待以如
初之誠廣其自新之路執迷不復固敗是求蹙喪而
歸既困方悟累獻款疏深陳懇誠省之惻然良用憫
歎雖將相嫉惡之志固所難容以居上懷柔之情未
忍拒絕且喜莫大於改過德莫盛於好生宜委武俊
抱真開示大信深加曉諭若誠心益固名跡先彰朕
當掩豐錄誠與之昭雪宣告衆庶咸使聞知

十月李希烈僞署滑州節度李澄以所部歸順加澄
簡較兵部尚書汴滑節度使次月封武威郡王賜實
封五百戶

是月詔朔方及諸軍在河中絳州朝邑將士等艱危
以來嘗濟國難去歲朕在奉天克黨攻逼解圍赴急
亦賴此軍言念勲勞情均骨肉濟朕危厄感之豈忘
頃以懷光背恩自生猜阻熒惑將士污脅忠良朕頻
降詔書皆被懷光隱匿朕之誠素竟未敷揚今時屬
嚴凝例頒衣賜豈以懷光一人拒命遂令衆不霑恩
朕於功臣義存終始其朔方將士等今年春冬衣并

賞錢宜令所司別收佇待道路通流當時支遣如有歸順者續到續給其大將先有實封竝准元勅配州給牒委馬燧渾瑊逐便分付令其差人請受仍明宣諭令悉朕懷懷光擁逼朔方及諸軍將士據河中同絳等州凡數萬衆度支奏懷光下將士既同叛逆請除其冬衣不給帝謂之曰懷光一人反叛朔方將士累代忠義何罪而不給故有此命

閏十月詔曰朕臨御萬方失於君道兵革不息于今五年憫衆庶之勞悔征伐之事而李希烈茂義棄德反天虐人朕哀彼生靈陷于塗炭苟存拯物不難屈身故於首春特布新令赦其殊死待以初誠使臣及於郊畿巨猾已聞於僭竊酷烈茲甚吞噬無厭將相大臣咸懷憤激繼陳章疏固請討除朕所行天誅本去人害兵戈旣接玉石難分言念忠良遭罹脅制雖欲改節厥路無繇乃受污終身啗冤沒代淪胥以沉誠足痛傷豈孽自一夫而毒流百姓爲人父母能不慙懷宜令諸節度使將欲進軍先加曉諭王師致討唯在元兇所有脅從一切勿問如能去逆効順因事建功明設科條以示褒勸

貞元元年三月己未以光州固始縣令孫液爲鄭州

刺史兼御史中丞始液因官陷賊李希烈寇沒汴州
迺迫武牢盡爲所制託液心腹授偏師鎮鄭州希烈
敗退保蔡州液以州來歸

四月詔朔方及諸軍應在河中將士頃赴奉天濟朕
危難皆是功臣懷光脅其妻孥脫身無路朕屬者下
詔招諭官爵實封一切如舊雖獲於陣上亦無所傷
皦然此心無負忠義今馬燧渾瑊并諸軍勝捷相繼
河中將較歸降頗衆皆奉國捐家足以見軍士之心
興言感歎宜加優撫宜以馬燧渾瑊充招撫使棄逆
歸順一切不問歸順將士仍別建營屋優給任用各
盡其才所在誘諭務稱朕意

八月李懷光手詔曰國家多難二紀于茲朕嗣位七
年連兵五載追惟往事悔恨盈懷今二孽繼誅諸方
甫定哀彼淮右獨爲匪人其帥不共其衆何罪諸道
應與淮西連接宜各守封境非被侵軼不須進討仍
委所在長吏明加招諭宣布朕懷李希烈若能歸降
待之以不死其餘將士官吏百姓等一切洗滌與之
更新明示庶邦自求多福無有遠邇咸使聞知
二年二月詔曰李希烈負恩作亂劫脅平人朕念生
靈無辜務欲息兵捨罪累行赦令皆許自新言必再

三事出誠素此朕含垢忍耻屈法爲人之心天下所明知也希烈又固執兇圖驅脅將士違我詔命犯我軍兵今月三日遣僞署申隨唐鄧四州都知兵馬使杜文朝率馬步五千人入襄州北界山南東道節度使樊澤勒兵馬與戰大破其徒斬級擒生盪除畧盡又於陣上生擒杜文朝及大將馬坦然等此皆朕德不昭感教未敷行致使平人脅從逆命其帥有罪其人何辜朕所以省表悼心感事增歎猶冀改過尚可息兵明稱屈已之心式洽好生之義其陣上生擒將士馬坦然等七百九十人宜令樊澤給衣服糧食並放却還拜寫前後赦文勅命宣示淮寧將士等有能向化者准赦令一切不問官爵如初其傷痍未盡復者並委醫療令其得所其陣上所殺人宜差所繇官於側近埋瘞兼立碑記無使暴露鬱吾春和其杜文朝身領全軍事得繇已不能歸順力屈就擒待到日當有處分

七月以許州鎮遏使李光暉爲許州刺史薛翼爲唐州刺史光州鎮遏使夏侯沼爲光州刺史隨州鎮遏使李惠登爲隨州刺史褒歸順也

十年七月昭義行軍司馬元誼據雒州以謀亂誅之

弟諒時爲兵部員外郎素服待罪闕下帝令復職且遣諒以書諭諒焉

十一年九月昭義軍節度使掌書記諫秘書郎盧瑒爲洛州別駕知州事賜緋魚袋賞有功也時元諒據洛州瑒白於節度王虔休請入城說下之瑒見諒爲陳利害諒請隨瑒歸朝故瑒不次授官諒亦不赴京師

憲宗元和元年正月命高崇文討劉闢三月丙子山南西道節度使嚴礪奏收梓州破賊千餘人丁丑制曰朕聞皇祖玄元之誠曰兵者凶器也不得已而用之恭惟聖謨嘗所祗服故雖文告有所不至誠信有所未孚姑務安人必能忍耻朕之此志亦可明徵近者德宗皇帝舉柔服之規受宰衡之任弘我廟勝遠康巴庸故得南詔入貢西夷寢患成績始究元臣喪亡劉闢乘此變故坐邀符節朕以枉成命者雖季於禮體從權便者所冀於輯寧竟違卿士之謨遂允徒求之志朕之於闢恩亦弘矣曾不知負牛羊之力則逾克畜梟獍之心馴之益悖誑惑士伍圍逼梓州誘陷戎臣塞絕劔路師徒所至燒掠無遺干紀之事擢髮難數朕爲人司牧育彼黎元如闢之罪非朕敢

敕是用叶羣帥之謀除百姓之害末清妖孽底定一方伐罪吊人於是乎在其逆賊劉闢在身官爵宜並削除今王師鼓行尋濟天險梓潼城守已解攻圍壓卵注熒坐看撲滅其西川將士如有乘此聲勢翻然改圖梟斬克魁以效臣節者必當特加爵秩高位重賞朕無愛焉其餘將吏等但能去逆效順以所領歸降者超秩三資授官以一身降者亦與改轉長行官健歸順者並與敘錄仍加賞給其西川管內刺史等當其阻亂孰克靜戈雖章表未通而秉誠可見今能歸款亦仍舊職如或乘機立効因事建功並特加酬賞務極優厚夫皇王之道吊伐所加義在除殘情在樂戰故脅從罔理必戒於徂征焚溺是哀俾興於後怨禁暴止亂其在茲乎况有迹陷克徒心非黨惡歸我無路遂至淪胥言念斯流尤深軫惻所以明諭將帥罪止渠魁其餘染污一切不問布告遐邇宜悉展懷

九月以西川降將文悅爲茂州刺史仇良輔爲簡州刺史

二年十月潤州將張子良等既擒逆賊李筠制日漸西管內官吏及職掌人若被迫脅驅使者但情非同

惡一切不問

三年六月癸亥以邕管將黃少卿為歸順州刺史弟少高少温竝授官少卿西原蠻首也貞元中屢為邊寇至是相率歸款

四年鎮州王承宗拒命以護軍中尉吐突承璀將兵討之詔曰自古哲王之有天下者懲其暴亂則法所宜加察其情狀則罪有不及况故太尉兼中書令武俊忠扶邦國節著艱難覽視冊書想見風槩而承宗毀棄門戶違悖君親遽肆姦克自貽討伐樂盈干紀寧忘武子之勲蕭延紹封無廢節侯之嗣矧忠而見

節禮以議親宜降深恩庶行中典載明樵採之禁茂歸降之制好生之德俾浹人心止殺之源用手庶志其王士平士則竝宜各守舊官其武俊實封仍賜士則承襲鎮州大將昔著茂勲言念其勞每念增歎其有食實封者竝宜依舊不須停給如領兵軍將以所領歸降者超二資與官賜實封二百戶仍賞錢一萬貫文其武俊士員松楸墳墓行營諸軍竝不得輒有毀伐除暴勝殘事非獲已布德施惠仁豈遠乎用彰吊伐之師式示皇王之道宣布內外宜悉稟懷十一月丁未詔鎮冀晉內諸州百姓等莫匪王人皆

同赤子蓋戀生業逐迫克威暴賦急征既嗟於無告
月鋒觸刃又慮其俱焚言念于茲良深憫惻其應討
伐鎮州諸軍所到之處宜先存撫百姓使安其業勿
令虜掠傷害以副朕心

八年八月丁未鎮州賊帥張伯靖降于荆南九月辛
亥以伯靖爲右衛翊府中郎同正員兼歸州司馬仍
委荆南節度使軍前驅使

九年十月甲子制曰朕嗣應寶位于茲十年每推至
誠以御方憂庶以仁化臻於太和宵衣旰食意屬於
此今淮西一道未達朝經擅自繼襲肆行寇掠將士
等迫於受制非是本心思去三面之羅庶遵兩階之
義宜以山南東道節度使嚴綬兼充申光蔡等州招
撫使仍與薛道衡將帥等卽同糾率共申曉諭其淮
西將士官吏等如有歸國者卽量其高下便授職任
仍具聞奏卽超官爵縱舊有罪犯一切無問吳元濟
如束身歸朝亦當乘瑕錄用其百姓有歸投者仰便
給糧食仍與田宅務加存恤使其安堵事平之後淮
西將士宜共賜錢二百萬貫百姓給復三年詔書所
不該者嚴綬量其所宜條流奏聞庶盡綏懷之義以
申生育之恩若尚執迷不能遷善至於問罪自有常

刑宜以誠懷使其知悉乙丑命內掌侍知省事
峻都監申光蔡等州招撫使及山南東道節度兵馬
使仍與嚴綬及諸道計會逐便宣撫

十二年二月庚申勅淮西賊中百姓窮困相率歸順
其數甚多言念生人載懷哀憫必資綏撫使獲安存
於許汝行營側近置行郾城委韓弘計議揀穩便處
置又於唐州側近置行吳房縣仍令本界節度觀察
使擇幹了官知縣事兼量置兵馬防護使免憂危
營諸軍兵招得淮西百姓五千餘戶賊以西南受攻
者三年貯藏內竭併食共衣戰卒之外多無粒食水
竭其魚鱉菱茨陸盡其走獸畜產以及草木又苦
賊令苛虐相帥而出賊亦慮索其食不復禁之

三月己巳以太子僕楊元卿為蔡州刺史兼御史中
丞本州圍練鎮遣使詔曰淮蔡近郊久隔皇化木石
克虛在拯生靈況今賊黨攜離相繼效順思俾沾危
之俗盡霑牧養之恩勞俸招綏今之所切其新除蔡
州刺史楊元卿宜令與李愬商量計會且於唐州東
界選擇要便權置行蔡州如百姓官健有歸順者便
准勅優恤存撫令知國恩必使全活

四月乙亥詔曰刑賞大信國令必行義勇深誠旌答
斯在西文城柵歸降都將吳季琳堅拒逆之計結勤
玉之心翻然令圖竟效前款高秩厚賜宜醕爾勞可

試秘書監兼御史中丞封濮陽郡王賜實封二百戶
賞錢萬貫仍令李愬署以重職以獎忠臣

五月辛未詔曰見機效節誠固於危途秉義懷忠福
生於死地挈其全邑誓彼萬心事且超於等倫賞豈
限於班次郾城降將殿中監鄧懷金自王師壓境詔
命先施識祝網之深恩感投身之有地縲俘以列介
士無譁披於凶墟造我營部聆之若響振慕之者風
趨銷遏亂源導迎善氣固可勒功王府播美天衢拜
爵當時傳封後裔可簡較太子賓客兼御史大夫封
新平郡王并賜實封二百戶賞錢一萬貫又委李光
顏署以重職仍加銀青光祿大夫

十三年正月一日赦書鎮州王承宗若能束身赴闕
捨而不問仍加官爵又制曰王承宗先祖武俊有勞
王家雖再加之師每從人欲而十代之宥葺切朕懷
近以三朝稱慶八表流澤廣此鴻霈開其自新而承
宗果能翻然改圖披露衷懇遠遣二子進陳章表繕
圖印以上聞獻德捷之名部發困奉粟并竈貢益諫
申效順之心足見納忠之志抑而不撫何以示懷其
王承宗所有瑕釁特宜洗雪依前銀青光祿大夫簡
較吏部尚書餘如故其管内四州百姓委承宗厚加

安慰先是命尚書右丞崔從使鎮州賜之璽書期以自新承宗素服俟罪奉表陳白帝益矜之遂復爵命以華州刺史鄭權簡較工部尚書兼德州刺史充橫海軍節度德棣滄景觀察使

四月甲寅魏博遣使將押送承宗男知感知信及其將石汎等至臺門請罪中使宣旨令於客省安置俄有詔移館於禮賓院魏博監軍遣使獻王承宗德棣二州圖印兼請入管内租稅七月詔復承宗實封二百戶

十二月戊寅魏博及義成軍送到擒獲逆賊李師道下都知兵馬使夏侯澄兵馬使宋澄等四十七人並從釋放仍却遞送魏博義成軍營委收管驅使如緣父母猶在賊中或羸老病疾情切歸還者仍加賜優賞放去務於全貸何所疑留及澄等至行營賊規知之潛相傳告繇是叛徒皆感朝恩繼有降者

十四年正月淄青僞署海州沐陽縣令兼鎮遏兵馬使梁洞以縣降於楚州刺史李聰詔授洞簡較殿中少監兼侍御史知沐陽縣事賜實封一百戶賞錢五千貫并令淮南節度使李夷簡授之重職其縣權隸楚州加聽兼御史大夫

穆宗以元和十五年正月卽位十一月癸卯制曰朕聞帝王之宅四海子羣生如天無不覆如日無不照其發號施令也如雨故能上符天道下感人心朕自嗣守寶圖將欲恢弘王略嘗懼化有所未至恩有所不周乃睠冀方初喪戎帥念乎三軍之士泊乎四州之人或懷忠積誠而思用莫展或灾荒兵役而望恤何階今則昌運一開誠節咸著王承元首陳章疏願赴闕庭思保父兄之名克固君臣之義已加殊獎別委重藩又念成德軍將士等叶心嚮義丹款載申方欲效其器能各宜列於爵秩大將史重歸牛元翼等已竝超授榮罷今復都加厚賜普示深恩兼以四州貧下百姓當敷賑贍之惠俾識含育之恩宜令諫議大夫鄭翼往鎮州宣慰親諭朕意仍共賜賞錢一萬貫以內軍及戶部見在尺段支送充賞給將士兼貸四州貧下差科州縣之中或有殘破頗甚者委同弘正量便宜優卹務令存濟朕又以王澤所洽天網方收宥過釋寃與人休泰其管內繫禁囚徒罪無輕重竝宜赦免其大將等雖已頒賜官爵或慮有遺升判官等且委弘正具各街聞奏如或父母在者別具上聞當加優卹當道從前已來官吏將較等或忠義可

加而刑戮濫及如有此色亦條錄奏聞當加追贈如子孫見在者厚加優卹仍具聞奏四州之內有高年惇獨或承平遺老咸覩皇風或孤獨廢疾不能自存者差官就問量給粟帛四州之內有奉職清勤惠及百姓者具事跡聞奏當量加進改如有隱居山谷退在丘園行義素高名節可尚或才兼文武卓然可獎者具名薦聞朕以武俊之勲勞光于彝鼎士貞之恭恪繼被節旄承宗感恩亦克立效未言十代之宥俾賜一門之榮承宗兄弟竝已授官爵如或未盡霑及亦當具名聞奏其承宗葬事亦差官勾當禮物之闕務令周厚嗚呼錄其遺忠延乎後嗣旌其衆善被于一方國有羨財不吝於卹隱朝有好爵無愛於功賞庶使八表大同五兵永戢宣示中外宜體朕懷

長慶元年八月鎮州監軍使宋惟澄奏七月二十八日夜節度使田弘正爲亂兵所殺并叅佐及家屬元從將吏合三百餘人共推都將王庭湊知兵馬事下詔曰朕嘗讀玄元書至於佳兵者是樂殺人因念子孫名之建於霸非不三十年不能爲成人豈忍以一朝之忿驅而殺之然而田弘正首以六州之衆歸於朝廷開先帝之雄圖變河朔之舊俗除去苛暴昭宣

惠和愛人如身養士如子拊循教訓必忠孝爲先是
以魏之師徒一年而知恩二年而知禮三年而相與
讓於道矣故南征淮蔡東伐青齊北定趙地元勳茂
績皆自魏師肆我憲宗付之心膂入則輔弼出則藩
垣推誠不疑近實無比顧朕小子獲受丕圖嗣守不
遑何暇恢復而承元請覲冀郡擇才苟非勲賢不敢
輕授是用咨我元老囂於是邦而又寵諸將以懋官
加三軍以厚賜復其租入惠彼蒸黎於此一方之人
可謂無有不至而梟音未革狼顧猶存恐害忠良恣
爲殘賊臨軒震悼撫几驚嗟天胡不仁一至於此朕
下爲君父上奉祖宗毀舟楫於鯨鯢嚼股肱於蛇豕
尚欲因循忍耻苟免偷安非唯傷心於田氏之子孫
亦將何顏謁先帝之陵廟人神共憤卿士叶謀咸願
誅夷用申寃痛便合興師進討以翦姦克尚念一軍
之中豈得無義勇倉卒變動必非衆謀苟得其魁餘
復何罪宜令魏博橫海昭義河東義武軍等各出全
軍以臨界首仍各飛書檄具諭朝旨如王庭湊能執
首謀爲亂扇動三軍者送至隣道或就州處置然後
束身歸朝必當超獎授三品正員官并與實封五百
戶其餘三軍將士一切不問并大將等或有能相勸

諭翻然改圖者各隨事跡當加寵擢如王庭湊執迷不寤諸道宜便進軍以時翦滅苟不得已至於用師其有効忠則宜懸賞如有梟斬兇渠者先是六品以下官宜與三品正員官先是五品節級昇進仍與實封三百戶住宅各一區錢二萬貫以一州歸順者便與當州刺史仍賜實封三百戶如先是本州刺史以一州歸順者超上資與官仍與實封二百戶一縣歸順者超兩資與官實封二百戶如有能率所管兵馬并以城鎮來降者並超三資與官賜爵實封一百戶賜錢一萬貫以身降者亦準前例處分其有城鎮將士百姓等守節拒賊身死王事各委長吏優給其家仍具事跡聞奏當加褒贈其有潛謀誅斬渠魁被其屠戮者宜便加追贈并賜錢帛仍與一子官諸軍所至不得妄加殺戮焚燒廬舍掠奪資產并有拘執以爲俘馘其管内州縣有自置義營堡柵王師所至能相率來歸各加酬勞時當秋候務切農功邊界之人懼廢耕織應緣軍務所須不得干擾百姓如要車牛夫役工匠之類並宜和顧情願仍優給賞錢賊平之後應立功將士並與超資改官節級賜物其長行官健歸降者亦當優賜褒賞幽陵變擾誠謂亂嘗以其

旁害賓寮毒加台鉉較其輕重示以招攜尚開迷復之門用廣自新之路如聞賊中文牒妄作異端皆指朝廷徵兵欲戍邊塞此皆狂詐扇動人心况今邊上甲兵足以備禦欲令知悉故重宣明仍委所在節將以此告諭昔堯舜之俗比屋可封虞芮之人讓畔可感仁義則水火可蹈忠信則蠻貊可行繇是言之亦在化之而已逮我長理何其遠哉豈朕之滿假荒寧自聖而不可教也將朝之魁梧骨鯁自持而莫我念耶二者之來皆朕不敏內省終夕其心浩然於虜封域之中干戈作矣廊廟罇俎無忘弭寧布告朕懷以須良畫

文宗初卽位以故橫海節度李全略子同捷爲交海節度同捷託以三軍乞留拒命太和元年八月庚子詔曰王者之御天下也推其至誠格以大順臣子之奉君父也效以奔走竭其忠貞故能上下交感家邦用寧其有專上周旋于紀悖戾怠弃彝典矯誣當時固人神之所不容古今未能制者也朕以菲德祇荷鴻業將躋俗于至厚之域致人於無過之地未用勞慮惻然疚懷李同捷幸席舊勳不思續緒斬焉未幾私行墨線毒殺忠良擾惑部較稽之國憲難違嘗刑

朕以頃在先朝已稽中旨實遵成命來議改圖庶乎
舞階以服有苗因壘而降崇國使臣旁午優詔指明
而又越留務之權授之戎帥拔負海之地置之中華
推恩含垢斯亦至矣而同捷益懷迷執閉境搜兵大
詬隣封拒捍中使遐邇憤怒中外驚嗟叛命旣彰大
義當絕事非獲已良用憮然其李同捷在身官爵竝
削奪朕以滄溟之地克魁竊據今若怒茲小醜遽至
大刑慮金革一揮玉石同碎吊人之義深置未安宜
令四面節度使各蓄兵鋒共固疆守絕其窺伺之路
撫其離叛之人嚴戈矛之備以待其窮據山川之要
以張我武如叛徒驚擾潛有侵軼當隨機禦遏以自
保完勿使凌犯爲虞隄防或弛其滄景將士如有能
奮揚忠義執戮渠魁者先是六品已下官者便授三
品正員官其先是五品已下官者節級超獎仍賜庄
宅各一區錢二萬貫文竝列加寵任如能率所管兵
馬以州郡來降者超三資與官便授岳牧賜錢一萬
貫以城鎮來降者超兩資與官仍賜錢五千貫以一
身降者亦與改轉仍賜錢帛其同捷如能知義悔過
束身歸朝竝與洗雪仍加寵獎若不能悛悟自取誅
夷罪止一身其餘脅污一切不問於戲佳兵者聖祖

之所誠文德者前哲之所崇肆余寡昧敢忘不訓然以齊庶方者號令立人紀者君臣斯制苟淪大倫安設是用絕其奔軼誠以申嚴佇無戰於文告庶有瘳於迷復特此來遠諒非初心布告內外咸使知悉二年三月己卯徐州節度使王智興奏於棣州界破賊五百餘人燒却棣州三面城門庚辰勅曰如聞招討棣州計日降下賊收百姓多在城中時方春農必多餒迫歸降之後宜委智興據戶口人數節級賑賜使各安生業便以度支供軍斛斗數內充如失家業者仍以空閑屋居田地逐便安存

九月辛丑授棣州降將劉志清爲正議大夫簡較太子詹事兼侍御史龐再忠爲朝散大夫簡較少府監殿中侍御史滄州鹽山縣主簿知州事張叔連爲福王友

八年二月庚寅詔邕府招討使董昌齡自邕州累平溪洞兵威所向首惡皆擒言念蒼生無非赤子况在荒徼尤當撫循其溪洞如有未歸附者向後非因侵擾更不用進討仍加存撫各使懷安所獲溪洞百姓並分配附近州縣令自營生不得沒爲奴婢將充賞賜

者委本處長吏遣人宣諭恩旨竝放令歸鄉貫田里
俾安家業勿更根尋

武宗會昌三年八月詔義軍劉積叛命令河朔三鎮
討積命徐許滑孟魏鎮幽并八鎮之師四面進攻制
日成德軍節度使王元逵魏博軍節度使何孔敬或
姻連王室或任重藩維懇陳一至之誠願揚九伐之
命吳漢任職受詔而初無變顏卜式朴忠未戰而義
形於色况成德軍嘗以梟騎橫陣首破朱滔士氣方
酣再迴魯陽之日鼓音未息三周不注之山魏博軍
亦以大旆涉河竟殲師道建十二州之旗鼓以列藩
人削六十年之厲階盡歸皇化士博餘勇軍有雄心
必能稟鄧侯之指縱成葛亮之討伐咨爾二帥朕所
注懷元達守本官充北面招討澤潞使孔敬守本官
充東面招討澤潞使潞州曩者列祖在藩先天啓聖
符瑞昭晰績事煥于後亭鑿輅巡遊金石列于代邸
實謂可封之俗久爲仁壽之鄉艱難已來頗著誠節
必非同惡咸許自新其昭義軍舊將士及百姓等如
保初心竝赦而不問其大將等如能捨逆效順以州

郡兵衆降者必加封賞如能擒逆賊劉積者別授土地以報勲庸其諸道進軍不得燒毀廬舍發掘丘墓仍委劉沔王茂元同力攻討朕以羣臣執義固爭謀非獲已告布中外明體予懷

宣宗大中三年正月涇原節度使康季榮奏吐蕃宰相俞懋勳以秦原安樂三州歸闕七月三州七關軍人百姓皆河隴遺黎數千人見於闕下帝御延喜門撫慰令其解辮賜之冠帶共賜絹五十萬疋

懿宗咸通四年七月詔徐州銀刀官健其中先有逃竄者累降勅旨不令捕逐其今年四月十八日草賊頭首已抵極法其餘徒黨各自奔逃所在更勿捕逐僖宗光啓元年閏三月詔諭秦宗權近鎮制曰我國家天曆自歸君臨無外十七聖滂流玄澤積潤山靈三百年保定鴻基方延運祚其間數經災運禍起兇狂纔聞竊命之稱已觸震雷之怒或腹心生變或骨肉相圖近事可明靈誅不漏蓋人祗之共憤乃宗社之儲休亦賴中外重臣佐佑薄德大恥旣雪小康可期須申誥諭之勤用致綏懷之旨而宗權藩垣攸屬倚仗特深章表繼來至誠可驗而兵戈未戢物論猶疑是生交構之端益惑親隣之聽况位崇將相爵極

侯王圖功則國禍可平快志而家寃已雪勸忠貞於部伍莫若率先鑒成敗於古今當思釋禍猶冒屬厭之誠適捏怙亂之機且患難雖繁封疆有制各圖侵軼自撥悔尤高潯之下澤州將攻僞帥周岌之窺臨汝本利危邦翻爲致寇之資蓋昧啓讐之釁得土地爲他人所有得貨財亦他人所資勢敵則相傾力均則相忌害莫深於歸怨利莫厚於圖安况井邑皆空耕桑盡廢歎瘡痍而未復軫哀痛而難忘且雒邑通都非列蕃之所併河陽要地亦諸夏之必爭若不制自木朝豈可公然竊據節旄寵授須俟王人賦稅均輸合資國用至于封疆隣接續可商議指揮但當還舊尤藉近鎮繼聞蒲陝已受攻圍河外旣事於枝梧關中自防於漕轉迴車或阻奉國逾虧今者先在息兵各令守境爵位幸非愛惜君臣足保初終尚或執迷方知誤計若法制不行於一處卽征伐須徇于衆情人亦有言理難爲黨雖萬方之罪當責朕躬而九廟之威更憑天力縱以黃巢項盜宮闕曾會師徒旣戮元兇須遵後命所以寢興念慮詔示殷勤猶期遠保宿心不欲便乘衆怒山河著誓當明指日之心聖哲好生必用舞干之德佇披深歎勉蹈良圖

昭宗以文德元年三月卽位十二月蔡州牙將申叢執秦宗權搥折其足乞降詔中使宣諭便以叢權知留後比中使至別將郭璠殺申叢篡宗權繫送汴州大順元年六月太原節度使李克用大將權知邢維兵馬留後安建上表請以三州歸順遣中使往勞之乾寧三年八月邠州王行瑜將蓋寓李存信闖鐸判官王讓李襲吉等竝降詔加賜賚

哀帝天祐三年十二月兩浙奏淮南楊行密僞署宣州都團練觀察處置等使簡較司徒前守舒州刺史王茂章云今年正月八日部領首下馬步遙投當道其人是淮南第一都將憤以本道兇邪來篡大朝明盛觀茲忠孝合具奏聞者敕曰王茂章能分逆順捨彼狂迷弃揚澁之亂邦不同姦險投錢鏐之巨鎚思託賢良旣明向國之心頗見立身之道元戎所薦義節昭然須行激勸之規用示獎酬之寵宜授金紫光祿大夫簡較太保兼御史大夫

冊府元龜

冊府元龜

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦較釋

帝王部 一百六十六

招懷第四

後唐武皇大順二年三月邢州節度使安和建叛入
汴軍武皇令李存孝定邢洛因授之節鉞時幽州李
威與鎮州王鎔屢弱中山將中分其疆土定州王處
存求援于武皇武皇命存孝侵鎮趙之南鄙又令李

存信李存審率師出井陘以會之併軍攻臨城相繼
李威救至且議旋師

乾寧元年五月鄆州節度使朱瑄爲汴軍所攻遣使
來乞師武皇遣騎將安福順安福應安福遷督精騎
五百假道於魏州以應之

三年五月汴人大舉以攻兗鄆朱瑄朱瑾再乞師於
武皇武皇假道於魏州羅弘信許之乃令都指揮使
李存信將步騎三萬與李承嗣史儼會軍以拒汴人
存信軍於莘與朱瑾合勢頗挫汴軍

四年九月河中王珂來告急言王拱引汴軍來寇武
皇遣李嗣昭將兵三千以援之屯於胡壁堡汴軍萬
餘人來拒戰嗣昭擊退之

天復三年梁太祖所署昭義節度使丁會以潞州歸
帝納之賜甲第於太原位在諸將上

莊宗初爲晉王天祐八年正月南伐至邢州遣李存
璋治械攻城時梁將王檀爲邢帥乃約矢飛書諭以
禍福曰天維助順神亦害盈有道卽興無道卽滅昔
漢朝中否俄成王莽之妖晉祚中微復起桓玄之禍
莫不因緣多難構合異圖謂天地可以心欺謂帝王
可以力取殊不知雪霜之後寒松驗貞翠之姿喪亂

之期義士見忠勤之節是故南陽宗室京口英雄皆
懷仗順之謀悉建平勲之策逆溫萑蒲餘孽猷敵微
民因黃巢將敗之秋於白水喪師之後自知勢蹙遂
乃向明聖朝以方切招懷顯行恩渥使從賊將委以
齊壇錫全忠之嘉名居夷門之重地爾後連侵四鎮
壘擁雙旌非聖朝恩澤不深非聖朝有負此賊而乃
結連姦逆攻逼河岐謀害近臣劫遷鑿輅終成大逆
遂弒昭皇殺戮宗枝逼辱妃后萬民相顧而枚淚百
辟飲恨以吞聲以致神堯萬代之基陷入礪山豎子
之手人祇痛憤天地慘傷况復自僭逆以來猖狂愈
甚忌勲舊則殺傷已盡貪財貨則溪壑難盈氏叔琮
朱友恭之徒蔣玄暉張廷範之輩罪無毫髮皆被誅
夷王仲師覆族於前劉知俊脫身於後如斯統馭何
以扶持稍成瓜李之嫌便中讒邪之口且鎮定兩地
聖唐重藩皆世嗣山河代分旄鉞各以生靈是念封
壤求安旣拜表以稱臣又竭財而入貢而逆溫不察
忠瘁潛肆窺圖詐稱應援之師盜取深冀兩郡見利
忘義一至於斯欲令天下歸心乃至舟中敵國昨錄
定大王特差人數徑告弊藩予遂統師徒躬來應援
逆溫已令其將王景仁等七八萬衆屯據相鄉日令

步騎攻圍其城終不出關遂令引退即便前來既落
穀中須施毒手東西掩擊勢若山摧擒戰將二百餘
員奪鐵騎五千餘匹橫屍蒲野皆龍驤神捷之徒葉
甲如山悉長劍銀鎗之類程思權縷陳表本張濤亦
備述事機燃董卓之臍何煩再舉斬桓玄之首正在
此時近又岐下淮南皆通問使咸期春首同起義師
計柏鄉之勝捷遠聞在兩地之戈鋌轉急天時人事
昭然可知伏以公緱嶺名家聖唐勳族因逢國難備
在賊庭當華夷無事之時蒲朝朱紫儻社稷中興之
後足顯勳名予曾高自憲宗朝赴關以來世荷恩寵
敢因此際誓復聖唐必不與碭山田夫同戴天而履
地予幕賓王緘僕射九月中鳳翔使迴劉知俊令公
因遺書示兼傳密意具述足下相與之分最異他人
兼憑附達絹書尋令通送又累得潞州相公家兄文
字及招得魏博子將聞得逆溫於公君臣之分已有
猜嫌曾於故鎮着人密欲窺筭皆言紀綱不少謀害
稍難頗得事機極不虛謬且公彭門侍中之後鴻勳
茂業播在史書豈忍屈節賊庭黷汗盛族轉禍爲福
去就奚安箕子去殷項伯歸漢棄骨肉猶稱先智全
富貴固是良圖今三鎮嚴師已及城下敢假丹地

達英聰儻蒙俯賜忠言見機知變叶同討逆興復聖
唐則身與金石齊堅各與天地同固蓋以久歛重德
是敢先貢直言如明鑒未迴丹誠尚阻則長濠巨壘
築室返耕使飛走以無門固展覲而有日

二月南伐鄆州步騎三千自黎陽歸國其都指揮使
張從楚曹儒謁見帝賜衣袍韉馬額其兵為左右是
月命從楚儒為都將俱賜姓李氏從楚改名紹文曹
儒曰紹武

十三年八月攻邢衛洛磁下之相州節度張筠棄城
遁去邢州節度閻寶嬰城拒守帝令軍士諭以張筠
宵遁令降將張温率汴軍五百於城下招諭之寶知
勢危窘援軍路絕請以城降帝嘉之進位簡較太尉
同平章事遙領天平節度東南面招討等使待以賓
禮位在諸將上

九月梁將戴思遠為滄州帥時已定魏博思遠勢盛
棄州遁走毛璋 毛璋本滄州小校 乘虛據之以城歸國因授
貝州刺史轉遼州

十四年二月梁將謝彥璋帥眾數萬逼楊劉城帝自
魏州聞之輕騎趣于河下賊軍遂壘以自固又決河
水瀾漫數里以陷我軍我軍不得進自破安彥之後

其潰下之卒多嘯聚於兗鄆山谷間觀時勝負有投
來者帝以書諭之曰夫相時達變爲智士之良圖擇
福知機蓋丈夫之能事故有竄身山谷不處危邦今
古攸同豪傑共貫近聞鄆州山寨聚徒實繁竝是汴
雒舊人兗鄆奇士見河南之失險知偽數之必亡厭
血刃於連年避淫刑於虐主必想元元失所恟恟無
依莫知投足之方未有息肩之地予自去冬親提虎
旅徑取楊劉旣獲通津已諧大計視逆豎而便同機
上筭梁園而已在殼中謝彥璋營葺梟巢嘯聚河上
撩虎頭而難逃碎首伸螭臂而何暇爭鋒今則虐使
生民決開天塹築隄壅水自固軍營偷生取笑於庸
夫作事頗同於兒戲公私塗炭內外分離旣板蕩以
不披固水消而在卽予俯詳人事仰察天時旣畫成
謀已圖大舉控新羈之鐵馬礪却日之霜戈屈指定
期長驅決戰誓平國耻須復家仇廓妖祲於西郊奉
中興於萬葉諸君等或中州義士或大國遺民因兵
革而不保田園避殘酷而深藏溪洞聞余義舉計各
歡然今旣屯聚衆多已相統屬須自謀畫自立功名
或則攻取城池便可跨據州縣因滋事勢以決遠圖
梁寇旣西有多虞固不服分其東去青兗則無人之

境齊鄆則喪亂之州彼若圖之必定成事斯爲上策不可後時凡有兵機予能應接當俟寰區一統海內爲家可於所得封疆遂其富貴之願蒼蒼白水予所不期若守險偷生潛身匿迹終爲亡命自棄何多時不再來機須速決長謀遠筭自可擇焉自是充鄆群盜往往率衆歸于行臺

十五年梁河中節度使朱友謙來乞師友謙本名簡梁太祖畜爲假子以爲陝州節度後爲河中節度及友珪弑逆意深不憚友珪徵之友謙不奉命友珪令其將韓勅等將兵攻之友謙乞師於帝帝赴援大敗汴軍與友謙會於猗氏陳詞瀝懇願爲附庸帝嘉其忠頗賞待之

十六年攻下濮陽獲其良吏乃下教告諭曹濮百姓曰千紀亂嘗人神共怒殺君盜國天地何容激忠良仗順之心拯黎庶倒懸之急予援從近歲親舉義師每惟戡難之謀所切弔民之患而賊黨不分逆順憑附妖覓唯偷晷漏之生不慮覆亡之禍去秋予暫歸寧觀留侍并都賊將王瓚輒渡洪河偷營巢穴不敢前來決戰遠出交兵壁閉偷安可知羸懦予親臨賊壘率士登城賊遂出營門與吾合戰纔交鋒丹便委

干戈戮甲士二萬餘人奪鐵騎三千餘匹敬于李立
之輩已釁鼓於軍前拱辰侍衛之徒盡橫屍於大野
所殘無幾不日剪除料彼友貞難逃鈇鉞豈能保完
生聚禦捍疆陲予昨徑出偏師徇地曹濮閱其蒸庶
罹此百殃空多轉餉之勞殊失保全之望予示其福
福各擇安危勿附賊以亡家須決機而保族若能自
携老幼歸我封巡亦議撫綏俾令蘇息如懷鄉戀土
苟免待時則須遠避兵鋒慎於去就佇平克醜冀復
鄉園其諸軍兵士州縣長吏等自解圍上黨對陣栢
鄉華縣交兵楊劉接戰亦合諸吾機略可料興衰何
必阿附元亮自貽伊戚不如嚮義自卜永圖旦旦之
懷元元其悉

十七年秋六月梁將劉鄩尹皓寇同州先是河中節
度使朱友謙取同州以其子令德王留務請梁王降
節梁王怒不與遂請旄節於帝梁王乃遣劉鄩與李
州節度使尹皓帥師圍同州友謙來告難帝遣蕃漢
總管李存審昭義節度使李嗣昭代州刺史王庭及
率師赴援九月師至河中朝夕濟梁人不意王師之
至望之大駭明日次於朝邑與朱友謙謀遲明進軍
距梁壘梁人悉眾以出蒲人在南王師在北騎軍既

接蒲人小却李嗣昭以輕騎抗之梁軍奔潰追捕二千餘級是夜劉鄩收餘衆保營自是閉壁不出數日鄩遂霄遁王師追及於渭河所棄兵仗輜重不可勝計劉鄩尹皓單騎獲免未幾鄩憂恚發病而卒

二十年四月莊宗卽位制曰澤潞封疆兄弟之國追思舊績言念疲民惠在綏懷恩加招撫各佈公路錢戍布命宣陳咸令樂業營生無使侵疆爲患

同光元年八月梁行營右先鋒指揮使康延孝自高陵津渡剽於臨河帝以騎軍挑戰延孝率百餘騎倒戈來歸延孝本晉陽人家世部率少隸太祖軍負罪

奔於梁漸至偏裨性剛烈負氣不居人下知賊庭終敗來奔帝虛懷引見解御衣金帶以賜之翌日賜田宅於鄴以爲俸日都軍使兼南面招討都指揮使簡較司徒守博州刺史時河朔危急延孝至軍情稍壯十月己卯車駕至汴州梁開封尹王瓚恐懼出城連降伏地請死帝曰朕與卿家世密親兵或阻關卿時竭心所事人臣之節也何罪之有乃命復舊職及謀
傑朱珪輩瓚大憂駭不自安以憂病所有家財相繼入貢帝慰諭之終以憂病而卒

壬午梁將段凝所部馬步軍伍萬斛甲於封丘勅旨令於州城北十里排立俄而凝等率大將先至泥首

請死帝慰之曰僞主誤誤卿輩無罪各賜錦袍御
錢帛有差帝出封丘門撫勞兵士歡呼之聲殷動天
地帝慰之曰爾等皆吾赤子被賊驅率暴露征行數
十年來不安耕職今誅逆孽平一天下自此休兵
戰何樂如之可各復本營餘勿憂懼

癸巳勅朕親驅義旅徑下僞庭克讐雖以剪除內外
或聞播擾貴行招諭以示綏懷應諸色官員並宜
舊勾當當軍百姓各自安居永無勞弊之虞其時
平之代如無量之輩易動人情便仰密加追捕嚴行
斷貴從寧諡當體朕懷是月入維爲維京留守

南尹張全義羸老不勝拜蹈帝令人掖之臨軒慰
稠沓初全義棄澤州而趨河陽第全武及家屬爲我
軍所得歸之大原太祖給賜田宅厚加撫卹天復中
密令人通情至是帝重其宿望謂之曰張侯無恙卿
識機知變無絲與我早通卿家弟姪幸復相見全義
垂涕謝恩進幣馬千計謝恩帝命皇子繼岌皇弟存
紀等弟兄之是同詔曰叛之則懲服之則捨蓋前
與旨爲當代之通規既屬纂承是務遵守應舊僞
位居藩翰任處專城或掌握兵權或捍防邊鄙各
其主以全其各既解甲以歸明或飛章而送款

斯觀忠節可嘉其逐處節度觀察防禦團練等使及
諸州刺史監押及僞庭先差出行營將較都監等皆
須恩詔不議改更仍許且稱舊禦當俟別加新命是
月僞梁宋州節度使袁相先至觀於玄德殿泥首待
罪詔赦之

十一月梁河中節度使西平王朱友謙自河中至見
于玄德殿進金鞍名馬帝慰勞加等友謙乞割磁州
依舊爲蒲之屬郡乃以絳州隸之又求爲安邑解縣
兩池榷鹽使亦許之尋加守太師尚書令進邑至一
萬八千戶西平王如故又賜姓名繼麟兼賜鐵券

死罪

是月中書奏河南諸方鎮節度刺史臨洗之後未有
新官每上表章只書姓名未頒渙汗必負憂疑望官
付各降制命以表新恩從之

二年二月遣左武衛大將軍張紹虔押國信宣賜
南

五月路州賊首領楊立遣守將韓暉奏表乞行赦宥
帝令樞密副使宋唐玉齋勅招撫

四年二月癸丑中書門下奏僞蜀官員先有赦宥
降近者員數極多相次到關竝是未承前勅應

疑宜令御史臺具所到官員出身歷任三代家世
偽官品秩准前勅次第當擬同正官奏復如是偽
將之家屬稍多卽於山東州府安置如位卑家屬少
者或是本朝舊人有骨肉見在班行卽任便居住
是二三川居人願還本土亦俟三兩日放歸本處或有
本朝曾登科第歷任班行材器爲衆所知可以甄
卽續具人才酌量奏擬從之是時僞屬宰相王鐸
傅表張格皆本朝衣冠之後也豆盧革韋說素知之
旣聞歸欵意欲處之善地故有是條奏以俟其來
孫彥韜字德光少以勇力聞於鄉里唐末朱氏將
革命兼領四鎮擢彥韜于伍卒歷諸軍較偏及朱氏
借竊軍鋒屢爲莊宗所敗彥韜北屯河上知大事不
濟乃間行繇官渡委質來歸帝喜而納之授親從定
提右廂指揮使

劉玘梁貞明末爲晉州觀察留後莊宗收復汴州玘
來朝玘在平陽八年日與上黨太原之師交關境上
莊宗見而勞之日劉侯無恙爾控吾晉陽之南鄙
時久矣不早相聞今日見訪不其晏歟玘頓首謝之
郊天後復令歸鎮正授旄節尋有詔改授安遠軍
明宗初以天祐九年領內衙親兵時周德威攻圍

州劉守光困蹙令元行欽於山北募兵以應契丹時
帝攻行欽於山北與之接戰矢及帝馬鞍既而以勢
迫來降帝憐其有勇奏隸爲假子後因從征恩禮特
隆嘗臨敵擒生必有所獲名聞於軍中

大成元年八月以僞蜀開府儀同三司行尚書右僕
射兼中書侍郎同中書門下平章事上柱國趙國公
食邑五千戶張格可金紫光祿大夫簡較兵部尚書
守太子賓客上柱國仍封南陽縣開國伯食邑七百
戶充三司副使從判三司宰臣任國所奏請也

九月幽州奏契丹平州守將僞置幽州節度使盧文
進率戶口歸明所率降戶孽畜人口在平州西守界
約七十里十一月鎮州又奏文進所率歸業戶口
免稅租三年仍每口給糧五斗是月文進及將吏四
百人見賜鞍馬玉帶衣被噐玩錢帛有差仍下制契
丹盧龍軍節度使簡較太尉盧文進遼西飛將薊北
雄才傾以被讒因而避禍雖附茹毛之俗長懷向國
之誠將軍寧屈于虜庭較尉終還于漢壘洎于纂緒
果卜旋歸繼飛鷹足之書累殄龍庭之虜前冒白刃
中推赤心擁塞垣之車帳八千復唐土之民軍十萬
氣吞沙漠義貫神明爰降寵章以旌壯節可特進

前簡較太尉同中書門下平章事使持節滑州諸軍
事守滑州刺史充義成軍節度滑濮管内觀察處置
等使仍封范陽郡開國侯食邑一千三百戶兼賜推
忠翊聖保義功臣

二年十月汴州節度使朱守殷閉州城拒命帝親平
之辛丑德音曰衛生亡軀推兇致命偶徇脅從之勢
終懷忠盡之誠首議向明理宜行賞昨車駕初到城
下之時有將士率先開門及城下朝見宜令石敬瑭
奏聞當與甄酬

三年四月制夫忠而能力蓋臣子之嘉猷賞不踰時
乃君親之大義其有一心奉國萬里勤王宜至化於
遐陬振威聲於異俗宜升寵秩式示優恩竭忠建策
興復功臣東南面行營副招討使寧江軍節度觀察
等使光祿大夫簡較司徒使持節都督夔州諸軍事
守夔州刺史西方鄴壯節挺生英材間出居家克孝
事主能忠總銳旅以遄征飛捷書而薦至一日千里
復峽内之土疆七縱七擒盪荆門之妖祲近令偏將
徑取敵城運籌之智神輸破竹之威電速漸平鬼穴
當覆泉巢方堅倚仗之誠宜降褒崇之命俾兼為保
益重殿邦既虎踞於上流佇鯨吞于下瀨於厥功名

既立節義彌高鼎鐘方示於鐫銘綸綍寧煩於訓誡
唯期帶礪永協雲龍可簡較太保使持節都督夔州
諸軍事守夔州刺史寧江軍節度觀察等使
十月戊午契丹署平州刺史張希崇將麾下八十餘
人歸闕見于玄德殿便名赴宴例加賞賜希崇幽州
人陷蕃歲久契丹署于平州至是殺其蕃兵率平營
人戶來歸

四年二月丁亥夏州行營都監安重益率師赴西軍
時夏州李仁福身亡其子燾超擅稱留後詔邠州藥
彥稠總兵赴夏州至此因降勅書曉諭夏綏銀宥等
州將吏百姓曰近據西北藩鎮聞奏定難軍節度使
李仁福薨變朕以仁福自分戎關遠鎮塞垣威惠俱
行忠孝兼著當本朝藩越之後及先皇興創之初或
大巢克徒或遙尊聖主夙夜每勤于規救始終罔怠
於傾輸爰今眇躬益全大節協和羣虜惠養蒸民致
朕端拱無爲修文偃武賴彼統臨有術遠肅邇安委
伏方深凋頌何早忽窺所奏深愴予懷不朽之功既
存於社稷有餘之慶宜及于子孫但以彼蕃地處窮
邊每資經略厥子年纔弱冠未歷艱難或虧駕御之
方定戢姦邪之便此令嗣襲貴示優恩必若踐彼危

機不如置之安地其李彛超已除延州節度觀察留
後前延州節度使安從進却除夏州節度留後各降
宣命指揮使勤赴任但夏銀綏宥等州最居邊遠久
屬亂離多染夷狄之風少識朝廷之命既作當於移
易宜普示於渥恩應夏銀綏宥等州管內罪無輕重
嘗赦所不原者竝公私債負殘欠稅物一切竝放兼
自刺史以下指揮使押衙以下皆勒仍舊勾當及與
各轉官資宜令安從進到日倍加安撫連具名銜分
折聞奏朕自總萬機難引一德內安華夏外撫夷狄
先旣懷之以恩後必示之以信且如李從暉之守岐
隴疆土極寬高允韜之鎮邠延甲兵亦衆咸能識時
知變舉族來朝從暉則見領大梁允韜則尋除鉅鹿
次其昆什竝建節麾下至將僚悉分符竹又若王都
之貪上谷李賓之吝朔方或則結構契丹偷延旦夕
或則依憑營項竊據山河罔稟除移唯謀依拒比及
朝廷差命良將徵發銳師謀悉萬全戰皆百勝纔興
討伐已見覆亡數萬騎之契丹隻輪莫返幾千族之
黨項一鼓俄平尋拔孤城盡誅羣黨無遠無近悉見
悉聞何必廣引古今方明利害只陳近事聊論將來
彼或要覆族之殃則王都李賓足爲鑒戒彼或要全

身之福則允韜從職可作規繩朕設兩途爾宜自擇
無貽後悔有玷前修今以天命初行人情未定或慮
將較之內親要之間幸彼勿冲恣其熒惑遂成騷動
致累人靈今特差邠州節度使樂彥稠部領馬步兵
士五萬人騎送安從進赴任兼以別降宣命嚴切指
揮安從進等委其訓戒師徒叅詳事理從命者秋毫
勿犯違命者全族必誅先令後行有犯無捨更慮孤
恩之輩樂福之徒居安則廣造異端貴令擾亂臨難
則却謀相害自要功勳宜令李彝超體認朕懷宜諭
彼眾無聽邪說有落姦機宣布丁寧咸令知悉

六月權知京南節度高從誨上章乞許自新重修
貢初從誨父季興以請峽內三州事據城阻命繕甲
締結梟夷從誨屢諫不從及王師問罪孔循令門客
李湜見季興諭以禍福季興悖慢不遜從誨俟其有
間私與湜曰令公性強不能遠圖此事予嘗號泣言
之竟未聽從然予之操心必不負于國家苟王師過
舍聖上許其改圖予必可致令公首過公為予言于
朝執至是季興卒從誨屢遣使致書于湖南襄陽師
請上章保明願垂昭洗先時襄湖表章交至至是從
誨復自上章首罪帝曰先臣叛命不預從誨事可待

之如初

長興元年九月淮南降將海州馬步軍都指揮使王傳極率黑雲都兵士七百三十五人見于內殿各賜鞍馬衣段錢帛袍帶有差

三年三月辛丑以淮南降人潤州觀察巡官嚴澤爲亳州譙縣令仍賜緋

晉高祖天福二年二月勅聞訪諸道州府等昨以朝廷近有指揮搜羅官徼震驚戶口搔動鄉原致彼編氓不思樂業結集徒伴藏避山林其間亦有接便爲非率意行劫事不獲已想非故心今旣國步艱寧未

事興作宜行告諭各便歸還但務耕農况無徭役切慮有無知之輩懼罪不歸頃示條流冀令安靜限勅到後與量地里遠近與限各令復業已前爲非一切不問如限內不來者其物業許鄰近人請射承佃或有不忍招攜尙行偷劫者一聽居停及鄰人密來陳告便許占射賊人物業充賞如賊無物業卽與逐處指揮每告一人卽與賞錢二十貫文如至十人以上更賜銀鞍轡馬一匹此外竝依所告得人數支給與賞錢仍據所願穩便處與補職安排委逐處長吏遍下管內今於山谷道口津渡如法粉壁曉諭仍不任差

人四向專切招攜如是不能悛改尙務結集者委逐處差兵掩殺

七月敕昨者魏府帥臣忽與狂悖河陽兵士小有驚搔已各命於討除跡盡平於巢窟軍興之際賊計多姦時發細人潛賚獵彈意在離間上下點污忠良朕固無疑人何懷懼近聞弘暉忽然出外不赴朝參文婁繼英悞有傳聞亦茲潛匿且尹暉婁繼英位居班列事合審詳不謂此特偶乖斟酌朕情深軫憫恩在矜寬專遣招攜時議釋放各委家人諸處招喚出來却令如舊一切不問此後諸處收捉到姦細文字等

其捉事人依舊支給優賞其細人畫時處斬文字當處焚傷冀表推誠免令惑衆布告中外咸使聞知仍付所司暉魏州人也少以勇健事連師楊師厚爲瓜牙莊宗竝其弟昇爲少較從戰河上每於馬前步關有功莊宗卽位連改諸軍指揮使明宗天成後領數郡刺史應順中王師討潞王於岐下暉與楊師權首歸潞王潞王約以鄴園授之潞王卽僞位帝入雒嘗遇暉通衢暉上馬橫鞭揖帝帝甚怒之及因朝謁謂僞主曰尹暉嘗才以歸命稍先陛下欲令出鎮名藩外論皆云不當僞主乃授應州節度帝卽位改西衛

將軍時延光以暉失意密使人以榮利啗之暉懼
下水欲奔歸淮南未出王畿爲人所殺繼英未詳何
許人也事僞梁歷爲內職唐莊宗朝歷諸衛將軍出
爲絳州刺史明宗天成中改冀州北面水陸轉運使
旋移耀州團練使入爲執命轉左監門衛上將軍繼
收懷州金州加簡較太保帝卽位復居西衛至是以
有弟爲魏州子城都虞候故延光使人誘焉繼英不
自安逃許州匿於所親溫延沼弟以繼英有女嫁延
沼之故也竟不爲溫氏兄弟所容知張從賓據泥水
叛命繼英往依之尋爲杜重威所擒送闕梟首北市
時繼英有子曰德懷爲萬全令蒲中連師安審信械
而奏之尋有勅追毀所授告亦擇之以繼英因匿身
不容本非爲逆故也是時楊光遠討范延光於業遂
賊軍都頭王洪等十人至大寧宮前竝釋放
三年三月詔送箭書二百遣楊光遠射入賊城除范
延光竝不爲罪

八月帝以范延光據鄴城攻之經歲不下以師老民
勞思解其役遣謁者入謂之曰卿旣危蹙敗在朝夕
若能返掌轉規改節歸我我當以大藩處之如降而
殺之則何以享國明明白日可質是言因賜鐵券改

封高平郡王移鎮天平延光謂門人李式曰主上敦信明義言無不踐許之不死則不死矣因徹去守備素服請降

十月制七萃師徒五營吏士偶因罪累遂至逋逃念曾効於忠勤宜顯行於招誘自用軍已來應有諸軍及軍色負罪逃軍諸處人等限一百日內許所在陳告竝不問罪却與收管如限內不出復罪如舊諸州府應有見禁此色人家口骨肉竝從釋放

五年五月安州節度使李金全叛歸淮南命馬全節以汴雜汝鄭鄆宋陳蔡曹濮周唐之兵討之帝使供奉官劉彥瑤馳詔諭李金全曰造藩都護三載一更古之制也嗣守世及則勞役不均朕俾全節代卿將授卿以重領何猶預熒惑而有異圖近覽復州上言云東陵洄口官波三戍皆稱江下鳩集水軍大發樓櫓與卿應授又賈貞蔡進等咸以蠟書章表來投爾庭故旋命六將徵兵三萬如能轉負從順朕亦待爾如初予之食言何以享國若其迷途不返卽聾從昧則夷宗覆族良可哀也

六月淮南僞安州節度使李承裕率衆大掠輦其資貨而夜遁擒其監軍杜光業及部下將毛璘孫厚呂

太徐引李仲福等五七百人露布詣闕帝曰此等何罪乃以所獲之馬與噐幣資裝豐厚而賜之及待以館穀光業等無不仰天感激涕泣請死帝終不戮一人悉放還之

六年八月制曰天覆地載無所不容改過自新於斯爲美應亡命山澤負罪潛匿者竝放罪招攜各令歸業所在切加安撫如過百日不出首復罪如初

十一月襄州投來將士三百餘人到闕宣付侍衛司安排其首領賜衣帛有差

七年正月鎮州安重榮僞署深州刺史李從禎指揮使張仁希竝都頭十將長行共九十七人先歸降到闕見賜衣物有差尋人押赴鎮州

少帝開運二年宣收降到秦州刺史晉庭謙軍州官吏以下至行宮前勅令釋縛賜晉庭謙噐帛鞍馬銀帶公裳又賜錄事參軍李崇義司法參軍張唯諫清苑主簿李正佑部署指揮使劉繼暉噐帛有差

漢高祖以天福二年四月卽位於太原五月至霍邑詔諭鎮州趙贊曰卿燕臺大族唐室懿親作鎮方隅旣多善政應時制置素有嘉謀實兼文武之才比擅方圓之譽惟卿之身久從迫脅居胡土而當全骨肉

還漢疆而近脫鋒鏑浮沉祇係於虜情舒卷非繇於
已意想其扼腕嘗所吞聲朕猥以眇躬式隆丕構承
皇天眷命副群后樂推方救阽危用拯塗炭昨契丹
見華人不附尋已促還今酋長爲神物所誅俄聞暴
卒興亡之兆其理昭然其永康王遁入鎮州與卿顯
相疑惑今月一日於待賢館內已被繫俘所有僚屬
將較竝遭誅戮寃聲遙聽慘性可量想計聞之必多
酸楚卿一門忠孝三代王公須自雪家寃當其清國
難於我則旣明向日於彼則無與同天自然濼土分
茅長居爵位重茵列鼎永慶來雲孟津之會宜先塗
山之期勿後况車駕按幸已及晉州無致他人別邀
富貴臨軒睠注寤寐不忘所有諸道申奏蕃賊等逃
遁事繇表章文狀等竝同封往其三軍官吏僧道百
姓等別降勅曉示撫問用符卿意當體朕懷

六月至雒詔應有契丹除授諸道節度觀察防禦團
練使刺史及令錄賓僚將吏等竝各安職不議改更
十一月杜重威據鄴城拒命城中散指揮使穆彥章
相次與軍士等來歸彥章賜帛百段銀帶器皿鞍馬
等餘有差

乾祐元年詔曰其有先曾事契丹并有骨肉見在契

丹者其本人本家所在切須安存不得妄有恐動
隱帝乾祐二年正月乙巳朔制曰河府李守真鳳翔
王景從永興趙思綰等此與國家素無讐讐偶因疑
懼遂致叛違所以命將陳師徵辭問罪止期旦夕必
見攻收然以彼之提封朕之黎庶久陷孤壘可念非
辜易子折骸填溝委壑爲人父母寧不軫傷但以屈
已愛人先王厚德包荒含垢列聖美談宜弘濟物之
恩用廣好生之道其李守真王景從趙思綰等宜令
逐處都部署分明曉諭若能幡然歸順朕竝待之如
初當保始終享其富貴申明信誓固無改易其或不
認推誠堅欲拒命便可應時攻擊尅日蕩平候復收
誠池罪止元惡其餘誣誤一切不問仍預告諸軍破
城日不得殺人放火諸處草寇等拋棄耕農聚集林
藪晝伏夜動害物殘人前後累令剪除繼行招諭尙
恐疑懼特示寬恩如能改過知非出來陳首者應以
前所有非爲一切不問宜令逐處節度刺史及巡簡
使臣明行曉示宣達朝廷恩旨冀其歸業嘗切撫安
不得信任節級所繇衷私恐動重念征討以來勞役
滋甚兵猶在野民未息肩急賦繁徵財殫力匱矜恤
之澤未下於瘦羸愁嘆之聲幾盈於道路尙以軍旅

未息帑廩無餘猶稽蠲復之恩空懷愧憫之意卽俟
邊烽少弭國患漸除當議優饒冀獲蘇息諸道藩侯
郡守咸分寄任共體憂勞更宜念彼瘡痍倍加勤卹
究鄉閭之疾苦去州縣之煩苛勸課農桑少察究濫
共挾政理用副憂勞凡百臣僚當體朕意辛未夏州
節度使李尋殷獻馬謝隸靜州爲屬郡彛殷祖拓拔
思恭唐光啟初得夏州節鉞自相繼襲後唐明宗時
命彛殷等討之彛殷招引黨項攻奪餉道食不能
給彛殷登城言曰夏州虛名耳無珍寶帑藏貢賦朝
廷但以父子相傳寓居此郡或朝廷指使征伐願誓
衆先登幸國家哀憐繇是赦之自是傲視中原陰結
叛臣朝廷知其心而羈維之

四月永興趙思綰遣牙將劉成詣闕乞降制遂授思
綰華州節度留後簡較太保以永興城內都指揮使
彛嘗卿爲魏州刺史

九月以契丹僞署前武州刺史高奉明爲右衛將軍
奉明曾任蔚州錄事參軍頃歲契丹陷蔚州奉明爲
蕃將南大王養子累授刺史戎王死永康立以奉明
爲邢州節度使以代麻荅麻荅王留鎮州未幾聞高
祖南渡高唐英死於安陽心不自安乃請麻荅署馬

部都指揮使留鐸為本州副使尋以知軍府事奉明歸於鎮州麻荅被逐奉明赴闕故授環衛之官
二年三月徐州部送所獲淮南都將李暉等三十人
狗于市復給與衫帽放還淮南

冊府元龜

冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

帝王部 一百六十七

招懷第五

周太祖以漢乾祐中奉命討河中李守貞太祖令水軍沿河具戰棹長連城用步軍分守各以使臣監之賊小較劉重進高思來降補招收十將付以錦袍銀帶積於城下令誘賊軍

廣順元年正月徐州押牙鞏廷美教練使楊溫據城拒守勅曰朕昨迫于軍情遂臨帝位已曾示諭想備聞知汝等初得耗音爭無疑懼一則顧身擐甲閉關須至如是今覽汝等報姚武文字備悉心誠况汝等始則爲使主竭忠終則向朝廷順命秉持甚善節義可嘉佇俟旌褒何煩憂懼近者已有勅旨汝等竝授郡符只候新節度使入州卽便施行恩命朕當示信于天下汝宜諭旨於城中凡在軍民各宜安堵其諸元從職員竝宜安撫

三月丙寅與荆南高保融詔曰安審琦奏湖南船網行監押節級官健四百九人在襄州朕以武陵長沙尋戈結釁旣道塗而梗澁致官健以淹留卿義在卹鄰志惟體國俾歸途而無滯副軫念以在茲已降宣命下襄州取逐人便穩如願歸本道者卽差人管押至荆南候到卿可差人部送至湖南

五月丁丑勅京兆鳳翔府朕臨御以來憂勤無怠慮庶政之尚闕恐蒸民之未安寢食不遑夙宵若厲早歲雍岐連叛兵革薦興迨至討平可知傷弊誠念負罪之黨尋以誅夷亡命之徒近皆滌蕩則被釋放者皆爲赤子經釐革者悉是平人雖性命之永全在生

涯之何着興言軫閔未嘗去懷其京兆鳳翔府先因
攻討之時及收復之後應有諸色犯罪人第宅莊園
店舍水磴曾經籍沒及本主未歸者已宣下本道却
給付罪人骨肉爲主仍仰逐處嚴切指揮勿令所錄
裏私闌吞邀求資金庶令存濟用副朕懷

八月滄州王景言幽州饑繼有流民入界勅朕以汾
邊百姓適因災沴遂至流亡拋棄鄉園扶携老幼未
有安泊之地深懷愍念之心宜切撫綏庶令存濟其
邊界流移人戶差使臣與所在官吏撫恤安泊其滄
景德管內甚有河淤退灘之土蒿萊無主之田頗是
膏腴少人耕種可令新來百姓量力佃蒔只不得虛
占土田有妨別戶居止如是願在別管界內居住者
亦聽取便所在關津口岸不得阻滯如邊界有親識
可依亦聽從便仍人給斗粟委三司支給候安泊定
取便耕種放差稅

是月晉州送擒獲太原軍士二十六人各與巾履衫
袴竝釋之

二年正月賜兗州慕容彥超詔曰朕與卿久敘兄弟
比無嫌隙自前歲奔逃之後尋時慰納如初察憂疑
則推以赤心邀信誓則指之白日留男不歸大職欲

已只在舊藩動必依從斷無疑阻何故執心不定率
意而行聚草寇于城中修戰具于衙內發言不遜舉
事無嘗差遣元隨主持鎮務恣令殘害任便誅求率
配之名三四十件捨拾事力贍養姦克一境生靈不
勝其苦南則結連淮寇北則勾喚劉崇早者差都押
牙鄭麟口奏敷陳乞移藩閩朕推心嘉納回詔允俞
昨上表請赴闕廷朕亦一從卿意復成欺侮讎有指
名兼更僞詐鄆州書題點染齊王勳德且非奇計何
必如斯近者東面諸侯相繼奏報稱卿差點管內人
戶團併義營欲議發軍攻取隣道衆情不服闔境波
逃其百姓皆併力同心殺却元隨鎮將例各將家廻
避散投外界潛藏或則保聚山林就便構置寨柵懼
卿挾讐屠害不保朝昏懸望官軍救護爲主朕爲人
父母能不痛心弔伐之行蓋不獲已今差侍衛步軍
都指揮使曹英等部領馬步大軍問卿情狀卿若能
改心知過束身歸朝當許全生待之如舊朕或違信
是謂自欺卿若拒張便令攻取今更飛此詔始末指
陳冀卿靜慮深思庶幾轉禍爲福言盡於此卿其圖
之

二月癸卯以先擒獲太原鄉軍頭周暉而下百三十

三人各賜錢鞋遣供奉官蓋繼明部送昭義界放還鄉里甲辰以先獲淮南指揮使燕敬權都頭趙筠官健吳進羅義等四人放歸本土仍賜衣服金帛以遣召見謂之曰爾歸言達吾意於爾君凡人惡克邪獎忠順天下一也我之賊臣撓亂國法嬰城作逆殃及生靈不意吳人助此克慝驅徒領衆涉我封隴南土君臣非良筭也

是月戊申以兗州兵士數百人先在金州屯戍其家口仍在本城中勅就金州撫諭之曰一昨慕容彥超結連草寇毒寇蒸民側近縣鎮鄉村無名脅從徒害人神憤怒須議討除朝廷已發大軍往彼攻取汝等屯戍邊境勞苦經時言念忠勤不忘寤寐所有汝等家口竝在兗州城內屬此背違想皆憂念在朕誠意暫不弭忘已降宣命指揮曹英候收復城池日晝時選得力負寨部領兵士率先入城占據本營安撫逐人骨肉家口不得輒有驚恐

五月親征兗州乙丑旦次金鄉曹英送賊黨文懷美三人至行在賜袍帶釋之癸酉賊散員都將周延嗣歸順自是賊黨相繼來奔皆有所賜

是月兗州行軍孫暉副使劉演及本城將較等爲軍

士所獲帝以其脅從皆賜衣裝以釋之諸村鎮要路捕獲得賊黨者相繼而至帝多宥之彥超元隨都押衙鄭麟李玘及伶官十數人王峻請而免之是月兗州平制曰應曾與慕容彥超同惡之人逃避潛藏者竝與釋放仰於所在自出陳首百日不首者復罪如初應已伏誅逆黨人等於諸處有骨肉者先已指揮放罪招安尚慮本身抵法之後却有驚疑宜令所在州縣明行告諭竝釋放不問兗州城內幕職及縣官吏軍府將較竝令放罪及衙前州使兩院職役人本城軍都竝勒仍舊自慕容彥超違背已來鄉村山寨豪強人等接便爲非劫掠虜殺今因收復之後竝與洗滌一切不問

八月淮南界俘獲耕牛雜畜詔送還本處

三年正月夏州李彝殷府州折德晟上言河東界僞麟州刺史楊仲訓以蕃部攻圍繼來求便乞歸明賜勅書曰麟州刺史楊仲訓及軍州將吏職員等拒夏州節度使李彝殷奏得汝等狀稱劉崇拒命聖朝堅其逆壘今被部族侵迫乞垂救解兼已稱大朝正朔竝門逆命邊郡無歸值妖孽之脅從致朝貢之阻絕今則蕃部兵民助我討違汝等哀告蕃鄰欲謀歸向

備覩變通之意特用弘納之仁宜示撫安用獎忠順
已指揮州府及諸蕃部不令進攻汝等便宜明宣朝
旨告諭軍民應是通河東道路口岸晝時遣人守禦
不得通人來往凡有公事一一奏取朝廷指揮其官
員將較職掌一切依舊仍分折名銜申奏當議等第
加恩兼之酬賞邠州折從阮言奉詔示諭慶州諸蕃
部尋遣人告報首領其野鷄第七門族首領李萬全
及樹駮等族受勅書領袍帶等設誓其諸族猶負偏
疆見與寧州諸軍襲擊其次月戊申邠州折從阮言
奉詔討逐慶州野鷄族兼招携諸部族臣自前月興

二後招到樹駮等二十一族與勅書袍帶綵緞設酒
食令發誓詞盟約兼排列軍士圍繞今已和斷兼補
郝爽爲慶州牢城使又發龍捷一指揮赴寧州深州
言蕃界內來歸老小漸多任便諸處安置二月巳前
解州刺史鄭元昭爲慶州刺史充青白兩池推鹽制
置使廣順初以郭彥欽再刺慶州性瀆貨及擅加推
錢民夷流怨州北十五里寡婦山有蕃部日野鷄族
多羊馬彥欽作法擾之利其賂遺蕃情獷悍易爲不
法彥欽乃奏野鷄族暴盜掠奪綱商帝難於興師遣
使賫詔書撫慰望其率化蕃人旣苦彥欽惡政不時

報命或曰野鷄部族蕃落之最狡者宜以兵詰而誅之乃移陝帥折從阮鎮邠州又令寧州張建武會合環州皇甫進兵攻之建武勇於立功徑趨野鷄族帳追擊殺數百人其喜萬玉族折思族殺牛族者皆熟戶蕃人此無猜忌又殺牛素與野鷄族有憾且聞官軍討伐相聚餉饋欣然歛奉官軍利其財貨孳畜劫奪之翻爲諸族所誘至包山負險之地官軍不利被蕃人迫逐投崖墜澗而死者數百餘折從儉等以兵自保無相救應建武陷長男餘衆僅免帝怒彥欽及建武俱罷任彥欽至京師勒歸私第竟不得見建武左遷率府率是月元昭兩地摧鹽之任故特行制置以寧邊人

其月契丹降人僞授儒州晉山簿李著鄭縣簿王裔泰州司法劉裴等著賜比明經出身裔裴比學究出身

五月沁州和州縣民百四戶來奔遣於河中安置命節度使彥超分配居止撫安

六月勅大原來降嵐州錄事參軍丁守加朝散大夫試大理評事兼監察御史爲蔡州真陽令

世宗顯德元年正月詔自廣順元年後來幽州淮南

西川河東等界軍人百姓投降者累令安撫所在有無荒閒田土一任請射任佃爲永業西川接界久不通商今後一任來往只須所屬官吏防閑恐夾帶奸細

三月辛巳詔應公遼州府接近西州淮南契丹河東界處仰所在府州及巡簡使臣鈐轄兵士及邊上人戶不得侵擾外界及虜人畜務要靜守疆場勿令搔動其投來人戶仍仰倍加安撫

是月親征河東甲午次高平縣兵士解嚴詔河東降卒二千餘人各賜絹二疋並給衣裝義軍各絹一疋令還本部受賜者無不歡呼感泣

四月戊午僞遼州刺史張漢超待罪於行闕命釋之仍賜衣服鞍馬器備等甲子僞州防禦使董希願僞嵐州刺史郭言等詣行闕見帝命釋罪賜賚有差丙寅僞泌州刺史李廷誨見丁卯僞憲州刺史韓光愿見皆賜賚有差癸酉忻州僞監軍李就殺僞刺史趙臯及契丹大將楊耨姑來降尋以李就爲簡較司空忻州刺史仍遣使慰諭

是月討太原回詔河東及契丹敗散軍士其中有潛窟山谷間者並令招喚不得輒有傷害如是義軍百

姓便可放還本家若是軍人及諸色人並監送至駕前各與穩便安排遼沁二州新屬路府久陷賊境深可憫傷委本道節度使倍加安撫所有劉崇頌苛事件並與除放

二年九月甲午昭義節度使李筠遣牙將押送先擒到河東僞兵馬監押程友巳下二百餘人到闕帝皆赦之仍加賜賚

是日西南面招討使王景獲西川軍較姜暉巳下三百餘人來獻帝曰姜暉等悉是中朝將士昨拒王師盡力於僞主亦其忠也宜並赦之仍以錢帛賜之

閏九月潁州王言有淮南百姓邢盛等二人度淮而來言因失耕牛故來此尋覓本部以來自賊境奏稟朝旨帝曰率土之內皆吾民也豈以不庭之境便爲限隔宜速放還仍給官錢市牛與之

十一月以秦鳳卒詔秦城階等州歸明將士自長行已上等第支賜優給其官吏將較職員等並與加恩其中有西川人員除恩澤賞賜外加願駐留者厚與請受如願歸去者並給盤纏用慰衆情免違物性應捉到賊軍將較一切放罪並令押送赴闕各與恩澤自何里建等歸投西川已來訪聞管内州縣連歲飢

荒百姓軍人倍多勞役科歛頻併法令滋章既爲吾民宜革前弊今後除秋夏兩稅征科外應僞屬所立諸般科率名目及非理徭役一切停罷德音未該者宜令所司相次指揮

十二月辛卯右領衛將軍王繼清押僞鳳州節度使王環已下四十三人到闕帝赦其罪頒賜有差先是自興師西伐至收復秦鳳前後擒獲川軍凡數千人帝皆赦之仍給以袍袴糗糧署爲懷恩指揮繇是降卒無不感悅尋以環爲左驍衛大將軍仍以服玩鞍馬賜之

三年正月親征淮南壬子次永寧鎮帝謂侍臣曰壽州圍閉數月大軍暫退淮上如聞四面百姓徃日入城迴避者多來歸業今王師再舉慮其復入城中枉爲餓殍宜先告諭俾安其家乙卯次趙村軍士於戊邏間擒到敗卒數人帝問曰爾敗來數日何不走入壽州而乃日夜奔走周旋不離此地蓋心迷耳命釋其縛仍以袍袴賜之

二月丁亥僞左神衛軍使徐象等一十八人來降賜錦袍銀帶鞍馬緡帛有差

三月僞命光州都監張承翰以城歸順授承翰集州

刺史

是月賜楊光二州先歸順員沅張洪等三十五人錦袍銀帶

戊戌壽州城內天成軍使蔡暉來降賜錦袍銀帶錢絹等

壬戌壽州城內軍較陳元貞等一十三人及水砦副將李溫等竝來降賜物有差

是月命供奉官安洪道押江南進奉副使王崇質李德明等二人發赴金陵初吳人聞正陽之敗其氣已消矣又聞今上敗何延錫於渦口擒皇甫暉於滁州

雖懼覆亡之不暇乃遣鍾謨等奉表來上謨等因面奏云臣大國王願割壽濠泗楚光海六州之地隸於大朝仍歲貢百萬之數以助軍用請罷攻討及孫晟至所奏亦然上以淮南諸郡半爲我有復又諸將捷奏日聞於行在料其事勢可以盡取江北之地乃不許之德明等上見急攻壽陽慮頃刻不保乃奏云臣之保本國向來不知大朝兵力如是願陛下寬臣等五日之誅容臣自往江南取本國章表割江北諸郡盡獻于大朝上乃許其行因令賫璽書以賜李景書日頃自有唐失御天步方艱巢蔡喪亂之餘朱李戰

爭之後中夏多故六紀于茲海縣瓜分英豪鼎峙自
爲聲教各擅蒸黎連衡而交結四夷乘釁而憑陵上
國華風不競否運所鍾凡百有心孰不興憤朕猥承
先訓秦荷永圖德不迨於前王道未方於往古然而
擅一百州之富庶握三十萬之甲兵農戰交修士卒
樂甲思欲報累朝之宿怨刷萬姓之包羞是以踐位
以來懷安不暇破幽并之巨寇收秦鳳之全封兵不
告疲民有餘力一昨廻軍隴上問罪江干我實有辭
咎將安執朕親提金鼓尋渡淮淝上順天心下符人
欲前鋒所向彼寇無遺棄甲僵屍動盈川谷收城鉤
地已過滁陽豈有落其爪牙折其羽翼潰其心腹扼
其吭喉而能不亡者哉早者泗州主將遙送到書一
函尋又使人鍾謨李德明至賫所上表及貢奉衣服
腰帶金銀噐帛茶藥牛酒等近差健步進到第二表
今月十六日使人孫晟等至齋到第三表及進奉金
銀等到行朝深誠厚意觀其降身聽命引咎告窮所
謂君子見幾不俟終日苟非達識孰能若斯但以奮
武興戎所以討不服悖信明義所以來遠人五帝三
王盛德大業嘗用此道以正萬邦朕今躬統戎師奠
行討伐告于郊廟社稷詢于將相公卿天誘其衷國

無異論苟不能恢復外地自畫邊疆便議班師真同
戲劇則何以光祖宗之烈厭士庶之心匪徒違天兼
且睥睨但以淮南部內已定六州廬壽濠黃大軍悉
集指期尅日拉朽焚枯其餘數城非足介意必若盡
淮甸之土地爲大國之提封猶足遠圖豈同逃復如
此則江南吏卒悉遣放還江北軍民竝當留任免違
物類之性俾安鄉土之情至於削去尊稱願輸臣禮
非爲故事實有前規蕭答奉周不失附庸之道孫權
事魏自同藩國之儀古也雖然今則不取但存帝號
何爽歲寒倘堅事大之心終不迫人于險事實真感
詞匪枝游俟諸郡之悉來卽大軍之立罷質于天地
信若丹青我無彼欺爾無我詐言盡于此皆不須云
苟曰未然請從茲絕竊以陽春在候庶務縈思願無
廢於節宣更自期於愛重音塵匪遠風壤猶殊翹想
所深勞於夢寐又賜其將佐書曰朕自類禡典師麾
旄問罪絕長淮而電擊指建業以鷹揚旦夕之間克
捷相繼至若兵興之所自釁起之所來勝負之端倪
戎甲之次第不勞盡論必想具知近者金陵使人繼
來行闕追悔前事委質大朝非無謝咎之辭亦有罪
軍之請但以南邦之土地本中夏之封疆苟失克復

之期大孤朝野之望已興是役固不徒還必若自淮以南畫江爲界盡歸中國猶是遠圖所云願爲外臣乞比湖浙彼旣服義朕豈忍人必當別議封崇待以殊禮凡爾將佐各盡乃心善爲國家之謀勉擇嘗久之利

四月駐蹕于壽春城下以江南僞命嘗州刺史姚鳳爲左屯衛將軍是月前湖南節度使馬希崇昆仲凡十有七人自揚州來見賜衣物鞍馬錢帛各有差賜以希崇爲左羽林統軍又以淮南僞命揚州通句尙書虞部員外郎何幼冲爲工部郎中仍賜金紫

五月以僞命東都副留守工部侍郎馬延魯爲大府卿

六月詔以江北諸州縣有未收復處宜令行營大將明申招諭儻能知機歸順朝廷其向來各位當一切如故仍宣名藩大郡厚加旌賞其軍都自長行已上竝與優給其中願歸江南者亦聽自便

四年正月詔曰應淮南界南百姓宜令行營將較告報諸軍不得俘虜傷害

三月親征淮南壬寅賜收降到淮南將卒許文縝已下一萬五百二十四人分物有差

甲辰僞壽州節度使劉仁贍上表乞降丁未再差人
上表是日賜仁贍詔曰朕昨者再幸淮淝盡平諸砦
念一城之生靈久困重圍豁三面之疎網少寬疲瘵
果聞感義累貢來章卿受任江南鎮茲淮甸踰年固
守誠節不虧近代封疆之臣卿且無愧忠烈廻翔之
際不失事機萬民獲保於安全一境便期於舒泰卿
便可宣達恩信慰撫軍城將覲儀形良增欣沃覽奏
嘉獎再三在懷差東上閣門使張保績入城宣諭是
日仁贍遣其子崇讓上表請罪又賜詔曰朕臨御萬
邦推誠克已當五兵未戢雷霆宣震耀之功暨萬旅
投戈覆戴示生成之德况卿等受任本國保茲列藩
戮力邦家將帥嘗道救援不及廻翔得宜事主盡心
何罪之有已令宣諭當體優恩勉自保調無更疑慮
稱獎在念寤思不忘戊申帝率六師於壽州城北受
仁贍以下降將仁贍已抱疾帝令不拜慰勞久之仍
賜蟒衣玉帶御馬鞍轡金銀器皿錦綺綾羅等甚厚
又賜其子崇讓等四人及監軍使周廷構節度判官
鄭收營田副使孫羽等分物又賜其軍士錢絹米麥
各有差尋除仁贍天平軍節度使特進簡較大尉兼
中書令

壬子以江南僞命西北面行營監軍使舒州團練使
朱元爲蔡州防禦使文德殿使監軍使周廷構爲衛
尉卿壽州營田副使孫羽爲大僕卿節度判官鄭牧
爲鴻臚卿賞歸順也

四月辛未以江南僞命西北面行營應援使前永安
軍節度使簡較太尉許文縝爲簡較大尉左監門行
上將軍以僞命會西北面行營應援都軍使前武安軍
節度使簡較大傅邊槁爲簡較大傅左千右衛上將
軍仍各僉一子爲供奉官

五月賜許文縝邊鎬王環周廷構馬延魯鄭牧孫羽
等宅地各數畝又以材植緡錢等賜之俾構居第
八月又賜許文縝等各絹三百疋綿五百兩俾構時
服

十一月癸亥賜濠州降卒錢帛各有差

乙丑漣水縣僞雄武軍使知縣事崔萬迪以其縣來
降尋授萬迪瓊州刺史充開封府馬步軍都指揮使
仍以鞍馬金銀錢帛等物賜之

丙寅制以僞濠州團練使郭廷謂爲亳州防禦使以
僞濠州兵馬都監泰州團練使陳遷爲忻州團練使
以僞保義軍節度使陳承昭爲右監門衛上將軍仍

以錦袍金帶賜之

是日賜漣水縣歸降兵士衣物錢帛各有差

庚午僞濠州團練使郭廷謂已下詣行宮見帝優以待之咸厚加賜賚焉

十二月泗州守將范再遇以其城降尋授再遇簡較太保宿州團練使賜推誠化功臣仍厚賜加賚

五年五月甲寅韓令坤自揚州差人執江南僞閣門承旨李延祚來獻延祚稱奉李景命起遣江北人戶過江帝命釋之乃以錦袍賜焉

是月又賜海州捷到軍較卒伍錢帛有差

二月征淮南幸揚州辛酉僞天長軍使兼雄州刺史易贇及監軍使周暉已下詣行宮見尋以贇爲天雄軍節度行軍司馬以暉爲萊州團練副使咸加賜賚焉

三月己亥賜江南書云皇帝恭問江南國主劉承遇至齋到草表分割廬舒蘄黃等州畫江爲界兼重疊見謝者頃逢多事莫通玉帛之歡適自近年遂構干戈之後兩地之交兵未息蒸民之受弊斯多一昨再辱使人重尋前意將敷久要須盡縷陳今者承遇爰來封函復至請割州郡仍定封疆猥形信誓之詞備

認始終之意既能如是又復何求邊陲頓靜於烟塵
師旅便還於京闕永言欣慰深切誠懷其嘗潤一路
及汾江兵棹今已指揮抽退兼兩浙荆南水路將士
各降詔示竝令罷兵其廬黃斬三路將士亦遣抽拔
近外若彼中起揭逐處將員兵士及軍都家口了畢
只請差人勾喚在彼將較交割州城所有江內舟船
或慮上下須有往來已指揮只令就北岸牽駕盡合
披陳幸惟體認

是月命鹽城監使申屠諤齎書押御馬一十疋金
銀鞍轡一十副散馬四十疋羊千口賜江南國主李
景諤先爲王師所擒帝釋而歸之因令齎是以往又
命釋先擒到僞舒州刺史施仁望令歸江南仍加賜
賚焉

四月江南進奉使馮延巳已下辭歸賜延巳金器百
兩銀器五千兩絹五十疋錢五百萬緡馬四十蹄羊
二百口及僞副給事中田霖已下所賜各有差

五月降璽書賜李景云皇帝恭問江南國主竊以道
契昌隆撫有疆宇控朱方而定霸總澤國以稱雄五
嶺三江風聲自遠重光奕世基構無窮不有奇傑之
才孰副民庶之望朕猥以涼德奄宅中區接風壤以

非遙幸馬牛之相及引領南望久渴徽猷果契素誠
 獲親高義一昨繼勞使介頻奉好音方在行朝未遑
 報命近還宮闕合遣輅車俾伸玉帛之歡少答歲寒
 之意今遣太府卿馮延魯衛尉卿鍾謨管押持送仍
 賜景御衣四對金玉帶各一錦衣綺羅縠綾帛共十萬
 疋金器千兩銀器萬兩御馬五匹并金玉鞍馬散馬
 四百蹄羊五百口又賜其世子冀國信物稱是又賜
 絹十萬疋俾犒其師焉

六月辛未降璽書賜李景云朕居大寶之尊為萬邦
 之主體穹昊從人之意法禹湯罪已之心豁開襟懷

昭示寰海方務協和之德豈忘曠蕩之恩戴想融明

諒應鑒認相次收到江南諸軍員寮兵士四千六百
 八十七人今竝放歸自是命使臣七人分番押送赴
 迎鑿渡過江仍以資糧賜之南軍無不感悅

七月庚寅放江南天輝拔山長劍兵士七百餘人歸
 江南

十月甲午放刑部侍郎馮延魯左監門衛上將軍許
 文績右千牛衛上將軍邊鎬衛尉卿周廷構等竝放歸
 江南又勅淮南諸州舊隸江南者元置義軍宜竝放
 歸農

十二月庚辰江南生辰國信使曹翰辭上令齎璽書以賜李景云皇帝致書恭問江南國主星聚湖關挺生英哲命世既崇於基構承家撫有於江山顧寡昧之膺圖與君王之契協屬茲誕日遂舉舊章仍輟近臣往修國命導所懷於樂土期福履之無疆今差樞密承旨曹翰押生辰國信往彼到希見領仍賜景金銀器千兩錦綺繒帛二千疋御衣三襲玉帶二條名馬二十匹金銀鞍勒各一副

六年幸滄州四月壬辰至乾寧軍僞寧州刺史王洪率其部衆以城來降賜物有差尋授洪隨州刺史

五月幸瓦橋關以契丹僞州刺史高彥暉爲華州刺史以僞鄭州刺史劉楚信爲寧州刺史以僞關南巡簡使姚中斌爲汝州刺史皆賞歸順之智也

六月戊寅賜僞泉州節度使劉從効詔曰黃禹錫至省所上表歸附大朝兼於京都置邸務事具悉卿自保全土宇專養黎元立功早達於機權臨事固無於凝滯乃能望中原而內附陳方略以輸誠永言恭勤良多嘉獎爰自江南通和之後朝廷禮遇方深用恩信以綏懷俾寰區而是則兼以卿本道地隣江表嘗奉金陵遠有改圖理宜盡善如上都置邸與彼抗衡

雖百谷朝宗無以異也是時從効遣牙將蔡仲興為
商人間道至京師求置邸內屬

册府元龜

册府元龜

巡按福建監察御史臣李嗣京 訂正

知 閩 縣 事 一 臣 曹鼎臣 參閱

知 建 陽 縣 事 臣 黃國琦 較釋

帝王部 一百六十八

却貢獻

禹別九州以任土實周設九貢以致邦用量遠近之
宜制輕重之法各以所有陳之藝極諸侯述職非為
重弊也四海會同非寶遠物也歸於宰旅賦之以時
其或獻未有程人匪知禁或以奇而入貢或以貴而

庖廚徒罄下情靡資國用歷代王者知上之所好下

有甚者故斥之而不御還之而不有書於簡冊垂為

軌範茲亦有國之盛美也故錯綜其事於篇云

漢文帝時曾有獻千里馬者詔曰鸞旗在前屬車在

後鸞旗編以羽毛列繫轡旁載於車上大駕出吉行

陳於道而先行屬車相連屬而陳於後也

五十里朕乘千里馬獨先安之安之言何於是還馬

道里費而下詔曰朕不受獻也其令四方毋來來獻

後漢光武建武十三年異國有獻名馬者日行千里

又進寶劍價兼百金詔以馬駕鼓車劍賜騎士

是年詔曰往年已勅郡國異味不得有所御獻今猶

未止非徒有豫養導擇之勞豫養謂未至其時豫至

乃煩擾道上疲費過所其令太官勿復受太官令一

石掌御膳飲食明勅下以遠方口實所以薦宗廟自如舊制

口實膳羞之事也

章帝建初二年四月癸巳詔齊相省水統方空穀吹

綸絮統素也水言色鮮潔如水穀紗也方如也紗薄

如空也或曰空孔也即今之方目紗也齊有三

服官故詔齊相罷之

和帝時舊南海獻龍眼荔枝十里一置五里一塚南海

郡秦置今廣州縣也廣雅曰益智龍眼也交州記曰龍眼樹高五六丈似荔枝而小廣州記日子似荔枝

刑房... 却貢獻... 卷之...

而貞七月熟荔枝樹高五六丈大如桂樹實如鷄子
其而多汁安石榴有甜醋者至日禺中翕然而赤即
可食置
為驛也 奔騰阻險死者繼路時臨武長縣汝南唐羗

縣接南海 臨武縣屬桂陽 即今廣州縣也 乃上書陳狀元興元年帝

下詔曰遠國珍羞本以薦奉宗廟苟有傷害豈愛民
之本其勅太官勿復受珍繇是遂止焉 唐羗字伯游 辟公府補臨

武長縣接交州舊獻龍眼荔枝及生鮮獻之驛馬晝
夜傳送之至有遭虎狼毒害頓仆死亡不絕道徑臨

武羗乃上諫曰臣聞上不以滋味為德下不以貢獻
為功故天子食太牢為尊不以果木為珍伏見交趾

七郡獻生龍眼等鳥驚風發南州土溽惡蟲猛獸不
絕於路至於傷犯死亡之害死者不可復生來者猶

司救也此二物升獻未
必延年益壽帝從之

安帝永初五年二月詔省減郡國貢獻太官口食

順帝永建四年五月詔曰海內頗有災異朝廷修政

太官減膳珍玩不御而桂陽太守文龍不惟竭忠宜

暢本朝而遠獻大珠以求幸媚今封以還之

晉武帝咸寧四年十二月太醫司馬程據獻雉頭裘

帝以奇技異服曲禮所禁焚之於殿前勅內外敢有

犯者罪之

穆帝升平元年扶南天竺旃檀獻馴象詔曰昔先帝

以殊方異獸或為人患禁之今及其未至可令還本
國

後魏孝文太和二年八月詔罷諸州禽獸之貢

帝王部

六年三年行幸虎園詔曰虎狼猛暴食肉殘生取捕之日每多傷害既無所益損費良多從今勿復捕貢宣武永平二年十月郢州獻七寶床象牙席詔不納又龍驤將軍郢州刺史韓務獻七寶床象牙席詔曰晉武帝却雉頭裘朕嘗嘉之今務所獻亦此之流也奇麗之物有乖佩素可付其家人

孝明時城陽王徽為鎮軍將軍時戎馬在郊王師屢變徽以軍旅乏費上國封絹二千疋粟一萬石以助軍用帝不納

隋高祖開皇元年三月詔犬馬器玩口味不得獻上十五年六月相州刺史豆盧通貢綾文布焚之於朝堂

唐高祖武德元年十一月詔曰逸遊損德昔賢貽訓玩物喪志前典格言西旅獻葵邵公於是作誠東齊饋樂尼父所以離心隋末無道肆極奢靡內聘倡優之樂外崇耳目之娛冠蓋相望徵求不息公私擾遽徭費無窮朕受命君臨志在儉約日旰忘食昧爽求衣纂組珠璣皆云屏絕雕琢綺麗久從抑止其侏儒短節小馬痺牛異獸奇禽皆非實用諸有此獻悉宜停斷宣布遠邇咸使聞知

二年曷娑那可汗獻大珠帝曰珠信爲寶朕所寶者赤心耳何用珠爲竟不受

六年欽州總管寧長直獻大珠昆州刺史沈遜融州刺史歐陽世普象州刺史秦元賢竝獻筒中布建州刺史葉顥獻練布吳玉柱伏威獻竹帳帝以勞民皆不受之

九年九月突厥頡利獻馬三十匹羊萬口帝不受詔頡利所掠中國戶口者令歸之

太宗貞觀五年新羅獻女樂帝不受并五色鸚鵡各令將還本國

二十年五月高麗王藏及莫離支蓋金遣使來謝罪并獻二美女蓋金卽蘇文也帝謂其使曰歸語爾主美色者人之所重爾之所獻信爲佳治憫其離父母兄弟于本國留其身而忘其親愛吾若取其色而傷其心我不爲也竝還之

高宗永徽二年閏八月吐谷渾河源郡王慕容諾曷鉢遣使獻駿馬帝問其馬之種性對曰臣國中之最者所以獻之帝曰良馬人之所欲豈可輟彼不足而加我之有餘哉乃命還之

十一月詔曰弋獵畋游素非所好嘗謂此志布于遠

近而蕃夷有獻鷹犬者有阻來遠之情時復爲受示以不違其意其諸州及京官仍有訪求狗馬鷹鶴之類來進深非道理自今後更有進者必加罪責

咸亨二年五月周澄國遣使上表云訶迦國有白象首垂四牙身運五足象之所在其土必豐既有威靈又弭災患力兼十象強制百人以水洗牙飲之愈疾請發兵迎取以獻之帝謂使臣曰舜用漆器而人叛紂用玉杯而國亡此亦所費不多但是奢麗之漸不可啟也夫作法於儉其弊猶奢作法於奢豈能制止故聖人越席以昭儉茅茨以戒奢書云珍禽奇獸不育於國方知無益之源不可不遏朕安用奇象令其遠獻乃勞其使而遣之

儀鳳三年十月詔以來年正月幸東都劍南隴右諸州每年供進物一二年且停

開耀元年十二月吐火羅進金衣一領帝不受中宗神龍二年真臘國遣使表請往文單採光明珠玻黎玳瑁以獻手制不許

玄宗開元五年以康安國突騎施等貢獻多是珍異謂之曰朕所重惟穀所寶惟賢不作無益之費不貴遠方之物故錦繡珠玉焚於殿庭車渠瑪瑙總賜者

冊府元龜 却貢獻 卷之百六十八
國今之進獻未識朕懷宜收其情百中留一計價
答務從優厚餘竝却還是年突騎施遣使獻橐駝及
馬降書謂曰卿遠貢忠信請獻駝馬朕玄默爲神淡
泊爲德稅彼部落則有勞費已勅有司不令輒受深
領厚意宜體至懷

七年二月癸未勅伊州歲貢年支米一萬石宜停
肅宗至德二年六月戊寅帝降誕日公卿以下咸以
進獻帝以行在竝不受

乾元元年四月詔曰諸使應進鷹鶻狗納等一切竝
停

元年建卯月制諸道貢獻除馬畜供軍之外其餘鷹
鶻狗納奇禽異獸竝不得輒進

代宗廣德二年七月停饒州進乳米

德宗以大曆十四年五月卽位閏五月丙子詔曰天
下州府及新羅渤海歲貢鷹鶻者皆罷旣來者所在
放之

戊寅詔曰山南之枇杷江南之苾橘歲次第貢者取
一次以供廟享餘皆罷之

是月癸未詔曰劍南歲貢生歲酒十斛罷之

六月己亥朔詔諸州府祥瑞珍禽異獸鷹犬之類奇

器異服錦繡珠玉等竝不得輒有進獻

已未詔曰揚州每歲以端午之日鑄貢鏡於江中者及幽州歲貢麝香皆罷之

七月辛巳商州歲貢獼膠罷之

十月詔九成宮歲貢立獸爐炭襄州貢蔗蕪及種蔣之工皆罷之

建中元年四月癸丑德宗降誕之日也先是元日南至端午及降誕之日四方競貢獻者數千萬及是帝以爲非故事皆不納淄青節度使李正己魏博節度使田悅各獻綾三萬疋悉以歸度支以代租稅妃父王景仙駙馬高怡獻金銅佛像以爲帝壽帝謂使曰有爲功德吾不欲悉還之

興元元年正月癸酉帝在奉天行在宮受朝賀大赦改元制諸道貢獻自非供宗廟軍國之用一切竝停順宗以貞元二十一年正月卽位二月甲子詔諸州府嘗貢外不得別進錢物金銀器皿奇綾異錦雕文刻鏤之類若已發在路者竝納在藏庫

已丑停鹽鐵使月造錢舊鹽鐵錢物悉入正庫以助經費其後主此務者稍以時市珍玩時新物充進獻欲以求恩澤後益甚進錢物謂之羨餘而經入益少

及貞元遂月獻焉謂之月進及是而罷

憲宗永貞元年九月襄州節度使于頔進鷹詔却歸之
元和元年八月韓全義之子進女樂八人竝入見帝
曰吾方節約以訓天下官中妓樂尙有出之者此獻
何爲遂不受

六年四月以張茂昭妓樂女子四十七人歸之

八年九月淄青節度使李師道進鶻十二命還之

十年九月勅澤潞及鳳翔天威軍每進鷄子旣傷物
性又勞人力宜停進

是歲王師討淮蔡諸侯皆貢財助軍太子賓客于頔

進銀七千兩金五千兩玉帶二詔不納復還

十一年三月詔諸道今年端午進奉宜權停

十月勅兩路兵戈尙未寧息眷言供億每慮勞煩將
贍軍需必資省用其今年賀冬來年賀正進奉宜並停
十二年二月勅今年端午進奉宜權停

八月己巳處州刺史苗稷進助軍錢絹及鞋等詔曰
天下成敗固有嘗規刺史進錢因非舊典恐爲後例
弊及疲民言念于茲義在隱惻其苗稷所進助軍錢
絹共二萬六千疋端麻鞋一萬量宜却還本州苗稷
將代貧下戶差稅箭一萬隻令付本道都團練使收

官

辛未勅伐叛興師久勞于外饋軍給費固已爲煩獻賀之儀屢至諒非朕志務從簡約式表憂勤其今年冬至及來年元日諸司諸道進奉宜停

十三年四月劔南西川奏南詔請貢獻助軍牛羊奴婢等帝發詔褒美不令進獻

十四年六月巳酉韓弘進女樂十人命還賜之

癸丑又進女妓二十人命放歸本道

穆宗以元和十五年正月卽位三月罷中州歲貢茶以數少勞人從觀察使李程之請也

長慶三年正月詔應緣御服及器用在淮南兩浙宣歙等道供進竝端午降誕嘗例進獻者一切權停并鷹犬之類除備蒐狩餘一切放之

十月停浙東每年進淡菜及海蚶等

四年三月壬子詔天下嘗貢之外更不得別有進獻縱節度觀察使入朝亦不得進奉諸道監軍自今以後在本道竝入奏竝不得進獻天下所貢奇綾異錦雕文刻鏤一事以上有涉踰制者悉皆禁斷鷹犬之流本備蒐狩委所司量留多少其餘竝解放仍勅州府更不用進來

七月左金吾衛大將軍李祐進馬一百五十四匹詔還之

敬宗寶曆元年六月乙酉詔公主郡王自今以後無得進女口

文宗以寶曆二年十一月卽位是月鳳翔府淮南進女樂二十四人放還本道

太和元年三月右軍中尉梁守謙奏請致仕獻馬五十匹玉帶五十條銀器五擔勅竝不受

四年二月尚書左丞王起進亡兄播銀壺瓶百枚玉及通天犀帶各一條刀劍各一口器杖一副馬二匹私白身三人有詔止令受銀瓶刀劍器杖及馬其白身却還却日重進復不受旋命中使就宅宣白身三人更不用進來

七年五月東川浙東奏准詔立春後造新茶

是月吳蜀更以盛冬進貢帝深務仁儉逆物之時凡諸道非時而貢者詔皆禁絕

八年九月詔應進奉口味時果進獻之外不得廣爲般次煩于郵傳

開成元年正月詔諸道賀正端午降誕賀冬進奉起今權停三年其錢充折放百姓兩稅所在除藥物

味茶果外不得輒有進獻百司及諸道應宜索製造
一物已上竝停

二月勅諸道應以禽鳥吹犬等上獻者依舊節例權
停三年所進監軍嘗進者如例

十二月勅河東每年進蒲萄酒西川進春酒竝宜停
三年六月諸道征鎮各奏准詔停進奉以放貧下戶
租稅

宣宗初魏謩爲戶部侍郎平章事時詹毗國獻象其
以其性不安中土請還其使帝從之

大中七年二月興元進犀牛有詔還之

哀帝天祐二年六月以福建每年進橄欖子勅曰禹
別九州秦分百郡勉務隨方之職須資利物之源朕
所以鄙蒟醬於漢朝慕菁茅於周室用爲儆戒以省
征徭福建一道遠在海隅嘗勤土貢每年所進橄欖
子頗甚勞役往來本因閩豎生長甌閩自爲耽愛率
令供進以爲定規况非薦熟之珍仍異厥包之禮雖
彰忠盡無濟闕如每年但供進臘面茶外不要進奉
橄欖子永爲嘗例

後唐莊宗同光元年十一月勅朕太平國患顯紹帝
圖廓天地之妖氛救生靈之塗炭方懷至理永保鴻

休敦去華務實之規成革故從新之化足可塞僥倖
之路絕繁費之源協我無私告爾有位應隨處官吏
務局員寮諸軍將較等如聞前例各有進獻直貢奏
章不唯褻瀆于朝廷實且傍滋於誅斂速宜止絕以
肅風化

明宗卽位初勅曰八表來王蓋率朝宗之義四方述
職咸遵任土之宜苟獻奉之過嘗固煩費而滋甚將
隆景運以俟雍熙但思於碎枕焚裘豈悅于珍禽異
寶德宜從儉法在鼎新起今後中外臣寮藩部牧伯
時節獻賀量事達情不得掊斂生靈致令愁嘆鷹犬
之類勿有進獻

同光改元天成下制曰征賦上供國之嘗典別因進獻
懼削生靈應節度防禦等使除四正至端午及降誕
四節量事達情自於內庫圓融不得輒科百姓其四
州刺史不要貢奉

長興二年九月辛亥勅曰馳騁畋獵聖人每抑其心
奇獸珍禽明王不畜於國朕猥將寡薄虔奉宗祧覽
前代之興亡思昔人之取捨所以尋頒明詔遍諭遐
方推好生惡殺之仁罷鵬鸚鷹鷓之貢一則杜盤遊
之漸一則遂飛走之情近日諸色人不稟詔條頻獻

鷹隼既不能守茲近勅則何以示彼後人頗謂踰遠
須行止絕其五方見在鷹隼之類竝宜就山林解放
此後諸色人等竝不得輒將進獻仰閤門使凡有此
色貢奉表章不得引進

三年二月帝謂侍臣曰自今後行幸處宜令止絕進
奉是月河東節度使石敬瑭進玉帶光潤異嘗帝謂
之曰朕不少此物復以賜卿敬瑭拜獻數四方受劫
日賜以良馬

是月藥彥稠進迴鶻可汗先遣使送金裝胡鞞遺秦
王爲黨項所掠至是獲之而獻帝曰此物已經剽掠
况曾曉諭凡破賊所獲軍中自收今後却賜彥稠所
貴示人以信彥稠又進納黨項所劫迴鶻玉二團尋
却賜之

十月癸酉湖南馬希範荆南高從誨竝進銀及茶所
上章各稱與強寇比隣長資防捍希宣賜戰馬以助
軍容帝曰湖南接淮寇請馬爲宜荆南在內地何煩
設備趙延壽奏曰藩臣求馬不宜受直請還其獻量馬
馬數十匹帝曰然乃賜希範馬五十匹從誨二十匹
還其獻

十一月宣旨在京臣寮不得進奉賀長至馬及物色

末帝清泰元年七月萊毫陳汾四州刺史丁審琪而下各進馬賀中宮受冊詔不納

二年五月詔曰朕聞奇伎淫巧增費損功古先哲王嘗戒其事朕憲章百代臨御萬方以其欲致延鴻必絕驕奢之漸將期富庶須除蠹耗之源每務實以去華期化民而成俗近者諸色進奉寶裝龍鳳雕鏤刺作組織之異旣經釐革尚敢踰違宜再舉行貴於遵守今後此色物諸處不得進奉所繇司不得輒通晉高祖天福二年四月詔下北京留守石重貴凡有諸道禮物不得收留

四年六月陳郡民王武穿地得黃金數餅州牧取而貢之帝曰宿藏之地旣非符寶不合入官命付所獲之家

九月勅曰朕恭已臨民虛心求理務崇儉約以致和平乃眷臣寮悉懷忠義每觀貢助備見傾輸雖嘉奉上之誠宜示酌中之道其寒食七夕重陽及十月煖帳內外羣后進獻宜停

五年四月詔罷雒陽京兆進苑園瓜菓憫勞人也

六年正月詔曰朕自御寰區每思黎庶貴除聚斂以活疲羸訪聞遐僻邊境之州或無公廨利用之物每

因節序亦備於貢輸輟官吏之俸錢率鄉園之人戶雖云奉上其奈害公今後冬年寒食端午天和節及諸色謝賀所屬州縣處俱不得進奉

周太祖廣順元年正月庚辰御札宣示羣臣曰朕以眇末之身託王公之上深懼弗類撫躬匪遑豈可化未及人而過自奉養道未方古而不知節量與其耗費以勞人曷若儉約而克已昨者所頒赦令已達至懷宮闔服御之所須悉從減損珍巧織奇之厥貢竝使寢停尙有未該再宜條舉應天下州縣舊貢滋味食饌之物所宜除減其兩浙進細酒海味薑瓜湖南

枕子茶乳糖白沙糖橄欖子鎮州高公米水梨易定粟子河東白杜梨米粉菜豆粉玉屑粹子麵末興玉田紅花秔米新大麥麵興平蘇小栗子華州麝香粉羊角熊膽獺肝朱柿熊白河中樹紅棗五味子輕錫同州石鏃餅晉絳葡萄黃消梨陝府鳳栖梨襄州紫薑新筍橘子安州折粳米糟味青州水梨河陽諸雜菓子許州御李子鄭州新筍鶯梨懷州寒食杏仁申州蘘荷亳州草薺汧淮州郡淮白魚如聞此等之物雖卽出於土產亦有取于民家未免勞煩率多糜費至時奔迫以來獻逐歲收歛以爲嘗所奉止于朕躬

所損被于厖庶加之力役負荷馳驅道途積于有司之中甚爲無用之物此而不止孰曰知微其嘗貢上件物色今後竝不許進奉諸州府更有舊例所進食味其未該者宜奏取進止此外猶有數處時新之物不敢全罷蓋或奉于太后薦于祖宗苟至悉除恐陳嘗敬告于中外宜副朕心帝嘗于便殿謂樞密使王俊曰語云飢者不厭糟糠寒者不厭短褐是知充飲禦寒取足而已存理路者亦不可以貴賤易其操朕少孤微艱辛備歷逢時喪亂享帝王之位安敢過自奉養以困黎民卿可爲予疏錄前代州府所獻滋味時菓之類不便于民者一切減省之故有是詔

二月鄭州吳處裕言州貢除新筭鷲梨之外今進櫻桃勅命不該令取進止勅此後勿獻

二年十月右叅議大夫裴吳右監門大將軍李崇本皆自兩浙使迴見進綾絹犀牙帝以海路艱險使臣復命不欲更令進貢却令賜之

十二月邠州侯章獻銀千兩馬七匹上壽不納又進請開宴絹千疋銀五百兩太祖顧侍臣曰諸侯入朝帝王自備宴以申魚水之樂豈俟貢奉然後致宴其侯章所進請開宴銀絹宜却賜之今後諸侯入朝更

有如此進奉亦當不受

三年正月甲子前安州節度使王令温進開宴絹五百疋教坊二百疋不納

二月前鄧州節度張彥成獻錢七千萬請開宴不納
四月丁巳鳳翔節度趙暉進奉錢絹請開宴不納

壬申前同州節度使薛懷讓進請開宴錢一百萬不納

八月戊申邢州節度劉詞獻開宴錢不納

十一月甲辰兩浙回使千牛大將軍賈延勳副使大府少卿李玘等千牛將軍安崇贊獻犀牙綾絹不納

世宗顯德元年正月通事舍人王演高麗復命進黑水馬新羅刀劍不納

六年三月巳酉迴鶻到闕進玉及礪砂皆不納所入馬量給價時帝以玉之爲用無濟于軍國故因而却之

冊府元龜

高祖皇帝命

册府元龜

巡按福建監察御史臣李嗣京 訂正

知甌寧縣事 臣孫以敬參閱

知建陽縣事 臣黃國琦較釋

帝王部 一百六十九

納貢獻

夫貢之不供國有嘗典獻或無藝人必告勞是故王者取彼樂輸嘉其奉上宰旅歸其時事王府受其底貢大則謂之述職小則會其時事是以無有遠邇賦以重輕既靡嘆于無時亦曷謂其勿受故禮曰各以

所有傳曰史不絕書故始則列于遷實終則資于國用其或守土者聚斂為德希寵者悉索其賦雖甚盛德猶或忽諸徵于前篇蓋亦有矣斯則明識者可俯而觀也

漢高帝十二年十月帝過沛留置酒十餘日乃去沛

中虛縣皆之邑西獻 獻中酒也之往也皆往邑西境有獻故縣中空無人

後漢明帝永平十一年灤湖出黃金盧江太守以獻

灤湖有金廬州合肥縣東南漢音子小切

章帝建初七年十月岐山得銅器形似酒罇獻之

魏陳留王咸熙元年六月鎮西將軍衛瓘上雍州刺

史成都縣獲璧玉印各一印文似成信字 孫盛以為公孫述自

以起成都號曰成二玉之文殆述所作也

唐高祖武德元年十二月乙亥豐州總管張良遜獻

醜耳馬二匹

二年十月涼州刺史安脩仁獻百年蘇云餌之可延

壽

玄宗天寶元年五月平涼郡獲古鐵鼎獻之

九月益州獻三熟蠶繭紫白淨與春蠶不殊

代宗永泰二年山南西道節度使梁州刺史張獻成

獻名馬二匹絲絹雜貨共計十萬

大曆二年二月汴宋節度使田神功至自汴州獻馬十匹金銀器五十床繒綵一萬疋

六月山南劍南副元帥黃門侍郎平章事杜鴻漸自成都府召至鴻漸獻金銀器五十床錦羅十五床麝香臍五石

德宗貞元元年十二月戶部奏今年見到貢物總二百五十六州府

十一年齊暎爲江西都團練觀察使暎嘗自以爲相無大過當復入用乃多進獻及爲金銀器以希旨先是禁中銀餅大者高五尺餘及李兼爲江西觀察使又獻高六尺者至是年帝降誕日及端午暎獻高八尺餘者

十二年宣歙團練使劉贊卒贊初委選副使嚴綬政事多所咨訪贊卒綬掌留務竭府藏以進獻繇是有恩入拜尚書刑部員外郎天下賓佐貢獻專達自綬始也未幾河東節度使李悅嬰疾事曠弛行軍司馬鄭儋代總軍政選綬代儋爲司馬遷簡較司封郎中是時姑息四方諸侯未嘗移代物故卽以其軍司馬爲帥德宗嘗嘉綬之前日進獻記其姓名故驟蒙遷任未一歲儋卒拜綬銀青光祿大夫簡較工部尚書

兼太原尹御史大夫北都留守充河東節度度支

田觀察處置等使

興元初克復京師後府藏空虛諸道之有進奉以資經費復時有宣

索其後諸賦既平朝廷無事嘗賦之外進奉不息韋
臯劍南有日進李兼江西有月進杜亞揚州劉贊宣
州王緯李錡浙西皆競為進奉以固恩澤貢入之奉
皆曰臣於正稅外方圓亦曰羨餘節度觀察使或託
言密旨乘此盜貿官物諸道謫罰官吏刻削祿廩入
其財通津遠道者稅之蒔蔬藝果者稅之死亡者稅
之節度觀察交代或先期稅入以為進奉然十獻其
二三耳其餘沒入者不可勝紀也其後裴肅為嘗州
刺史乃鬻薪炭貨案牘日價之上皆規利焉歲餘進
奉無幾遷浙東觀察使天下刺史進奉自裴肅始劉
贊卒於宣州嚴綬為判官領軍府資用進奉無幾徵
拜刑部員外郎天下判官進奉自嚴綬始天下貢賦
根本既出江淮時江淮
人甚困而聚歛不息

十七年衢州刺史鄭式瞻進絹五千疋銀二千兩帝

日式瞻坐事已詔御史按問進物宜付左藏庫

憲宗元和四年四月命中使劉承謙宣副度支近有

勅文不盡進奉其山南東道節度使裴筠所進銀器

六十事共一千五百六兩宜准數收管送納左藏庫

八年八月汴州節度使韓弘進絹五百疋

九月淮西節度使吳少陽獻征馬三百匹

十三年四月荆南節度使王諤之子稷進承寧里宅

及宣義里亭子時議以諤起兵間因緣際會累居大

鎮厚殖財貨營第宅頗逾侈又請京兆府籍坊以廣

亭榭朝廷業以優待姑容其專既沒而入於官司因

其所也

十四年五月涇原節度使王潛進銀三千兩熟絹綾

五千疋

涇州密邇戎境其上無百姓其軍皆仰給度支舊矣至若無名上獻雖吳蜀沃富猶取諸

人以于媚不免于譏責今則盜削軍食以充貢獻而求恩澤蓋以時急於財勢使然也

七月宣武軍節度使韓弘進絹二十五萬疋純三萬

疋銀器二百七十事左右軍中尉各進錢一萬貫馬

二匹

自淮右宿兵以來度支鹽鐵及四方進獻不已始曰助軍寇平則曰賀禮其后又曰助賞設及

帝加尊號又陳獻賀之禮

九月考功郎蕭祐詣右銀臺進古今書畫二十卷

穆宗以元和十五年正月即位八月澤潞節度使辛

秘進絀七頭五坊使進絀八頭非嘗獻也

十二月江西觀察使王仲舒進臘日箭三千隻非嘗

例也

長慶元年三月范陽節度使劉總進馬一萬五千匹

二年九月鄜坊節度使崔從上言當管軍士因斷薪

得古銅器十四面有篆文隨表獻之

十二月韓弘孫紹宗進亡祖白身口五人馬十四乘

馳十頭絹五千疋銀二千錠及器物刀劍弓箭等

三年二月西川段文昌進繒羅等四千八百疋

敬宗以長慶四年正月即位二月庚子西川節度使

杜元穎進罽畫打球衣五百事

八月淮南節度使王播進宣索銀粧奩二百五

十月淮南淮西又各進宣索銀粧奩三

寶曆元年六月以簡較右僕射兼戶部尚書薛平
簡較司空兼河中尹御史大夫充河中節度觀察使
華理青齊有政績時論方洽及是進絹萬疋旋有此
拜議者甚惜

十月荆南節度使王潛於賀冬進獻嘗數外別進絹
一萬七千疋

是月昭義監軍使進豹三頭

十二月荆南節度使王潛又進賀正嘗進外別貢綾
絹一萬疋

二年七月鹽鐵使王播進羨餘絹五十萬疋

十月幽州節度使李載義進馬腦鞍一具

十一月昭義節度使劉從諫進貂三頭

文宗太和元年三月太原節度使李種進宣索馬鞍
一百具奉先朝之命也四方諸色貢獻類是者衆不
復舉

三年十月故鄆州烏重胤男從弘奏請進助南郊絹
一萬疋生馬一百匹請降中使交領

五年正月詔天下方鎮端午進奉雜絲匹緞等從今後並令進生白綾絹

八年十一月太原節度使李載義進楊志誠馬千匹

懿宗咸通七年七月沙州節度使張義朝進其峻山

青骹鷹四聯延慶節馬二匹吐蕃女子二人僧曇延

進大乘百法明門論

僖宗光啟元年閏三月鎮州王鎔進耕牛一千頭戎

器九千三百事

昭宗乾寧元年正月鳳翔李茂貞來朝獻妓女三十

人

天祐元年十二月廣州劉隱進佛哲國訶陵國羅越

國所貢香藥

後唐莊宗同光元年十一月偽永平軍節度使張筠

遣其弟籤

即蘭切

進馬三十匹銀二千兩御衣千段

是月宿州朱保誣進本朝十二列聖寫真及玄宗封

泰山圖

二年正月鳳翔節度使李茂貞進龍鳳玉帶

是月涇原節度使李曦進寶裝針珥錦絲於皇后宮

及河南尹張全義諸藩鎮進暖殿物貢羊馬等

二月福建節度使王審知遣使奉貢

三月淮南楊溥遣其右威衛上將軍許確進賀郊天銀二千兩錦綺羅一千二百疋細茶五百斤象牙四株犀角十株

五月故秦王李茂貞遣使王修進遺留禮物水晶鞍盤龍玉帶馬瑙酒盃翡翠爵琉璃瓶玳瑁唾盃銀蓮花座珊瑚樹一株軍器繒絲錦等

九月兩浙錢鏐遣使錢詢貢方物銀器越綾吳綾越絹龍鳳衣絲鞋屐子進萬壽節金器盤龍鳳錦織成紅羅縠袍襖衫段五色長連衣段綾絹金稜祕色藥器銀裝花欄木廚子金排方盤龍帶御衣白龍瑙紅

地龍鳳錦被紅藤龍鳳箱等

十月湖南進羅浮柑子福建節度使王審知進萬壽節并賀皇太后到京金銀象牙犀珠香藥金裝寶帶錦文織成菩薩幡等

是月湖南馬殷進萬壽節銀龍鳳陷花漆浴斛一盤龍御衣龍鳳蹙金鞞腰龍鳳裝箭箠龍鳳朱背弓紅絲弦金鍍頭箭銀千兩又安義孔勅進寶裝酒器

十二月淮南吳國王楊溥遣使王權進賀正金花銀器錦絲千段御衣金器洎太后禮物

三年二月桂州馬賁貢方物

是月車駕在鄴庚午皇后劉氏生辰王都樞密使各進上壽物錦綵金銀器又河中李繼麟進縑銀爲宴資又湖南馬殷進羅浮棋子

五月吳越王錢鏐獻孔雀二又淮南吳越國王遣使王浩獻重午物銀錦紗縠細茶篔簹扇龍鳳紗紋厨諸州府各貢端午物

九月徐州進九練神鋼刀劍各一

十月兩淮錢鏐留後錢元瓘蘇州節度錢元璠各貢進金銀錦綺數千件御服犀帶九經書史漢唐書共四百二十三卷

四年正月鎮州知州梁文矩奏准宣進花果樹栽及樂官梅審鐸等并已赴闕

是月兩浙錢鏐貢佛頭螺子青一山螺子青十婆羅石蟹子四空青四其表不題又沙州節度使曹義全進謝賜旌節官誥玉鞍馬二玉團礪砂散玉鞍轡具安西白氍胡錦雄黃波斯國紅地松樹眠楊胡桐淚金星舉大鷲沙

二月沙州曹義全進和市馬百匹羚羊角礪砂犛牛尾又進皇后白玉符金青符白玉獅子指環金剛杵瓜州刺史慕容歸盈貢馬

明宗天成元年五月西都知府張筠進魏王纒炭打
毬馬七十二匹

九月壬申河中進百司紙三萬張詔紙二萬張舊制
也

十一月戊辰戶部侍郎王權奏每年正仗天下貢物
陳于殿庭屬戶部司引進切以近年以來未甚齊整
本二百餘州貢物今止六十餘州伏以任土勤王本
朝故事與申尊獎所謂駿奔伏乞遍下諸州請依舊
式陳進正仗之日所貴整齊從之

是月淮南僞吳主楊溥遣使魯思鄖來賀帝登極持
銀千兩金百兩綾一千二百疋茶三百觔受之

二年四月吳主楊溥差右威衛將軍雷峴進銀千兩
綾羅錦綺千疋修重午之禮

九月潞王從珂鎮河中進青氍帳一頂制度極廣并
隨帳諸物竝金銀裝雕鏤龍鳳甚有奇功帝嘉賞之
十月帝將幸汴州潞王從珂自河中間大駕巡幸進
銀裝逍遙子一頂

十一月福建節度使王延鈞進犀牙香藥海味等

三年五月西川進助大禮錢五十萬白熟布十萬疋
十月前北京皇城使李繼中弟姪三人進馬二百五

匹金器八百兩銀萬兩家機錦百疋白羅三百疋綾三千疋絹三千疋繼中者故昭義帥嗣昭之子少有心疾其母楊夫人自潞州積聚百萬輦于荊州私第繼韜之叛沒之于官莊宗南郊助太平賞給繼韜伏法其母又輦及晉者餘百兩至楊氏卒其弟湘州刺史繼能潞府司馬繼襲聞哀俱至繼中等詣官告變繼能繼襲伏法弟姪等遂得分其所聚故有是獻十一月安重誨以生辰諸處人事得馬五十四匹進充內廐

四年正月青州于登州岸得風飄到新羅船進其寶

貨

五月甲午東川進助南郊錢十萬貫

八月乙丑兩浙錢鏐使袁韜進銀五千兩茶二萬七千斤謝恩加其諸子官

十月戊戌福建王延鈞進謝恩銀器六千五百兩金器一百兩錦綺羅共三千疋并犀牙玳瑁真珠龍腦笏扇白氎紅氎香藥等又進謝恩進封母爲魯國大夫人銀四千五百兩茶蕉海蛤通櫛箭等

長興元年五月靈武進野駝峯二枚

十月福建王延鈞進賀郊禮畢銀七千兩及蕉牙香

藥金器百兩

三年三月西京奏百姓侯可洪于楊廣城內掘得玉四團差三橋鎮使朱廷義呈進賜廷義絹二十疋可洪等絹二百疋別賜價錢二百貫

四年十月己巳夏州李彛超進馬五十匹

是月前秦州節度使劉仲殷受代歸京獻馬七十匹廢帝清泰元年五月壬戌平盧軍節度使房知溫來朝及與諸將歸鎮宴于長春殿始奏樂知溫獻奉數萬計

七月辛丑前邠州節度使康福入朝獻金龍鞍勒馬十一匹

九月辛酉兩浙錢元瓘獻銀五千兩綾絹五千疋又元瓘弟蘇州中吳軍節度使元球及諸弟領安南桂廣節度使元球等四人共貢銀七千兩綾絹七千疋十月丙戌皇子河南尹重美洋王從璋涇王從敏宣徽使李專美獻煖帳羊酒爐餅火具襄州趙在禮獻青氊帳紅錦織成龍鳳煖帳

甲寅河南尹重美又獻冬服綿綺綾羅三百疋

十二月戊戌靈武張希崇獻拒霜壘三疋馬十八匹控鶴都指揮使李重謙獻馬十匹時征馬少親將首

率也

二年九月甲寅兩浙貢茶香綾絹三萬六千計

是月杭州錢元瓘進銀綾絹各五千兩疋錦綺五百
連金花食器二千兩金稜祕色磁器二百事

是年靜海軍節度使錢元珣中吳軍錢元球各貢銀
綾羅器物等

十月己巳鎮州董溫琪獻御服羅錦絹三百疋銀一
千兩非禮也言貢奉可也

十一月乙未前靈武節度使張希崇入朝獻馬五十
匹玉團隴右地圖斜褐羆牛尾野馬皮拒霜菜

晉高祖天福二年二月丙戌故晉州節度使張敬達
母朱氏進銀器馳馬謝恩賜還舊業

丁酉故青州節度使房知溫子彥儒進絹一萬疋
四月戊子房彥儒又進絹五千疋

己酉秦州康福進戰馬十匹供御馬一匹玉鞍轡一
副

是年幽州趙思溫進端午鞍馬器四緣帛等物

是年襄州安從進進謝恩加官絹一千疋金一千兩
銀一千兩犀三株牙一株

九月鎮州安重榮進馬三十四

十月宋州趙在禮進織成龍鳳紅錦煖帳一副
是月吳越王錢元瓘進銀五千兩絹四千疋吳越吳
紋綾一千疋羅二百疋又進金帶御衣雜寶茶器金
銀裝創并細紅甲寶裝弓箭弩等又進雜細香藥一
千斤牙五株真珠二十斤茶五萬斤

十一月甲寅前涇州李德充進戰馬三十四匹犂牛四頭
丁巳襄州安從進進絹一千疋馬二十匹

十二月丙申宋州趙在禮進助國絹三千疋

辛丑湖南馬希範進銀二千兩賀日南至

乙丑又進金漆栢木銀裝起突龍鳳茶床椅子踏床

子紅羅金銀錦繡褥紅絲網子又進金銀玳瑁白檀
香器四及銀結條假果花樹龍鳳蠻畫鼓等物又進
含膏桃源洞白茅百靈藤渠江南嶽紫蓋峰白雲洞
清花等茶又進蟬翼鍾乳乳頭香石亭脂木瓜丸一萬
顆帝覽之謂侍臣曰奇巧蕩心斯何用耳藥茗可造
而尤可食乎但地僻海曲習以成風來遠之道遽止
爲難宜令所司與收

三年正月壬戌昭義軍杜重威進助國馬二十四匹銀五
百兩玉帶五條

五月己巳招討使楊光遠進謝恩加官馬十四匹絹一

千疋銀器一千兩

六月丁丑鄆州安審琦進謝恩加官馬十匹銀五百兩絲一千兩絹五百疋

丁亥河中安審信進謝恩加官馬三十匹

壬寅荆南節度使高從誨進謝恩加官馬二十四銀二千兩

甲辰陝府李從敏進謝恩加官馬十匹錢一萬貫

是月北京留守安彥威進加官馬一十四匹錢三千貫

七月庚戌西京留守李周進謝恩加官馬一十四銀二千兩鎮州安重榮進謝恩加官馬十匹絹二千疋

八月丁丑秦州節度使康福進謝恩加官銀五百兩馬三十匹

乙未鳳翔李從暉進謝恩册授秦王馬五十匹

九月乙丑鄆州安審琦進添都馬五十四匹徐州裴從簡直進馬三十匹

又亳州團練使郎萬全直進馬二十五匹

丁丑滄州馬全節進御衣織成紅錦床褥雜色綾二千疋綿五千兩

十月乙亥福建節度使王繼恭進奉天和節竝賀冬端午銀共五十兩

是月王繼恭又進金器六事二百兩金花細縷銀器三千兩真珠二十斤犀三十株銀裝交床五十副牙二十株又進大茶八十斤香藥一萬斤朱笥銀纏槍二百條通節箭筈三萬莖又進五色桐皮扇子海蛤屨靴細蕉藥木瓜等物

丁丑范延光差男守節守嚴等進謝恩累差使臣安撫馬三十匹銀一千兩絹三十二疋

乙酉青州王建立進謝恩賜冊禮銀器一千兩縑帛二十疋

丙戌兩浙錢元瓘進謝恩除天下兵馬副元帥吳越國王金器五百兩銀一萬兩吳越異紋綾八千疋金條紗三千疋絹二萬疋綿九萬兩大茶腦源茶共六萬四千斤又進大排方通犀瑞象腰帶

戊子前鄆州安審琦進絹三千疋絲萬兩兩浙錢元瓘又進真珠二十斤牙三十株乾姜五萬斤蘇木五萬斤雜香五十斤

辛卯宋州趙在禮進助國錢二萬貫

丙申魏府楊光遠進謝恩允臣朝覲馬三匹絹一千疋玉腰帶金酒器等又進謝恩賜旌節官誥馬五匹絹一千疋銀器三百兩新授晉昌安審琦進謝恩賜

旌節官誥馬二匹絹一千疋又進請開內宴金履帶一條絲一萬兩樂官絹二百疋

壬寅徐州葛從簡進錢一千貫絹一千疋

是月鎮州安重榮進錢一萬貫

十一月乙巳鄆州范延光來朝進馬三千匹絹二千疋銀二千兩

丙午又進請開內宴絹一千疋伶官絹二百疋定州皇甫遇進絹三千疋

丁未范延光又進絲十萬兩耀州團練使安元信進漆都馬二十五匹

甲寅新授西京留守楊光遠進謝恩馬三十匹銀器三百兩絹一千疋

丁巳鄴都副留守太子太師致仕范延光進謝恩馬十匹絹一千疋玉腰帶一條金匣盛金酒器一副

壬申前西京留守高行周進絹一千疋馬十匹十二月己卯新授鄴都留守高行周進謝恩馬十匹絹一千疋銀器三百兩內宴錢一萬貫

乙酉湖南馬希範進御輦一乘金漆栢木鏤金花板銀裝真珠車渠紅絲網囊又進謝恩除江南諸道都統絹二千疋又進謝改功臣加食邑銀鈔羅四十百

重二千兩又進土絹土純吉貝布共三千疋謝恩
免逐年三十五萬茶稅又進麩金五十兩
五年二月戊申湖南進卧輦一乘御衣一襲與鳳文
之靴龍王之帶

六年八月甲寅湖南遣使進金銀器及方物

十月己丑吳越王錢元鑑進金帶一條金器三百兩
銀八千兩綾三千疋絹二萬疋金條紗五百疋綿五
萬兩茶三萬斤謝恩加守尚書令

辛卯又進象牙諸色香藥軍器金裝茶床金銀稜
器細茶法酒事件萬餘

甲午湖南貢諸色香藥蠟面含膏茶

壬子福州王延義遣使進銀四千兩象牙二十株葛
五十疋乾姜蕉乳香沉香玳瑁諸物謝恩加官別進
端午節銀一千兩細葛二十疋海蛤靴裁扇子等物
又進茶五千斤福建兩浙隔閩淮南陸道不通歲以
海船來往風濤無嘗故凡節度申貢或先時或不及
時也

癸丑福建進度支戶部商稅葛八千八百八十疋

十一月戊午殿中監劉政思進竹牛角五對

壬申荆南遣使進金器一百兩御衣段羅綾絹一百

五十疋白龍腦香二斤九練純網金花手劍二口
恩賜御馬別進賀冬至銀五百兩

巳卯殿中省進麝香熊膽熊躡從舊制也

丁酉湖南遣使獻吉貝等三千疋白蠟一萬斤朱砂
五百斤并諸香藥五千餘斤別進漆萬餘事

七年三月戊寅涇州節度使張彥澤到闕進朝見謝
恩馬九匹又進馬五十匹并銀鞍轡黑漆銀錢子馬
面人鐵甲弓箭箭袋渾銀裝劍共五十副又進駱駝二
十頭

巳卯又進馬五十匹供御金鍍銀鞍轡一副

庚辰又進馬五十匹金鞍轡全人馬甲弓箭各五十
副彥澤在前任擅討吐蕃部族爲其所敗遂括境內馬
千餘匹以補其數至是頻有是獻

四月巳巳新授龍武軍大將軍張彥澤進謝恩馬十
匹

五月甲申朔荆南遣使進賀端午白金茜緋篋扇等
物

少帝以天福七年七月卽位十一月兩浙錢弘佐遣使進
鋌銀五千兩絹五千疋絲一萬兩謝恩封吳越國王
又貢細甲弓弩箭扇子等又貢蘇木二萬斤乾薑三

萬斤茶二萬五千斤及祕色鼈器鞋履細酒糟薑紙等廻鶻托都督已下進礪砂千八百斤犛牛尾一千斤白布一萬疋斜褐一百段玉梳玉裝刀子等物十二月福建王延義遣使進錠銀二千兩花鼓六面謝降恩命又進象牙十株紅蕉二百疋蟬紗二百疋餅香沉香煎香共六百斤胡椒六百斤肉豆蔻三百斤箭幹二萬隻謝賜國信又進錠銀四千兩貢蕉二十疋海蛤十斤扇子靴裁具等充端午天和節正冬獻賀又直進錠銀一千兩葛一萬疋細蕉二百疋粉薑五千斤象牙十株蠟二面茶二百斤大茶五千斤又

進鹽鐵度支戶部三司葛一萬六千六百疋及諸口味等

八年十月鎮州節度使杜重威直進馬五十四

十一月密州刺史張瓘奏膠西縣孝行鄉諸城村百姓于希得蛇吐珠一顆進之時無慰答亦無錫賚議者非之

開運二年十月湖南進供御細絹六千疋衣着白羅一百疋筒卷白羅十疋錦綺襖面十牀錦綺背十合淮南進羅縠一百疋謝恩賜御馬

三年九月前青州防禦使翟光業進絹一千疋綿三

千兩絲七千兩

十月河府侯益進馬五十匹

是月陝府焦繼勳進馬四十匹絹一千疋

是月華州安審信進馬四十匹太子太師致仕劉景巖進馬三十匹鳳翔李從儼進馬四十匹

十月兩浙錢弘佐進謝恩授守太尉冊命銀五千兩綾五千疋絹一萬疋又茶一萬八百斤腦源茶三萬四千斤又進乳香黃散香共一千斤又進乾薑三萬斤蘇木三萬斤箭筈一萬莖諸色戎仗等物又進啟聖節金大排方座龍腰帶一條御衣一襲十六事金花銀器一千五百兩御服錦綺綾羅五百疋

漢高祖天福十二年荆南高從誨賀登極進金花銀器一千兩異紋綺錦法錦三百疋筒卷白羅二百疋白花羅一百疋絨毛暖座兩枚九練純鋼手刀一口乾祐元年六月壬寅高從誨貢金器二百兩銀器千兩細綿五十疋繡錦六銖五十段羅二百疋龍腦二斤以首過自新故書

十月丁酉湖南馬希廣貢除夜遊春圖女俠畫障真珠枕及端午金銀彫裝物色帝年未及冠服玩好奢嘗爲七寶枕玉枕玉缸餅盤之類而湖湘貢侈物益

蕩其心

十一月兩浙貢茶二萬四千斤及香藥兵仗湖南貢茶五萬斤

十二月癸未史弘肇獻錢萬緡馬二十匹以助軍討叛

又朗州節度馬希萼獻銀器千五百兩降詔獎飾仍諭之云所修職貢舊有規程念航深梯險之勞重違卿意在誘善勸忠之道本實朕心今後凡有進獻可與希廣商量庶叶雍和不爽體制

二年九月壬寅湖南馬希廣獻絹二萬疋銀一萬五千兩玳瑁寶裝龍鳳板床盤龍椅子蹋床子銀戲龍二銀食器六十八事真珠花銀果子其銀共千兩是年宰相侍衛使三司使以犬戎犯河朔獻馬自三匹至二十匹

周太祖廣順元年正月荆南高保融貢銀一千兩法錦二十疋賀登極

癸巳寒食節帝出玄化門設御幄遙拜諸陵開封府袁義獻熟羊酒食

丁巳宰臣馮道已下獻馬賀皇太子授鎮寧軍節度使

已未昭義嘗思貢錢三十萬賀太子鎮澶州又貢進
錢二千五百貫布二千五百疋粟七千石故史弘肇
弟弘福貢馬五匹綿絲五百疋謝禮塋兄弘肇漢末
弘肇楊邠王章遇害帝葬以王禮喪事竝官給

四月宰臣樞密宣徽使各獻馬賀冊德妃荆南高保
融貢銀二千兩謝加恩別進請開宴絹一千疋金酒器
重五十兩素羅花羅花穀子各百疋長金線絨毛暖
十二

壬子兗州慕容彥超獻龍鳳鞍轡御馬縑帛賀冊德
妃高保融又貢端午銀絹青干扇等

五月甲子鎮州武行德來朝獻粟二萬石

七月邠州侯章進馬三十四

甲申慕容彥超上章謝賜西京興教坊第一區長男
衙內指揮使繼勳遙領明州刺史次男繼雲轉官進
絹千疋絲三千兩別進永壽節祝壽絹二千疋
十二月荆南獻銀五百兩慕容彥超獻馬二匹皆貢
正也

二年三月鄆州高行周進助軍絹五千疋并戎裝器
仗五百事

四月丁未潞州襄垣縣民張絡先等八人詣闕獻羊

酒以除放去年殘稅謝恩也

五月車駕親征兗州次曹州鄭孔璋獻銀射盤百隻衣著三百疋鄆澶宋許四鎮各獻茶藥

是月甲子旦次成武鄆州高行周自鎮來朝貢絹三十疋及器械單州許進來朝獻食丙寅次張康鎮徐州王晏來朝進馬七匹戊寅青州節度使符彥卿來朝獻馬十三匹己卯又進錦綵三千疋軍糧萬石

六月丁亥迴次鄆州高行周進錢絹請開宴又進車駕巡幸絹五千疋錢五百萬戊子宴于行宮行周以金酒器鞍馬爲壽辛卯次澶濮滑州扈彥珂來朝王殷獻馬十匹三千金酒器

八月昭義節度使嘗思來朝獻絹三千疋銀千兩粟二萬斛草三萬圍

九月戊午故高行周男前鄆州衙內指揮使高懷德進馬五十五匹

壬戌靈武節度使留後馮繼業獻馬百匹謝帛祭定州造所獲契丹馬六千一百匹

十一月甲寅兩浙錢弘俶遣判官貢奉御衣犀帶金銀裝兵仗金銀器綾絹茶香藥物祕色麈器鞍履海味酒等涼州申師厚進馬一百一十六匹詔還其直

開廐使史孔福獻馬謝却賜涇州物產

十二月鄭州防禦使王進以迎侍母親到郡獻馬
恩進母先往易州離兵革失其所在近於北蕃訪獲
而歸之故喜而稱謝

戊子邠州侯章罷鎮至闕獻馬百匹絹五千疋

三年正月樞密使王峻獻戰馬二十匹宰臣獻三司
李穀所傷臂漸損難任拜起進朝見馬親除天平軍
節度使符彥卿進謝近鎮馬十匹帛二十疋及軍器
等

丁卯朗州獻茶二萬斤宰臣樞密官三徽內諸司使禁
軍將較諸藩鎮皆進奉賀皇子嘉禮

二月延州衙內指揮使高紹基獻馬四十二匹紹基
父死擅知軍政潛有覬望及軍屯近鎮故懼而獻者
三月又獻馬五十匹駝三十頭銀千兩金器百兩
三月高懷德進絹三千疋銀三千兩金酒器六副
十五匹勅賜亡父行周謚及立碑

四月丙寅宋州節度使嘗思入朝獻縑銀匹兩各二
千五百大純綾五百疋又鳳翔趙暉來朝進馬一百
一十七匹絹五千疋銀五千兩賜襲金帶又西涼府
節度使牛師厚遣都知兵馬使拓跋貞美等四十九

人朝貢馳馬又鳳翔趙暉進牽橈官衙隊一百九十
五又進絹三千疋金三百兩

五月甲申宴于廣政殿宋州嘗思獻上壽金酒器同
州薛懷讓獻銀五百兩馬五匹

十一月乙巳襄州安審琦獻銀萬兩助郊祭

乙亥兩浙錢弘俶貢謝恩綾絹二萬八千疋銀器六
千兩綿五萬兩茶三萬五十斤御衣兩襲通犀帶戲
龍金帶香藥龕器銀裝甲仗法酒海味等

戊寅涇州節度使史懿朝見獻馳馬二百銀千兩
癸卯鄭州防禦使王萬敢獻助郊祭絹二千疋

六年六月大名府王殷貢絹萬疋絳州何祿進獻供
用羅綺二千五百疋荆南高保融進白龍腦法錦金
酒器紅六銖段五十白羅花羅熟縠鹿胎袴段六銖
襜面等各一百九練神鋼陷金銀刀劍各一
十二月辛亥諸州府進南郊助祭鞍馬綵帛金銀等
世宗顯德三年二月丁亥荆南節度使高保融進御
衣金帶九練純鋼手刀弓箭等

十一月丙辰吳越王錢俶進銀五千兩綾一萬疋又
進天清節金花銀器千五百兩又御服金帶錦綺綾
羅等

五年二月幸揚州壬申吳越王錢俶進御衣犀帶綾絹白金香藥等又進供軍稻米二十萬石

四月吳越王錢俶進綾絹各二萬疋銀一萬兩稱謝恩賜國信

閏七月癸丑吳越王錢俶遣使朝貢進銀五千兩絹二萬疋銀器三千兩細衣段二千連又御衣盤龍犀帶等

八月吳越王錢俶進銀五千兩絹萬疋稱賀車駕還京又進龍舩一隻天祿舩一隻皆以白金飾之帝幸新河亭命宰臣及從官已下觀吳越所進龍舟時京師庶士觀者如堵

十一月吳越王錢俶進茶三萬四千八百斤綿五萬兩及香藥器甲等

十二月吳越王錢俶進銀五千兩絹三萬疋綿十萬兩稱謝恩賜國信又進賀正錢一千貫絹一千疋

冊府元龜

帝王部

卷之二百六十九

二十七

國計又盡實

巡王給財數

藥器甲等

王給財數

冊府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國奇較釋

帝王部 一百七十

來遠

古者天子守在四夷修其教不易其俗故曰率土之濱莫非王臣要在其勞來安輯示以洪覆日月攸燭咸俾遂性者粵自舜敷文德聿來不庭柔服之道於茲著矣三代而下威惠並舉用捨有術然緩懷撫接

務廣仁恕其揆一也故有漸諸聲教列於侯服悅以
 玩好用示羈縻或因其款塞處之善地或恤其懷土
 俾還所屬始乃敦諭犒勞接以賓儀終乃優秩厚幣
 申之恩紀至于拯濟災暴教育艱辛振厥匱乏通其
 貿易惠周於存沒德柔於荒絕是故重譯而至咸仰
 其序實聖人之鴻化也

舜命禹征有苗三旬苗民逆命

旬十日也以師臨之
一月不服肯舜不先

有文誥之命威讓之辭而使憚
之以威脅之以兵所以生亂

益贊于禹曰惟德動

天無遠弗届

贊佐届至也益以比義
佐禹欲其修德致遠

滿招損謙受益

時乃天道

自滿者人損之自謙者
人益之是天之道

帝初于歷山往于

田日號泣于旻天于父母

仁覆憫下謂之旻天言舜
初耕于歷山之時為父母

所疾日號泣于旻天及父
母克已自責不責于人

負罪引慝祇載見替瞽瞍

夔齊慄替瞽亦允若

慝惡載事也夔夔悚懼之貌言
舜負罪引惡以事見于父悚慄

齋莊暇亦信順之言
能以至誠感頑父

至誠感神矧兹有苗

誠和矧况
也至和感

乎况有苗
然之遂還師兵入

禹拜昌言曰俞班師振旅

昌當也以益言
為當故拜受而

帝乃誕敷文德

遠人不服夫布
文德以來之

干羽于兩階

干楯羽翳也皆舞者所執修闢文
德舞文舞于賓主階間抑武事也

七旬

有苗格

討而不服不討自來明御之者必有道三苗
之國左洞庭右彭蠡在荒服之列去京師三

千五百里

漢高祖初封須無為陸量侯詔以為列諸侯自置吏

令長受命長沙王

秦始皇本紀所謂陸量地取為桂林郡者也

武帝元狩二年秋匈奴渾邪王盡將其眾渡河降者

數萬人號稱十萬既至長安天子所賞賜數十年萬

封渾邪王萬戶為潔陰侯

潔陰平原縣潔陰

封其裨王呼毒

尼為下靡侯

呼毒尼胡王名

雁疵

音唐

禽黎為河綦侯

一作鳥黎

大當戶調雖為嘗樂侯

一作柵雖

四年夏大將軍衛青將四將軍擊走單于於幕北先

是衛尉張騫坐後期贖為庶人帝數問騫大夏之屬

騫既失侯因曰臣居匈奴中間烏孫王號昆莫昆莫

父難兜本與大月氏俱在祁連燉煌間小國大月氏

攻殺之昆莫後攻破大月氏大月氏西走昆莫因留

居今單于新困於漢而昆莫地空蠻夷戀故地又貪

漢物誠以此宜厚賂烏孫招以東居故地漢遣公主

為夫人結昆弟其勢宜聽

言事勢聽從於漢

則是斷匈奴右

臂也既連烏孫自其西大夏之屬皆可招來而為外

臣天子以為然拜騫為中郎將將三百人馬各二匹

牛羊以萬數齎金幣帛直千鉅萬多持節副使

為騫副而

各令持節

道可便遣之旁國騫既至烏孫致賜論指

以天子意

指曉告之

未能得其決騫即分遣副使使大宛康居月氏

大夏烏孫發道譯送騫

道讀日導

與烏孫使數十人馬數

來遠

十匹與騫相隨而因令窺漢知其廣大騫還拜為大

行歲餘騫卒後歲餘其所遣副使通大夏之屬者皆

頗與其人俱來於是西北國始通於漢矣又帝遣從

票侯乃趙破擊破姑師虜樓蘭王而大宛諸國發使

隨漢使來是時帝方數巡狩海上迺悉從外國客大

都多人所過處散財帛賞賜厚具饒給之以覽視漢

富厚焉視讀曰示言示大角氏氏丁禮切出奇戲諸

怪物多聚觀者聚都邑人來觀者以行賞賜酒池肉

林命外國客徧觀各倉庫府藏之積欲以見漢廣大

傾駭之見顯及加眩者之工角氏奇戲歲增變其益

典自此始而外國使更來更去遞互來去前後大宛

以西皆自恃遠尚驕恣未可遽以禮羈縻而使也

宣帝神爵二年五月置金城屬國以處降羗

三年匈奴日逐王畔單于將眾來降護鄯善以西使

者鄭吉迎之既至漢封日逐王為歸德侯吉為安遠

侯乃因使吉并護北道號曰都護

甘露二年十二月呼韓邪單于款五原塞款叩願朝

三年正月會正旦之帝遣車騎都尉韓昌迎發過所

七郡郡二千騎為陳道上所過之郡每為發兵陳單

于正月朝天子于甘泉宮留月餘遣歸國遣長樂衛

將軍

帝王部

尉高昌侯董忠車騎都尉韓昌將騎一萬六千又發
遼郡士馬以數千送單于出朔方鷄鹿塞

在朔方
潭縣北

哀帝建平四年匈奴烏珠留單于願朝五年時帝被
疾或言從上游來厭人自黃龍竟寧時單于朝中國
輒有大故帝繇是難之以問公卿亦以爲虛費府帑
可且勿許單于使辭去未發黃門郎揚雄上書諫之
書奏帝寤焉召匈奴使者更報單于書而許之單于
未發會疾復使使願朝明年故事單于朝從各王以
下及從者二百餘人單于又上書言蒙天子神靈人
民盛壯願從五百人入朝以明天子盛德皆許之

後漢光武建武六年令歸德侯劉廙使南匈奴匈奴
亦遣使來獻帝復令中郎將韓統報命賂遺金幣以
通舊好而單于驕踞自此冒頓對使者辭語悖慢帝
待之如初

二十五年十月夫餘王遣使奉貢帝厚答報之於是
使命遂通

明帝卽位西羌燒何豪有婦人比銅鉗者年百餘歲
多智筭爲種人所信皆從取計策時爲盧水胡所
比銅鉗乃將其衆來依郡縣種人頗有犯法者臨
長收繫比銅鉗而誅殺其種六七百人帝憐之乃下

詔曰昔桓公伐我而無仁惠故春秋貶曰齊人今國
 家無德恩不及遠羸弱何辜而當并命夫長平之暴
 非帝者之功咎繇太守長吏妄加殘戮比銅錡尚生
 者所在致醫藥養視今招其種人若欲歸故地者厚
 遣送之其小種若束手自詣欲効功者皆除其罪若
 有逆謀為吏所捕而獄狀未斷悉以賜有功者
 和帝永元三年北單于弟左鹿蠡王於除鞮自立為
 單于眾八部二萬餘人來歸蒲類海上遣使款塞以
 耿夔為中郎將持節衛護之

桓帝延熹元年十二月南單于諸部並畔遂與烏桓

鮮卑寇緣邊九郡以張奐為北中郎將討之單于諸
 部悉降奐以單于不能統理國事乃拘之止立左谷

蠡王帝詔曰春秋大居正車兒一心向化何罪而黜

其遣還庭臣欽若等曰車兒單于名也

魏文帝黃初三年三月鄯善龜茲于闐遣使奉獻詔

曰西戎即叙氏羗來王詩書美之頃者西域外夷並

款塞內附塞門東欽邛也從服其遣使者撫勞之是後西域遂

通置戊巳較尉

明帝景初二年六月倭女王遣大夫難升來等詣帶
 方郡求見天子朝獻太守劉夏遣吏將送詣京都其

年十二月詔書報倭女王曰詔制親魏倭王卑彌呼帶方太守劉夏遣使送汝大夫難升米次使都市牛利奉汝所獻男生口四人女生口六人斑布二丈二尺以到汝所在踰遠乃遣使貢獻是汝之忠孝我其哀汝今以汝爲親魏倭王假金印紫綬裝封付帶方太守假授汝其綏撫種人勉爲孝順汝來使難升米牛利涉遠道路勤勞今以難升米爲率善中郎將牛利爲率善較尉假銀印青綬引見勞賜遣還今以絳地交龍錦五疋絳地縐粟蜀十張舊絳五十疋緝青五十疋答汝所獻貢直又特賜汝緝地勾文錦三疋細斑華蜀五張白絹五十疋金八兩五尺刀二口銅鏡百枚真珠鉛丹各五十斤皆裝封付難升米牛利還到錄受悉可以示汝國中人使知國家哀汝故鄭重賜汝好物也至齊王正始元年太守弓遵遣建中較尉梯雋等奉詔書印綬詣倭國拜假倭王并齋詔賜金帛錦蜀刀鏡絲物倭王因使上表答謝詔恩後魏太武太延二年二月遣使者十餘輩詣高麗東夷諸國詔諭之

文成和平元年六月河西叛胡詣長安首罪遣使者安慰之

獻文時伊吾王唐契子玄達性果毅有父風與叔父和歸闕俱爲上客拜安西將軍晉昌公

孝文時爾朱新興居於爾朱川世爲酋長帝以爲右將軍及遷雒後特聽冬朝京師夏歸部落

延興五年蠕蠕求通婚娉有司以其數犯邊請絕其使發兵討之帝曰蠕蠕譬若禽獸貪而無義朕要以誠信待物不可抑絕也

太和元年蠕蠕遣使來獻良馬貂裘其使稱伏承天朝珍寶華麗甚積求一觀之乃勅有司出御府珍玩金玉文綵器物御廐文馬奇異禽獸及人間所宜用

者列之市肆令其歷觀其使曰大國富麗一生所未見也

宣武延昌三年十月詔驍騎將軍馬義舒喻蠕蠕

孝明神龜元年三月秦州氏反遣龍驤將軍崔襲持節喻之

正光元年十二月壬子詔曰蠕蠕王阿那瓌遭罹冠禍遠來投庇邦分衆折猶無定主而永懷北風思還綏集啟訴情切良用愍然夫存亡恤敗自古通典可差國使及彼前後三分與阿那瓌相隨并勅懷朔都督簡驍騎二千躬自率護送達境首令親接招納

彼候迎宜錫箱篚車馬之屬務使優降禮餞而還如不容受任聽還闕其行裝資遣付尚書量給
隋高祖時突厥雍虞間與玷厥舉兵攻染干盡殺其兄弟子姪遂渡河入蔚州染干夜以五騎與隋使長孫晟歸朝上令染干與雍虞間使者因頭特勒相辯詰染干辭直上乃厚待之又雍虞間弟都速六棄其妻子與突利歸朝帝嘉之勅染干與都速六檣蒲稍輸以瑤物用慰其心開皇末契丹別部四千餘家背突厥來降帝方與突厥和好重失遠人之心悉令給糧還本蕃勅突厥撫納之固辭不去

煬帝大業三年親巡雲中八月幸啟民可汗所居先是高麗私通使啟民所啟民推誠奉國不敢隱境外之交是日將高麗使人見勅令牛弘宣旨諭之曰朕以啟民誠心奉國故親至其所明年當往涿郡爾還日語高麗王知宜早來朝勿自疑懼存育之禮當同於啟民如或不朝必將啟民巡行彼土使人甚懼
九月至東都黃門侍郎裴矩以蠻夷朝貢者多諷帝令都下大戲徵四方奇技異藝陳於端門街衣錦綺珥金翠者數萬人勒百官及居民士女列坐棚閣而縱觀焉皆被服鮮麗終月乃罷又令三市店肆皆設

幃帳盛酒食遣掌藩率蠻夷與民貨易所至之處悉令邀延就坐醉飽而散蠻夷嗟嘆謂中國爲神仙也十一年春正月乙卯大會蠻夷魚龍曼延之樂頒賜之各有差

唐高祖武德二年閏二月詔曰畫野分疆山川限其內外遐荒絕域刑政殊於函夏是以昔王御世懷柔遠人義在羈縻無取臣屬渠搜卽叙表夏后之成功越裳重譯美周邦之長筭有隋季世黷武耀兵萬乘疲於河源三年伐於遼外構怨連禍力屈貨殫朕祗膺寶圖撫臨四極悅近來遠追革前弊要荒藩服宜

與和親其吐谷澤已修職貢高句麗遠送誠款契丹靺鞨咸求內附因而鎮撫允合機宜分命行人就申好睦靜亂息民於是乎在布告天下明知朕意

五年賜高麗王建武書曰朕恭膺寶命君臨率土祗順三靈柔懷萬國普天之下情均撫字日月所炤咸使人安王旣統攝遼左世居藩服思稟正朔遠修職貢故遣使者跋涉山川中布懇誠朕甚嘉輯方今六合寧宴四海清平玉帛旣通道路無壅方申輯睦永敦聘好各保疆場豈非盛美但隋氏季年連兵構難攻戰之所各失其萌遂使骨肉乖離室家分析多歷

年歲怨曠不申今二國通和義無阻絕在此所有高麗人等已令追括隨即遣送彼處有此國人者王可放還務盡綏育之方共弘仁恕之道於是建武悉搜括華人以賓禮相送前後至者萬數帝大喜

七年七月康國曹國竝遣使來朝高祖以二國遠至勞之甚厚康國使者羅什支頓首曰陛下聖德遠被臣故不遠萬里曹國使者曰臣本國以臣爲健兒聞秦王神武願在麾下高祖大悅因厚遇之

太宗貞觀元年以百濟爲高麗閉其道路又與新羅世爲讐敵數相侵伐賜其玉璽書曰王世爲君長撫有東蕃海隅遐曠風濤難阻忠款之至職貢相尋尙想徽猷甚以嘉慰朕自祇承寵命君臨區宇思弘正道愛育黎元舟車所通風雨所及期之遂性咸使人安新羅王金真平朕之蕃臣王之隣國每聞遣師征討不息阻兵安忍殊乖所望朕已對王姪信福及高麗新羅使令具勅通和咸許輯睦王必須忘彼前怨識朕本懷共篤隣情卽停兵革因遣使奉表陳謝十月阿史那社爾朱欵塞歸附爾朱突厥處羅可汗第二子也其叔故吉利曠於用兵頡利旣敗其部下立社爾爲都布可汗以逼延陀太宗嘉其忠節授左

驍衛大將軍妻以南陽長公主拜駙馬都尉

十四年三月流鬼國遣使朝貢其國去京師萬五千里南與莫設靺鞨隣接未嘗通聘中國至是三重譯而來帝嘉其遠慕朝化以其使餘志爲騎尉

十九年七月詔曰西戎賢相寵光秦册北夷嗣子榮珥漢貂羈以長纓用表玄功之大掩茲宏綱式昭天覆之博高麗位頭大兄理大夫後部軍主高延壽大兄前部軍主高惠真等并馬韓酋長鯤海英髦分義景於扶桑數鍾天厭竊封疆於孤竹自貽神怒臨危轉禍率衆來降申有膝行之敬成其面縛之禮向風

舉踵良足可嘉咸宜收其俊才嗣烏官於鄉子錄其成效映龜組於梅銷延壽可鴻臚卿惠真可司農卿二十年十二月戊寅鐵勒迴紇俟利發等諸姓並詣闕朝見帝謂之曰汝來歸我領得安存猶如鼠之得窟魚之得水不知夫我窟及水能容汝否縱令不能容受我必爲汝大作窟深作水以容受汝等又云蒼蠅之飛不過一二尺及附驥尾日行千里何以致然爲所托處遠我今爲天下主無問中國及四夷皆養活之不安者我必令安不樂者我必令樂還如驥之受蠅隨其遠近不勞蠅身自然遠去

是月庚辰宴迴紇等于芳蘭殿恩賜甚渥仍勅所司加禮供給每五日一會

二十一年正月以鐵勒迴紇部置瀚海都督置金微都督府拔野右部置幽陵都督府同羅部置龜林都督府思結部置盧山都督府吐渾部置臯蘭州斛薩部置高闕州奚結部置鷄鹿山阿鐵部置鷄鹿州契苾羽部置榆溪州思結部置蹕林州白霄部置寘顏州鐵勒等諸部其渠帥各率所部歸附竝列地爲州卽其酋長爲刺史其都督竝給玄金魚金字先是帝擊破突厥其蕃望子弟多授以侍衛之官沙漠之人

素愛錦罽帝旣招來遐域將賜其所好者因錦文所用舊縷而錯綜其色花葉翔走事各殊形或將班賜近蕃酋首大爲榮寵鐵勒等之來也帝賜其金銀器物及綾錦各有數帝又親賫其緋黃地瑞錦標領袍鐵勒等覩而驚駭以爲未嘗聞見捧戴拜謝盤卧於塵埃中及還帝御天成殿陳十部樂宴而遣之設高坵於殿前置銀罇於坵上自左內閣潛流酒泉通坵脚而涌入殿前罇中又置大銀盆其實百斛傾罇注於盆中鐵勒數十人不飲其半雜類驚駭私相謂曰天子賜我曹此罇還部落中傾之豈不嘗足酒也又

詔文武品已上令外厨給酒藏於尚書都堂以餼之
廻紇等奏奴身僻在遠野無人之地歸身聖化天至
尊賜與奴等官職雜物殺身不能以報奴等既爲百
姓於天至尊處往來向父母邊一種總請於廻紇以
南突厥以北開一道呼爲參天至尊道乃詔司徒長
孫無忌司空房玄齡等與共籌之宜逐水草量置郵
驛總六十八所各有群馬酒肉以供過使并請解作
文奏人擬爲表疏每歲貢貂皮以充賦

是月西趙首領趙磨率所部萬餘戶內附以其地爲
明州

二十二年西蕃沙鉢羅葉護率衆歸附以其侯斤屈
裴祿爲忠武將軍

四月西寶厥泥伏沙鉢羅葉護阿史那賀魯率衆內
屬於庭州拜爲左驍衛大將軍賜其所部緡帛有差
高宗龍朔三年六月戊申遣左武衛大將軍蘇定方
率兵往涼州以安集吐谷渾

咸亨三年二月吐谷渾慕容諾曷鉢部落自涼州徙

於鄯州浩豐

浩音間
豐音門

河之南發兵以送之既屬吐蕃

熾盛諾曷鉢不安其居又鄯州地窄尋徙於靈州之
境置安樂州以諾曷鉢爲刺史其吐谷渾故地並沒

于吐蕃

九月置靜州以處內附黨項部落

儀鳳二年二月工部員外尚書高臧加授遼州都督封朝鮮郡王遣歸遼東以安輯高麗餘衆先有編附諸州高麗悉放還本蕃司農卿扶餘隆爲光祿大夫太嘗員外卿加授熊津州都督帶方郡王亦令安輯百濟餘衆仍移安東都護府于新城以統之時百濟本地荒毀特令寄於高麗之境

中宗卽位遣侍御史張行岌往招慰靺鞨渤海郡王大祚榮

玄宗先天二年遣郎將崔訢往册拜渤海大祚榮左驍衛員外大將軍渤海郡王仍以其所統爲汗州都督自是每歲遣使朝賀

開元二年正月癸巳奚饒樂郡王李大酺等來朝帝謂之曰卿等爲朕外蕃欵誠夙著爰初內屬職貢相仍徃緣任寄非才拙于綏撫因使卿等猜貳頗成阻絕而能不忘本翻然改圖所覽獻書具知至懇大酺將尚縣主矢和又遣近親竝自邊隅同臻維邑朕今與卿等相見喜慰良深

閏二月突厥默啜之壻大拔頡利發各阿異失與其

妻來奔封燕山郡授左衛員外大將軍許于澤潯州
編附

六月丁卯北庭大都護瀚海軍使那獻臬都擔首獻
於闐下并擒其孥及胡祿等部落五萬餘帳內屬帝
降書謂獻曰十姓部落比多款附葛爾都擔獨爲背
誕卿以忠果令其討伐遂斬首喪元并兒及婦兼復
胡祿屋闕啜等五百餘帳壺漿塞陌襁負而來自非
信著遠蕃何以翕然至此邊陲寧謐繫卿是賴雖鄭
吉之護南道班超之臨西域無以過焉

十一月丙申詔曰北戎爲患南牧是膺叛而伐之服
而捨之春秋格言是謂通典葛邏祿陰山都督部落
驕天縱毒候月爲妖桀驚之心久矣脅從之禍深矣
而冒其攜阻思我恩化來七旬而就格逾萬里而歸
誠戢穎邊陲披肝塞下宜令左散騎常侍鮮琬攝御
史大夫持節往北庭宣慰突厥部落緣邊降戶要在
便宜處分

三年四月乙卯三姓葛邏祿率衆歸國璽書慰之曰
三姓葛邏祿首領散爛侯斤等冒涉遠來竝平安好
卿等一被驅率多歷歲年遂背逆輸忠間行歸國言
念誠節嘉賞良深緣彼部落初來已令逐便安置卿

等來目大首領及將士已下竝得安穩與否所有事
意具狀奏來

十月授北蕃投降九姓思結都督磨散爲左威衛將
軍大首領解薛移利殊功爲右領軍衛將軍及都督
邪沒施爲右威衛將軍匄利羽都督莫賀突默爲右
驍衛將軍首領延隨薛渾遠都督爲右威衛將軍奴
賴大首領前白登州刺史奴賴孝爲左領軍將軍陝
跌首領刺史裴羅艾爲右領軍將軍竝員外置依舊
兼刺史賜紫袍金帶魚袋七事綵帛各三百段放還
五年十月乙酉鴻臚寺奏日本國使請謁孔子廟堂

禮拜寺觀從之仍令州縣金吾相知簡較捉搦示之
以整應須作市買非違禁入蕃亦容之

八年二月勅關內河東河西入朝新蕃酋等曰嘉爾
蕃酋慕我朝化相率歸附載變炎涼而忠懇不渝明
誠勤勵深宜輯乃戎落捍彼方隅使烽火無驚障塞
咸謐必厚賞崇班當取富貴朕比加恩貸爾實安堵
恐衣服未盡充災患且未恤永言于此良用憮然其
今春不入朝都督衙官并箭頭將軍在蕃者已令王
峻張悅楊敬述等取軍中庫物各賜爾等衣一副部
落有疾苦量給藥物無令田墮廢業含養失所遍相

勉諭以悉朕懷

十年閏五月戊寅勅曰我國家寰宇歷年滋多九夷同文四隩來暨夫其襲冠帶奉正朔顛顛然向風而慕化列于天朝編於屬國者蓋亦衆矣我則潤之以時雨煦之以春陽淳德以柔之中孚以信之玄風既同羣物滋遂莫不自天壤窮海域厥角以請吏執贄而來庭皇唐之德於此爲盛今外蕃侍子久在京國雖威惠之及自遠畢歸而羈旅之志重遷斯在宜命所司勘會諸蕃充職宿衛子弟等放還歸國契丹及奚斤通質子竝卽停追前令還蕃首領等至幽州且住交替者卽旋去朕欲以禽獸咸若華夷俱泰來則納其朝謁之禮去則隨其生育之恩推我至誠崇彼大順含弘之施德莫厚焉

十二年十二月新羅王金興光遣使獻女二帝以遠離所親特加封賞悉放還國降書謂曰卿所進女皆卿之姊妹容儀淑麗德行柔婉自非盡節向風何能割忍愛然以辭違本俗離別所親念彼遠貢之勞矜其懷戀之思雖阻來意竝不忍留今各加其邑號賜之衣服以達朝恩宜知朕意

是年安東都護薛泰請於黑水靺鞨內置黑水軍更

以最大部落爲黑水府仍以其首領爲都督諸部刺史隸屬焉中國置長史就其部落監領之

二十一年八月日本國朝賀使真人廣成與倭從五百九十人舟行遇風飄至蘇州刺史錢惟正以聞詔通事舍人韋景先往蘇州宣慰勞焉

二十九年七月命左羽林將軍孫老奴與中官使于葛羅祿部宣慰降詔書謂曰三姓葛邏祿及拔悉密首領部落等卿等上祖已來忠赤於國徃緣漸墮背叛遂被脅從非是本心朕深知悉聞卿等首領皆是忠良雖在遠方嘗願歸化具知此意深用嘉之况今

突厥天亡事勢如此在于豪傑多被誅夷所有諸蕃各自奔散智者料事不可失時儻或沉吟必招禍患宜卽遙相曉諭勸率早來且金山故地水草豐美安置部落還於此處庶事之間倍令優恤務取安太勝於徃時兼有重賞高官以待卿等今故遣使宣慰宜悉朕心

天寶元年益州長史章仇兼瓊奏吐蕃白狗國及索磨等諸州籠官三百餘人出奉州望准女國等例簡擇許令入奏餘竝就奉川宴賞放還從之

八載九月隴右節度使破吐蕃獲其平章事元論棟

郭獻之詔曰吐蕃平章事元論掾郭戎帳酋渠蕃庭
要重計窮力屈既入爲俘捨罪申恩特授官秩可授
左威衛翊府中郎將員外置同正員留宿衛仍賜宅
以安置

十三載女國南國狗國竝率部落內屬其大首領皆
授員外中郎將以安慰

閏十一月壬申東曹國王設阿及安國副王野解及
諸胡九國王竝遣上表請同心擊黑水辭甚切至帝
方務以懷柔皆勞賜慰諭遣之以安西域

乙亥吐蕃白蘭二品官籠董占庭等二十人來竝授
左武衛員外大將軍

肅宗至德二年正月迴紇大首領葛邏支將軍等來
朝耻班在武臣之下他日帝親引上殿賜食并錫賚
慰其意以遣之

代宗寶應元年十一月丁亥迴紇遣使拔賀那上表
賀收東京并獻逆賊史朝義旌旗等物引見于內殿
賜絲物二百疋初迴紇至東京以賊界肆行殘忍士
女懼之皆登善聖寺及白馬寺二閣以避之迴紇縱
火二閣傷死者計萬累旬火不滅及是朝賀又縱橫
辱官吏帝以外蕃功高特容之

永泰二年五月安南生蠻大首領林覩符部落新置德化州管戶一萬六百潘歸國部落新置龍武州管戶一千五百詔安南節度使左散騎嘗侍韓衡宣恩勞來之

大曆八年秋七月辛丑詔以迴紇使一百四十人還蕃以國信物一千餘乘遣之迴紇恃功自乾元後屢遣使以馬和市束帛仍歲市以馬一匹易帛四十疋動至數萬馬其使俟遣其繼留於鴻臚寺者非一蕃人欲帛無厭我得馬無用朝廷甚苦之是時詔盈數遣之以示廣恩

八月壬申迴紇遣使赤心領馬一萬匹來求市帝以馬價出於租賦不欲重困於人有司量出入之計市六千匹

德宗以大曆十四年五月卽位七月庚辰令迴紇諸蕃在京師各服其國之服

貞元十年五月乙酉以劍南西州歸化蠻悉差爲左驍衛將軍同正

十一月正月以降吐蕃論乞髯湯沒藏悉諾碑爲歸德將軍又於麟德殿召對論乞髯等

憲宗元和三年六月西原蠻首黃少卿歸欵少卿爲

歸順州刺史弟少高少温竝授官

是日突厥沙陀七百人攜其親屬歸於振武節度使范希朝尋授其大首領曷勒阿波左武衛大將軍同正員兼陰山府都督

十四年正月庚寅制曰朕臨御萬邦推布誠信西戎納款積有歲時中或虧違亦嘗包貸我有殊德寧不是思重譯貢珍道途相繼申恩示禮曾無闕焉昨蕃使奏章又至京輦將君長之金陳和好之誠臨軒召見館餼加厚復以信幣諭之簡書亦旣言旋纔及郊甸遽聞蟻聚來犯封陲河曲之間頗爲暴擾背惠棄

約斯謂無誠公議物情咸請誅絕朕深惟德化之未被豈慮夷谷之不實其國失信其使何罪釋其維繫以遂性示之弘覆以忘懷于裏苟孚庶使知感其蕃使諭短立藏等并後般來使竝宜放歸本國仍委鳳翔節度使以此意示諭

穆宗長慶元年三月平盧軍節度薛平奏新羅雖是外夷朝貢不絕其百姓多被海賊掠賣令請緣海州郡一切禁斷莫賊徒永息異俗懷恩從之

文宗太和八年二月庚寅詔南海蕃舶本以慕化而來固在接以恩仁使其感悅如聞比年長吏多務營

求嗟怨之聲達於殊俗况朕方寶勤儉豈愛遐琛
慮遠人未安率稅尤重思有矜恤以示綏懷其嶺南
福建及揚州蕃客宜委節度觀察使除舶脚收市進
奉外任其來往自爲交易不得重加率稅

武宗會昌元年五月天德軍奏迴鶻唃沒斯與歷支
王子多賢將軍等七人與部下將三千一百六十八
人來降中書奏曰迴鶻在邊人情疑恐聖化所感威
德克宣果得唃沒斯望闕歸心率徒效命必在優賞
昭示四方使戎狄遠聞皆感恩信望速降中使宣慰
其王子將軍賜以錦綵銀器將士等各賜綵帛從之

十月遣王會安撫迴鶻勅曰自古哲王撫寧荒服忠
于國者則有繼絕之恩順于道者則有固存之義所
以厚其向化優以報功迴鶻累代姻親久修臣禮服
我聲教保茲信誠嘗以國難識其忠良疾風知其勁
草永言勲力豈忘予懷如聞統吃斯所攻兵析衆叛
產畜大耗國人薦饑流離轉徙遠逾沙漠近因太和
公主遣使入貢已知新立可汗寓居塞北告窮請命
未有所歸每念艱危戴深憫惻今欲救恤窮困撫慰
傷痍俾四方知朕不忘勲舊報其大順昔匈奴季離
呼韓立塞漢宣帝轉粟賑救權時施宜故得三代稱

蕃北邊罷警前王令典可不務乎宜令左金吾衛大將軍兼御史大夫王會持節充安撫大使兼御史中丞李師偃充副使專往慰問仍賑米二萬石俾其安輯離散漸就漠南再復舊疆永保恩好宣示中外宜體朕懷

宣宗大中二年正月涇原節度康季榮奏吐蕃論恐熱以安樂三州及石行七關等歸國詔遣太僕卿陸耽馳往勞焉仍令靈武節度使朱叔明邠州寧州節度使張君緒與涇原康季榮各總所部兵鎮之

五年八月沙州張義潮遣兄義潭將瓜沙伊肅等十

一州圖經戶籍來獻自河隴陷蕃百餘年至是悉復隴右故地制改沙州爲歸義軍以義潮充歸義節度瓜沙等州觀察使

後唐莊宗同光二年五月以權知歸義軍節度兵馬留後金紫光祿大夫簡較尙書左僕射守沙州長史兼御史大夫上柱國曹義金爲簡較司空守沙州刺史充歸義軍節度瓜沙等觀察處置管内營田押蕃落等使瓜沙與吐蕃雜居自帝行郊禮義金間道貢方物乞受西邊都護故有是命

明宗天成三年十一月以契丹僞署平州刺史光祿

大夫簡較太保張希崇爲汝州刺史加簡較太傅隨行官員二十四人各依資授諸道官

四年正月賜龜茲國隸臺寺僧波羅密紫衣

九月丙戌帝御中興殿蕃部進馬安重誨奏曰吐渾黨項近日相次進馬皆給還馬直對見之特別賜錦絲計其所費不啻倍價漸成損耗不如止絕帝曰嘗苦馬不足差綱遠市今蕃官自來何費之有外蕃錫賜中國嘗道誠知損費理不可止自是蕃部羊馬不絕於路

長興二年正月東丹王突欲率衆自渤海國內附上

御文明殿對突欲及其部曲慰勞久之賜鞍馬衣服金玉帶錦絲器物又大將軍副將軍已下分物有差宰臣率百寮稱賀

二月幸東丹王突欲之第賜突欲絹三百疋至晚還宮

三月辛酉中書門下奏東丹王突欲遠泛滄波來歸皇化旣服冠帶難無姓名兼惕隱等項以力助王都罪同禿餒爰從必死竝獲再生每預入朝各宜授氏庶使族編姓譜世荷聖恩况符前代之規永慰遠人之款自突欲已下請別賜姓名仍准本朝蕃官入朝

例安排勅旨付中書門下商量聞奏宰臣按四夷入朝蕃官例有懷德懷化歸德歸化等將軍中郎將各號又本朝賜新羅渤海兩蕃國王官初自檢校司空至太保今突欲是阿保機之子且類渤海國之王念自遠夷宜加異渥冀顯賓王之道以旌航海之思其惕隱赫遜已下始自朋克不可同等古者保姓授氏有以因官有以所居所掌有因歸化特賜姓名勅旨突欲宜賜姓東丹名慕華乃授光祿大夫簡較太保安東都護兼御史大夫上柱國渤海郡開國公食邑一千五百戶充懷化軍節度瑞慎等州觀察處置押蕃落等使其從慕華歸國部曲罕只宜賜姓罕名支通穆葛宜賜姓穆名順義撒羅宜賜姓羅名實德易審宜賜姓易名師德蓋禮宜賜姓蓋名來賓仍授罕只等五人歸化歸德小將軍中郎將先助禿飯擒獲蕃官惕隱官蕃名赫遜宜賜姓狄名懷惠和公官蕃名担列宜賜姓列名知恩仍並授銀青階簡較散騎嘗侍舍利官蕃名煎刺宜賜姓原名知感福郎宜賜姓服名懷造奚三副使竭失訖宜賜姓乞名懷有三人並授銀青階簡較太子賓客

九月勅懷化軍節度使丹慕華宜賜李名贊華仍改

丹府元龜 來遠

封隴西郡開國公兼應有先配在諸軍契丹直等並宜賜姓名

三年四月癸亥以懷化軍節度使李贊華為滑州節度使初帝欲以贊華為藩鎮范延光奏以為不可帝曰吾與其先入約為兄弟故贊華來附吾老矣儻後世有守文之主則此輩招之亦不來矣繇是近臣不能抗議

末帝清泰元年正月迴紇李突安而下十人先在京放還本部

二年六月詔北面總管沿邊馬軍會于代州指揮達

鞞於雲州界安置仍少月糧
七月詔邠涇鄜耀四州出州兵應接迴鶻時迴鶻朝貢多為河西雜虜剽掠故有是命及迴又詔邠州節度使康福遣將軍牛知柔率禁兵接送至靈武虜之為患者隨便討之

三年西域南印土師子國婆羅門摩訶定利密多羅耳州大雲寺僧那迦悉地并賜紫袈裟百濟僧智周言元朝賜紫辭歸國賜號曰法深大師

晉高祖天福元年十二月詔封故東丹王李贊華為燕王令前單州刺史李肅部歸葬本國

二年正月詔西天中印土摩竭陀舍衛大菩提寺三

藏阿闍黎沙門室利縛囉上鞞下刺宜賜號弘梵大師

周太祖廣順二年七月戊寅以契丹長慶宮提轄使

戶部郎中韓僚為鄜州延慶縣令契丹虞部員外郎

胡嶠為汝州魯山縣令竝以其歸化故也

九月丁丑河西節度使申師厚奏薦蕃州將吏請加

恩命從之左廂押蕃副使折逋支右廂崔亮心竝授

銀青光祿大夫簡較工部禮部尚書楊妃谷大首領

沈念般授懷化大將軍左廂大首領錢干必篤為歸

德大將軍沒林葛干凝盧伴氈折逋窮羅竝為懷化

大將軍右廂大首領鹿悉迦河羅岳曠奴竝為歸德

大將軍劉念般批與龍温光積竝為懷化大將軍攝

節度掌書記守涼州姑臧令王庭澣授監察御史裏

行充河西軍節度掌書記攝節度推官温崇業試祕

書省較書郎充河西節度推官攝錄事參軍劉少英

為涼州錄事參軍師厚又言自安國鎮至西涼州公

路三處扼控各立州各欲補大首領為刺史又官界

部落大首領三十餘人各望賜空名告身竝從之

十一月環州黨項臯家族首領越厮七移竝授懷化

將軍

十二月補契丹武州刺史石越爲南府知兵馬使張延煦爲許州都知兵馬使

是月契丹部建州掌書記馬震興州錄事叅軍李趙普州主簿李署可汗州懷來主簿王自真等宣中書各授州縣叅贊之官

三年十一月延州黨項首領吳怡磨五十三人並授懷化郎將

世宗顯德二年正月沙州留後曹元忠知瓜州軍州事曹元恭各遣使進方物以元忠爲歸義軍節度使簡較太保同平章以元恭爲瓜州團練使仍各鑄印以賜之皆旌其來王之意也

冊府元龜

冊府元龜

帝王部

卷之三百一

二十九